

أحببتك يا صغيرتي

رواية



تصميم الغلاف : محمد جمال حسين

راندا عبد الحميد
روني وكايتها

أحببتك يا صغيرتي

ل

راندا عبد الحميد

"روني وحكايتها"

جميع الحقوق محفوظة © عصير الكتب للنشر الإلكتروني

<http://book-juice.com>

أحببتك يا صغيرتي

المؤلفة : راندا عبد الحميد

تصميم الغلاف : محمد جمال حسين

نشر في : ديسمبر ٢٠١٤



إهداء :

أحب أن أهدي هذه الرواية الى عمى رحمه الله عليه..
والذى كان حنانه وتعامله الراقى معنا سبب فى كثير منما
وصلنا اليه الان..
رحمه الله عليه .. وأسالكم له الدعاء..

المقدمة :

هل سالت نفسك يوما .. ما هي انواع الحب؟

نعم للحب انواع وأشكال فمثلا: هناك حب من أول نظره؛ وحب من طرف واحد؛ وحب ياتى

بالعشقه؛ وهناك حب سمعنا عنه؛ وحب قراناه فى القصص والروايات؛ وحب رأيناه بأعيننا بين الناس؛ وحب عشناه ولم ندرك معناه الا بمرور السنين؛ وحب لم نعلم به الا بعد فوات الاوان؛ و...و...و.....

فلكل انسان نصيب من الحب والعشق طالما وهبه الله قلب يدق ومشاعر وعواطف فهى نعمه يمتلكها فقط من يجب.

ولكن أجهل انواع الحب بنظرى هيا من تتوج بالحلال.

واتى أنا لاقص عليكم احدى هذه القصص مع " أحبتك يا صغيرتى "

فهى احدى قصص الحب والعشق التى بها كل الاركان الحب من دموع ؛ وانتظار؛ واه ؛ ووداع ؛ ورجوع ؛ ونظرات ؛ وهمسات ؛ وشوق ؛ ومتاعب ؛ وراحه ؛ والم ؛ وصبر؛

وفرحه ؛ وكل ما نراه فى هذه المشاعر تحت مسمى الحب....

الفصل الاول :

في احدى المناطق الراقية في القاهره يسكن ابطال هذه القصة ؛ وعندما نتعمق اكثر وننظر

الى المنطقه الخاصه ببطلتنا والتي يوجد بها منزلها او لنقول فيلتها ونسير سويا وننظر من

خارج الاسوار متوسطه الطول ؛ فنرى فيلا جميله ويتضح عليها الرقى والذوق العالى

والرفاهيه التى يتمتع بها اصحاب هذا المنطقه وابناؤهم.

وعندما نتمعن بالنظر بحديقته الفيلا نجد بها البسين الذى يميز اغلب الفيلا الموجوده

بالمنطقه مع وجود مرجوحه في احد الاركان. يقربها بستان من الزهور. يخرج منها

الروائح الخلابه التى تشعرك بالسكينه والصفاء

والحيويه والاسترخاء. وعلى بعد بعض الامتار في احد الاركان نجد جلسه جميله مظلل.

وبين تلك الجلسه وحمam السباحه يوجد جلسه اخرى تتمتع

ببعض الخصوصيه.

فتستطيع ان تجعلها مفتوحه وكأنها لا حاجز بينها وبين حديقته

هذه الفيلا أو أن تختفى فيها بعيد عن العيون وتختلى بنفسك ولا يراك أحد.

وبعد حمam السباحه يوجد غرفه ولنقل ملحق لهذه الفيلا ونرى أنها مغلقه الان فلنتركها

ونعود الى الفيلا وسنعلم من أصحابها ما بداخل هذا الملحق فيما بعد وعندما ندخل أكثر لهذا المكان الجديد علينا لنكتشف قصه الحب الذى عاشت فيه.

والذى توجهنا له بدعوه من احدى الافراد الذين يسكنون فى هذا المكان؛ الا وهى بطلتنا وقد اتينا بنائا على ميعاد متفق بيننا.

وبعد أن طرقتنا هذا الباب الرئيسى للفيلا؛ وانتظرنا لحظات...

فتحت الباب لنا فتاه جميله صاحبه ابتسامه أجمل؛

يبدووا عليها أنها فى بدايه العشرينات وبعد أن دخلنا وسلمنا وعرفناها بأنفسنا

بدات هيا بالكلام وقالت: انا هدى كنت اتفقت معاكم انكم تنشروا حكايتى.

انا عايزه احكيلكم قصه حبي وعمرى كله وحياتى مع حسن.

حسن ده تقدرروا تقولوا عليه بابايا وماماتى اصله هو المربىنى؛ واخويا واختى وصاحبى

وصاحبتى وأستاذى لانه هو الكان بيداكرلى؛ والاهم بقا انه أغلى الناس على قلبى.

وابتسمت : عارفين هو بيقا ابن خالتى وكمان ابن عمى.

شوفتوا بقا محاطين من كل الجوانب زى عادته دايما.

بما أن بابا وعمى اخوات طبعا وماما وخالتو اكيد اخوات؛ فاتفق الاتنين لاختوات الاوليين

انهم يتجوزوا الاتنين التانيين . وبكده بقا اولاد عمى هما هما اولاد خالتى.

واحنا كلنا ساكنين هنا فى الفيلا دى لان دى رغبت بابا وعمى؛

بما أنهم ما لهمش الا بعض وكانوا عايزين يفضلوا مع بعض على طول وطبعاً ماما وخالتوا

عجتهم الحكاياه دى قوى ومن الاساس كانت دى رغبت جدى الله يرحمه.

وعشان برضوا يفضلوا مع بعض دايماً فى البيت والشغل فى الشركه سوا.

أنا وحسن اتولدنا هنا وعشنا عمرنا كله هنا .

أحلى حاجه عاجباني بقا فى تصميم الفيلا أن كل اوضه أو جناح ليها الحمام الخاص بيها

عشان الخصوصيه.

هما حاولوا أنهم يغيروا شويه فى نظام الفيلا بحيث أننا نفضل دايماً سوا؛ وبرضوا لكل واحد

ليه الخصوصيه بتاعته.

وخصصوا الدور التانى يكون أوض النوم بس. فكان لبابا وماما جناح؛ وعمو وخالتو جناح؛

وأنا أوضه بحمام؛ وحسن أوضه بحمام.

أما الدور الاول الاحنا فيه دلوقت فيه المطبخ الكبير هناك ده ؛

وهناك فيه توالت عشان الضيوف.

وزى ما أنتو شافين باقى المكان أوضه صالون وانتريه مفتوحه على الصاله وده زيهم

بس مغلق بحيث لو جه اصحاب ماما او خالتو يبقوا فى خصوصيه ليهم وما ييقاش

فيه احراج ليهم او لينا.

ودى اوضه المكتب بتاعت بابا وعمو.

ايوه صحيح شفتوا المرجيحة الحلوه البره؟ دى ليا حسن عملها عشاني.

فقلنا :أه..أحنا شفنا المكان بره كله بس كان فيه ملحق أو أوضه تبع الفيلا مقفوله ما

شفناهاش.

فابتسمت وقالت : دى فيها حمام سباحه صغير شويه عن اللى فى الجنيهه .

فى الاول كنت بعوم انا مع حسن فى البسين البره؛ ولما ابتديت أكبر شويه أصر حسن على

بابا وعمو انهم يحولوا المخزن حمام سباحه ليا عشان أعوم براحتي لو حد جه عندنا فجاه.

وانتم بقا ما تعرفوش حسن لو مقتنع بموضوع وخاصه لو كان يخصنى؛ بيقلب الدنيا لغايه

لما يتنفذ وعلى فكره الكلام ده مش لما كبر بس لا ده من وأنا صغيره دايمما بيهتم بكل

صغيره وكبيره تخصنى.

وعمل كمان اوضه العاب رياضيه من الفيلا فوق فى الدور الثالث ومحدش بيدخلها غير انا

وهو بس.

أصل حسن بيخاف عليا قوى ويغير عليا جدا جدا بيحس اني كتر ثمين وهو الحارس عليه

وحقّ لو عجباني وحسن قال لا .. أنا كمان بقول لا .

على فكره هو مش بيجبرني على حاجه ؛ بس رضاه عندي يسوى الدنيا وما فيها .

ورجعت بطلتنا هدى تاني لمكانها .

وقالت : ممكن زي غيركم تقولوا ان حسن متحكم فيا زياده عن اللزوم وأنه مش من حقه

يعمل كده ويمكن من حكايتنا هتحمسوا بده اكثر .

بس تخيل أن في حياتك حد من صغرك بيحبك ويهتم بيك؛ يبقى كل همه انه يحافظ عليك من

كل الناس ومن كل العيون . بيخاف عليك ويحتويك ويفهمك من غير كلام ؛ بيحاولك بحنانه

مهما كبرت وانت بالنسباله مركز الكون .

وهو فعلا من صغري محتويي وكان اقرب صحابي كان بيهتم بيا جدا وبكل اليخصني؛

من أكل لشرب للبس ومدرستي؛ وتعبي ومذاكرتي عارفين مع انه كان بيداكركلي في الاجازه

كل المواد ؛ بس دايما بيبقا متابعتي في الدراسه واسماء مدرسيني؛ ودرجاتي؛ وواجباتي

وعارف وأنا في المدرسه جدولي؛ وايه اللي أخذته؛ وايه الفاضل؛ وببشرحلي تاني النسبته

وفضلنا كده لغايه لما حسن دخل ثانويه عامه .

الفصل الثاني :

عمو بقا قال أن حسن لازم يبعد عنى الفتره

دى عشان يركز فى مذاكرته لانها شهاده ومحتاج يجيب مجموع وأنه لازم يسيبنى اذاكر

لوحدى ؛ بس حسن رفض جدا.

وقال انه هو المسئول؛ وانهم ليهم فى الاخر انه يجيب الدرجات التعجبهم وانى مش بعطله.

أنا كنت باتكسف لما اسمع الكلام ده وخاصه ان الموضوع اتفتح اكثر من مره عشان

يقنعواه. ففى مره اتكلمت معاه وقلت انى هانقل مكتبى أوضنى عشان ياخذ راحتته ويذاكر

وان عمو معاه حق فى كلامه وان ده مستقبليه.

بس حسن زعل منى وخاصمنى ٣ ايام وبالعافيه عرفت اصالحه وحرمت افتح الموضوع ده

تانى.

وكان كل سنه يشتريلى هديه كجائزه ليا لما باطلع من الاوائل.

ولو طلعت الاولى بيعملى برنامج تحفه من الفسح والهدايا واللعب ؛ فعشان كده كنت باحب

اذاكر اجازه ودراسه عشان اطلع الاولى.

وبالرغم من ان حسن مفيش مناسبه الا ويجبلى هديه فيها الا انى ما استعملتش ولا واحده فيهم.

وخصصت درفه لهدايا حسن فى اوضتى وكنت بشيل فيها الهدايا وكل فتره اطلعهم اتفرج عليهم واشيلهم.

كنت بخاف يضيعوا منى او يوظوا فكنت باحتفظ بيهم فى الدولاب.

كمان لينا اكثر من البوم صور مع بعض كنت كل ما اشترى طقم جديد يصورنى بيه؛ ولو فى مناسبه يصورنى؛ ولو نجحت يصورنى.

حسن بيحب التصوير قوى وأنا كمان بحب اتصور معاه؛ ولينا البومات خاصه بينا وكمان عندنا البومات للعيله بس مش قد بتاعتى أنا وحسن وكل صوره كاتب عليها سببها والتاريخ عليها

كنت وأنا صغيره كل فتره نروح اوضتى وياخدنى فى حضنه على السرير ونقعد نطلع كل الصور ونتفرج عليها ونفتكر مواقفنا فيها؛

بس لما كبرت بقينا بنقعد على مكتبه جنب بعض ونتفرج.

وضحكت بطلتنا وقالت : اصل كل حاجه بينى وبينه ليها طريقته وشكلها ونظامها الخاص بينا أنا وحسن وبس.

عارفين في الدور الثالث حسن حول اوضه منه لأوضه العاب رياضيه وجاب فيها أدوات رياضيه وباقي السطح عامله زى ساحه رياضيه لينا ؛ أقصد طبعاً أنا وهو.

حتى النضافه مش بيخلي حد بنضفه الا أنا وهو؛ حتى ماما وخالتو والشغالين ممنوعين من طلوع فوق حتى لو هيبنضفوا.

هو لما يشوف المكان محتاج تنضيف يقول اعملى حسابك بكره عندنا يوم للنضافه.

وانا اعرف انه عايزين ننضف أوضه الأدوات الرياضيه والسطح

على فكره هو مقفل السطح من وقت ما دخلت اعدادى عشان لو طلعت محدش يلمحنى من الفلل الجنبنا أو الشارع.

عارفين حتى مفتاح السطح ده أنا الوحيد المعايا نسخه منه حتى خالتوا حاولت تاخده منى مره أو أعملها نسخه.

بس طبعاً كانت بتحلم لانه موصيني محدش ياخده منى ولا يدخله غيرى لان ده المكان الوحيد المحدث بيدخلوا الا أنا وحسن فعايزه خاص بيا وبياه دايمًا.

وأنا عجبتي الفكره وجبنا صور لينا علقناها في كل مكان فيه وكلها خاصه بالمكان الرياضى بتاعنا.

عارفين في يوم النضافه بتاع السطح ؛ بنصحى الصبح عادى ناطر وتلقائى نقوم سوا نروح

نجيب كل واحد جردل ومساحه ومكنسه وقماشه ونطلع فوق.

اهلنا لما يشوفونا كده يعرفوا انه يوم النضافه النهارده. اصلا احنا بنقضى اغلب الوقت لعب

وضحك ونرش ميه على بعض ونجربى ورا بعض لغايه لما نتعب.

ومن وقت ما كبر وابتدى يطلعله شنب وأنا بضحك عليه فى يوم النظافه ؛ واقوله ياسلام

عليك وأنت لابس طرحه زى الشغالين ونازل تنضيف

شكله بيפטس من الضحك تخيلوا واحد طول بعرض وعضلات ما شاء الله وشنب ورابط

دماغه؛ وشغال زى ذنوبه الشغاله شغال بالمكنسه والمساحه.

بس بصراحه احيانا مش بيبقى ليا مزاج للنضافه فبعمل شويه صغيرين معاه.

واقول يا حسن تعبت.

فيضحك عليا ويقول: ماشى اقعدى استريحى أنا اصلا عارف انك مش عايزه تشتغلى ؛

بس خليكى معايا مش عايز أكثر من كده.

وفعلا اغلب أوقات التنضيف بابقا قاعده وهو البيعمل كل حاجه ؛ بس المهم انه كان عايزنى

ابقى موجوده معاه وبس.

وجاب تليفزيون وكرسى كبير لو حد حب ينام عليه

وكرسيين صغيرين نقعد عليهم. وخلاهم فى الاوضه مع الاجهزه الرياضيه.

وبقينا واحنا طالعين ننصف بناخد معنا شيبسي ولب وحاجات حلوه

وساقع وكاننا في فسحه مش بنصف.

اصله عارفي باعمل شويه وابدلع وهو بيكمل وانا اقعد اتفرج على التلفزيون.

وأحنا صغيرين عملنا كل حاجه حلوه ممكن تخطر على بالكم؛ يعني مثلا:

أحيانا بنتزل تحت في الجنيهه بالليل وننمام على النجيله أ ونقعد فتره نشوف القمر ونعد

النجوم ونتخيل انها باشكال معينه ونختلف مع بعض ونتخايق بس طبعاً بهزار.

عارفين في مره كنا قاعدين بنتامل القمر والنجوم قال: عارفه يا هدى انا كل مره بشوف

القمر بافتكرك وبحس انه بيعكسلي صورتك.

فقلت : ازاي ؟

فقال: شوفيه كويس وركزي وانتي هتعرفي وتفهمي.

القمر ربنا خلقه عشان ينور الدنيا بالليل ؛ وانتي ربنا بعثك عشان تنوري دنيتي صبح وليل.

فقلت : عارف يا حسن احنا كده شكلنا عاملين زي الحبيبه.

فضحك وقال: مين عارف يا هدى يمكن وأحنا مش واخدين بالنا

عارفين حسن دايماً محسنى اني حاجه غاليه قوى وبحب احترامه ليا باحس اني أميره ومميزه عن كل

البشر.

ودايما بحب أخذ بالي من تصرفاتي عشان ما انزلش من نظره ؛ حتى النادی مش بروحه من غيره. حتى لوماما وخالتو راحوا لازم وجوده او برفض أروح وهو كل فتره كان بيوديني. بس كان مربى الرعب لاصحابه من ناحيتي؛ محدش من صغرى يقدر يقول ازيك. حتى هيشم أعز أصحابه من صغرنا مره قاله لو عايز نفضل أصحاب ما أشوفكش فى يوم رافع عينك على هدى حتى لو صدغه.

ولما سألته:ليه؟

قال :عشان لما تكبرى محدش يتجرا ويكلمك ؛ يبقوا متعودين على كده. وانا فرحت قوى بكلامه.

وفى مره شفت فى صاله رياضيه والولا د بيلعبوا جودوا فعجبتنى قوى.

فقلتله يشتركلى فيها بس بصلى ورمردش عليا ومنعنى شهر من النادی بعدها. وكان بيروح لوحده.

وانا اعتررتله.. مش مهم اللعب المهم هو ما يزعلش.

وبعد الشهر اتفاجئت انه اشتراالى بدله جودوا وجه ادهانى وقال:

قدامك خمس دقائق تلبسيها وتبقى فوق هستناكى على السطح.

وأنا كنت فى منتهى السعاده وأتفاجئت أنه فى خلال الشهر ده اشترك هو فى اللعبه وليه

شهر بیروح یدرب واتفق معايا أنه هو هیدرب فی النادی وهیجی یعلمنی .

عشان مش عایز حد یعلمنی ویزعقلی مثلا لو ما اتعلمتش بسرعه ؛ وخاصه انی بسکوته

وبعیط بسرعه فمش عایز العیال یضحکوا علیا .

وکالعاده أقنعنی وبقا هوالبیروح یدرب فی النادی ویجی لیا یدربنی فی البیت .

ولغایه لما کبرت برضوا مش باروح من غیره هو الیودینی ویفسحنی ویرجعنی بدون ای

تعامل مع حد غیره .

وبالرغم من کده باقی فی منتهی السعاده

بالرغم من ان کنت مش بعرف ناس کتیر ؛ وحتى الدنیا ومعرفتی بیها کانت برضوا من

خلاله ؛ الا انی باعتبار نفسی انی محظوظه بوجوده فی حیاتی

احساس جمیل انک تحس انک ممیز کده بالنسبه لشخص معین . وانک کل حیاته وان کل هدفه

فی الحیاة انه یحافظ علیک وعلی ضحکتک .

هو عمره ما حرمنی من حاجه بس کان بیفکر بطریقه مختلفه

یعنی انفذ رغبتی بس باسلوب حمایه حسن وتحت اشرافه .

عارفین فکرت حمام السباحه البره کان اصلها بتاعتی .

مره کنت بتفرج مع حسن علی التلیفزیون وکنت صغیره وشفتهم وهما ییلعبوا سباحه؛

فعبجتني وقتله يا حسن عايزه العب زيهم.

ففضل يروح النادي يلعب سباحه وانا اتفرج عليه لغايه لما يطلع واتفق معايا أنه هو

هيتعلمها الاول وبعدها هو يعلمني عشان ياخذ باله مني وما أغرقش.

وفضلنا في فتره تعليمه نزن على بابا وعمو لغايه لما عملولنا البسين الفى الجنيه.

وهو العلمنى وقال: عشان محدش غريب يشوفنى بلبس السباحه وكنت دايمًا يعوم معايا.

ومن بعدها كان كل اجازته لازم نسافر للمصيف ونزل البحر سوا ونخرج سوا ونعوم سوا

ولو حبيت انى ادخل لجوه فى البحر؛ كان بيخلينى انام على ظهره والى اديا حواليه وهو

اليعوم بيا لغايه لما يتعب ونرجع.

ولما قتله انى باعرف اعوم واخليه يعوم معايا بدل ما يتعب كده.

باس دماغى وقال: فداكى يا هدى؛ وانا كده هابقا مرتاح ومطمئن عليكى اكثر.

واستمرينا كده لغايه وانا فى سنه خامسه ابتدائى.

الفصل الثالث :

وقتها حياتي اختلفت لما جيت في مره عشان أعوم معاه في البسين فرفض وخرج

منه وقعد معايا وقال: شوفي يا هدى أنتي خلاص قربتي تكبرى وتبقى أنسه جميله.

ومش هينفع تترلى معايا تاني البسين وأنا هاكلم بابا وعمو هاخليهم يغيروا المخزن ويعملوه

بسين مغلق ليكي خاص بيكي.

وليكي عليا أنا مش هأنزل تاني أعوم الا لما يعملوا ليكي البسين.

بصراحه أنا زعلت في الاول أنا مش عايزه بسين لوحدي أنا عايزه دايمًا أفضل معاه بس هو

قالى انى خلاص هكبر وهبقا أنسه وعيب انى أقعد قدامه كده وخلايى أرجع أغير هدومي

ولازم ابتدى أعود نفسى من دلوقت.

فحاولت أقنعه فقلت: أنا لسه صغيره يا حسن.

بس هو أتكلم معايا من ناحيه الدين وأنا اقتنعت بكلامه بس زعلت جدا لاني كنت بحب العب

معاه؛ وياما أستمتع معاه وأحنا بنعوم ولينا ذكريات حلوه كثير في حمام السباحه.

والليله دى بكيت كثير ورحت أوضته عشان أنام معاه لاني بجد كنت زعلانه قوى بس هو

رفض كمان وقال انى خلاص هابقا كبيره ومش هينفع أجي أنام جنبه تاني.

وأنا زعلت جدا وفضلت أعيط ولاول مره أعيط وحسن ما ياخذنيش في حصنه.

بالرغم من اني كنت شايفه شكله زعلان عليا بس فضل يهديني بالكلام وما سابنيش الا بعد ما مسحت دموعي.

فقلت : خلاص يا حسن أنا مش عايزه ابقى كبيره خليني صغيره وأفضل معاك.

فابتسم واتكلم معايا شويه وخلاي ارجع أوضتي أنام فيها.

وتاني يوم خدني فسحني وقال أنا هفضل أصحاب وأولاد عم بس في حاجات هتتغير واني

هابقا كبيره ومش هينفع نعملها زي الاول ؛ بس ده مش معناه انه مش هيهتم بيا.

ولما سألته عن السبب.

قال : أنا بحافظ عليكى لانك أميره غاليه ؛ وأن دي حدود ربنا وأنا لازم نسمع كلام ربنا فيها

وأتفقنا على كده

وفضلنا كالعاده زن أنا وهو على بابا وعمو عشان نقنعهم بموضوع البسين.

بس رفضوا لانهم لسه من كام سنه عاملين البسين الخارجى.

وقالوا لما أحب أنزل هو ما يتزلش بس رفض حسن وقال : طيب لوحد صدغه شافها من الفلل

الحوالينا أو معدى فى الشارع وشافنى من الجنيهه.

محدث يضمن الظروف.

وفضلنا فتره نزن لغايه لما زهقوا وعملوه ؛ أنا كنت بأفتقده كثير وأنا بعوم بس

هو ده الصح.

من صغرى ما فكرتش انه يبقى عندى أصحاب سواء بنات أو أولاد. حسن كان مالى عليا
الدنيا كان هو صاحبي بجد وكان معودنى أحكيه كل حاجه وما أتكسفش من غلطى قدامه.
ولو حد زعلنى أشكيه؛ ولو عندى مشكله هو يحلها.

أنا أعرف كثير فى مدرستى بس زمايل لاني متعوده ان كل أسرارى عند حسن.

ولما دخلت المدرسه أقنعنى أن ما أصحابش أولاد لأنى جوهره غاليه ومش أى حد يستحق

أنه يتكلم معايا مش يصاحبنى كمان. ولأنى بنت يبقى لازم أن اصحابى يقولوا بنات.

فقلت: طيب أنت ولد يبقى ما أتكلمش معاك تانى؟

فسكت شويه وحط ايده على خدى وبص فى عينه وقال: أنتى لو كلمتى أولاد هيقولوا عليكى

مش كويسه؛ بس لانه أنا قريبك وانتي متربيه قدامى وأنا عارف كويس انك مؤدبه

مش هاقول زيهم.

وغير كده أنا بجدك وبخاف عليكى؛ فمش عايز غير انك تكونى متصانه من كلام الناس

وعيونهم.

وان اقتنعت بكلامه وفرحت بيه وفضل یرن فی ودانی لغایه دلوقت لما یحصلی ای موقف.

وفعلا لما دخلت المدرسه كان ای ولد بیجی یكلمنی بسیبه وامشی. وكنت بارجع احكى لحسن وهو بیقی فرحان بیا؛ ولما كبرت شویه اتكلم معايا واقنعنی ان انقل مدرسه بنات بس.

وفعلا أنا وهو اقنعنا بابا الله یرحمه ونقلنی مدرسه بنات بس.

فی الأول زعلت عشان مش معايا البنات الاعرفهم؛ بس حسن شجعنی أتعرف علی ناس جدیده. وفعلا شویه شویه أبتدیت الأمور تعدی وأخذ علی الوضع الجدید وكان یكفینی أن حسن مبسوط بده عشان یعدی علیا بسهولة أنا كمان.

بالرغم من أن بابا وعمو كنت باحسن فی عیونه بفرحتهم بمواقف حسن بس كانوا خایفین انه بیقی متمزمت وده یأثر كمان علیا.

المهم خلص موضوع المدرسه وبعده موضوع البسین وأنا كمان خلصت سنه خامسه ودخلنا فی موضوع الحجاب.

وهو أول واحد جابلی حجاب هدیة ولبسهونی وصورنی بیه.

وقال: خلاص كده أنتی كبرتی ومش عایزك تقلعیه تانی.

وخدنی وروحنا لماما وخالتو وخلاهم شافقونی وفرحوا بیا وباسونی.

وحسن قال: من هنا ورايح عایزكم ای لبس تجیبوه لهدی بیقی مناسب للحجاب لانها مش

هتقلعه تانى.

وماما قالت : لا يا حسن لسه بدرى عليها أنا مش ناويه البسهوها دلوقت

بس هو قال : هدى خلاص هاتبتدى تدخل فى سن المراهقه ولازم تتعود عليه.

وماما قالت : دى بنتى يا حسن ؛ وأنا مش هلبسهوها دلوقت أنا عايزه أفرح بيها

وهيا لسه صغيره.

المهم بعد جدال والموضوع كبر ووصل لبابا وعمو هما كمان رفضوا.

وحسن قال : ده رأى الدين يعنى مش موضوع ينفع ناخذ رأى بعض

فيه ؛ أو رأى أغلبيه ؛ أو مين ليه الحكم على هدى عشان ينفذ كلامه. وأن بحجابي بحافظ

على نفسى من عيون الناس وأنهم لو رفضوا يبقوا بيفرطوا فيا وفي حق ربنا.

واتفق معايا ان لو قلعت حجابي ما أدخلش أوضته تانى ؛ عشان ما يأخذش ذنب لو شافنى

بشعرى ؛ وأنا طبعا اتمسكت بالحجاب أكثر منه وبقيت فى صفه.

وبابا جه اتكلم معايا وأنا قلت ان عايزه البسه.

فكلم ماما وخالتو نزلوا جولى لبس مناسب للحجاب

وماما وخالتو كانوا مدايقين لان حسن أصر يتزل معاهم عشان ما يكتاروش لبس ضيق

أو مش مناسب للحجاب.

وقال : انتم لو جبتوا حاجه مش مناسبه للدين مش هخليها تلبسها بره أوضتها ؛

وبما أنهم عارفين عنده فعارفين أنه هيزن كالعاده لغايه لما يعمل الهوا عايزه.

طبعا ماما كانت هتفرقع منه ومنى عشان أنا كمان قلت : مش هأنزل من غيره.

المهم نزلنا ورحنا نشترى وكان مصر أن اللبس يكون واسع حتى في

حاجات عجبتني وهو ما رضيش بيها.

فقال : لو هتجيبها تلبسها في أوضتك وبابك مقفول عليكى ؛ لا أنا ولاغيرى يشوفك بيها.

وماما لماحست أنى ادايقت قالت: أحسن عشان تفضلى سامعه كلامه وماشيه وراه.

احيانا باحس انه محاصرني في كل حاجه ومن مذاكره لتدريب لخروج

لتربيه وكل حاجه عندى هيا حسن.

ومش بيسيبنى الا لاني في المدرسه اولانى نايمه ؛ لدرجه مره باقوله أنا بحس انك بابا

أو أخويا مش ابن عمى من كتر أهتمامك بيا.

فحسيته أدايق وبصلى شويه وقال : بس أنا مش أخوكى ولا باباكي أنا ابن عمك.

يعنى مش محرم ليكى ولازم تحافظى على نفسك منى لانك تجوزى ليا.

الكلام ده كنت في اعدادى وهو ثانوى.

أنا زعلت من كلامه وخفت لا يكون مش بيحبني زى ما أنا بحبه بس كالعاده قرأ أفكارى.

وكامل وقال: أنا فرحان ابني غالي عندك؛ وده أنا اصلا متأكد منه بس لازم ما تدبش حد دور مش دوره عشان ما تتعيبش بعد كده؛ يعني أنا لو أخوكي ممكن تقعدى عادى بشعرك قدامى وده حرام فلانم ابقى دايم ابن عمك عشان تتحجى قدامى وده ما يمنعش انك تحببى وابقى غالى عندك بس بالاصول.

ففكرت فى كلامه وقلت: فعلا معاك حق؛ أحيانا كثير كنت بحس انه بينخاف عليا حتى من

نفسه أنا لاحظت انه من صغرى هو متولى مهمت تربيتى وأهلى كانوا

دايم براقبونا ولو اختلفوا معاه دايم بيقنعهم حتى كنت بلا حظ انه بيضيق الحصار عليا أكثر

منهم وساعات بالتخنى من محاصرتة ليا وتدخله فى كل صغيره وكبيره بس صعب

أقول عشان ما يزعلش وهو دايم اهتمامه زايد بيا يعنى هو دايم بيتقى معايا الصبح واحنا

بيوصلنا السواق ولو مواعيدنا متفق بيخلى السواق يعدى عليه الاول وبعدها يعدوا عليا

ولما دخل الكليه وجاب عربيه كان هو بيوصلنى الصبح حتى لو مش عنده

محاضرات بس كان بيزعل لو معاد خروجه من المحاضرات مش متفق معايا .

واحيانا كان بيقترح ابني اشوف حد من البنات اصحابى يكون ساكن قريب مننا يرجع معايا؛

نوصله فى طريقنا عشان ما افضلش لوحدى مع السواق.

زمايلى فى المدرسه كانوا بيسمونى بتاعت حسن؛ عشان كل موضوع اقول حسن قال

وحسن وافق؛ وحسن رفض؛ وأسأل حسن وأرد عليكم؛ وحسن مش هيرضى؛ أو أستئذن
حسن وارد عليكم.

لدرجه واحده مره قالت : هو باباكي ده مالوش دور في حياتك الا انه خلفك؛

كله حسن حسن؟

الفصل الرابع :

فانا قلت : لا طبعا أنا بحب بابا قوى بس هو وعمو أغلب الوقت فى الشركه او مسافرين ؛ وهو مش بيقول على حاجه غلط بالعكس دائما يقول أنا عارف بنتى وأعملى الانتى عايزاه. حسن عمره ما أمرنى بحاجه أو الزمنى بيها ؛ هو بس بيقترح عليا ويقول بلاش دى أو أعملى كده كراى.

بس أنا البنخاف ان ارفض فيزعل وفى نفس الوقت بلاقى معاه حق؛ فليه أرفض وهو دائما مهتم بيا وبكل حاجه ليها وفسحى ومذاكرتى وكل حاجه فما ينفعشش بعد كل ده أزعله. وأوقات كانوا بيقولوا انه بيحبنى فى الاول رفضت الفكره تماما لانه احنا زى الاخوات بنهتم ببعض وبنخاف على بعض.

وكنت بابقى مبسوطه لما اخرج من المدرسه والقيه مستينى عند الباب واول ما يشوفنى بيتسم ويفتحلى الباب أركب ويلف يركب ونمشى.

وديما كنت بلاقى على الكرسي قبل ما اركب ورده أوشيكولاته أو اى حاجه حلوه جايهالى. كنت بابقى عايزه أقول لكل البنات حواليا البيصوله والبيحسدونى عليه

لا ده بتاعى ما تحاولوش .

ومش عارفه ليه بقا متاكده أنه مش هيبص على أى واحده منهم مهما حصل وانه واقف
مستينى أنا وبس.

حتى مره زمائلى فضلوا يغيظونى ويقولوا ده بيحى قدام مدرسه البنات عشان يعاكس
ويبص عليهم وواحدك حجه.

وقالوا لو واثقه قوى هيعملوله اختبار صغير واتفقوا مع واحده صاحبتنا تروح تتكلم معاه
وتأخذ رقمه وتصاحبه فتره وتكلمه فى الموبيل قدامنا ونشوف هيعمل ايه .

هيا كانت مشهوره انها بتكلم أولاد واى ولد مش بيأخذ غلوه فى ايدها من الدلع البتدعه
عليه وكمان كان جمالها مش عادى.

ووقفت أنا وأصحابى فى شباك المدرسه بنتفرج عليهم وفى نيتى أن لو كلامهم صح مش
هروح معاه ومش هخليه يجيلى تانى.

بس لقينا البنت راحت تكلمه فى الاول كان بيكلمها وهو وشه فى الارض وبعدها لقيناها
اتنرفز وزعقلها وطردوها وأنا كنت فى منتهى السعاده وكنت باتنطط وطلعت لاصحابى لسانى
وأخذت شنطتى ونزلت جرى عليه وكان نفسى قوى أحضنه الف بيه الدنيا من فرحتى بس
لولا حرام كنت عملت حجات كتيره كمان.

بس يا ترى ايه القلبه عليا وكنا هنضيع من بعض لآخر العمر؟

حسن كان معودني وموصيني أن لما أنزل اخد البسين المغلق بتاعى ؛ يكون معايا هدومي

وأغير تحت ولما اطلع ابقى بكل هدومي.

وأنا كنت فعلا باعمل كده بس بصراحه لو كان هو أو بابا أوعمو أو اى واحد فيهم فى البيت؛

فكنت بأنزل عادى وبعد ما أخلص عوم باغير تحت واطلع.

وفى يوم كان عنده محاضرات وكان اليوم ده من كل اسبوع عارفين أنه بيخلص بالليل.

فخلصت عوم وطلعت قبل ما يرجع حسن وأنا طالعه بقا لقيته فى وشى.

أنا بصتله وأتفاجئت برجوعه وهو بصلى شويه وخرج من الفيلا كلها.

وأنا طلعت جرى على أوضتى وغيرت.

ورجع بعد شويه وفضل يزعقلنى وكنت حاسه انه خلاص هيضربنى ومانع نفسه بالعافيه.

فقلت: يا حسن أنت بتتاخر اليوم ده وأنا طلعت بدرى قبل ميعادك.

فقال: طيب أنا عندى محاضرات اتلغت ورجعت وشفتك عندك استعداد تشيلى الذنب ده

وتشيلهونى معاكى وغير كده أنا ما احبش حتى باباكى ولا بابايا يشوفوكى بالمنظر

الشفتك بيه.

فقلت: بس هما لسه شويه على معاد رجوعهم وأنا بحسب الوقت كويس بتاعك وبتاعهم

لانی برضوا هاتكسف منهم.

وهنا دخل بابا وماما وعمو وخالتو على صوت زعيقه ؛ لانها اول مره يزعقلی كده.

واول مره أحس ان نزلت من نظره ؛ ودى أول مره من صغری احس ان خسرت حسن.

وحاولوا يفهموا الحصل بس ما رضيش يحكى وقالهم: حاجه بينى وبينها.

ومشى وسابنا.

طبعا أنا فضلت اعيط وخفت يكون أفكر انى عملت كده قاصده وأن أنغيرت أومش باسمع

كلامه فزعل؛ أو ياخذ فكره وحشه عنى.

وبقيت بعيط بشكل هستيرى ومش عارفه ايه البقوله وفضلوا ماما

وخالتوا جمبى وحكيتلهم الحصل وأنا خايفه يكون زعل منى وانه غصب عنى ومش هيتكرر.

بس ما ردوش عليا وفضلوا كل شويه يبصوا لبعض وقالوا حصل خير لغايه لما نمت.

وتانى يوم لقيت بابا فى أوضتى ومتنرفز وبيقول ما أدخلش أوضه حسن تانى.

واذاكر لوحدى ومافيش خروج معاه وكلامه يبقى بحدود معايا ويكون قدامهم.

وأن اى طلب اطلبه من بابا مباشره يعنى ما أقولش لحسن وهو يطلبه من بابا على طول وما

أقولش لحسن على حاجه تانى.

ولو خالفت كلامه هياخدنا بره البيت أنا وماما وهنسيب البيت .

وسابني وخرج.

وأنا مش مصدقه كلامه وعمال يتكرر في دماغى بس مش قادره أتخيله أنه ممكن يتحول

لواقع وبعد شويه سمعته بيزعق لحسن واتاكدت أن السمعتة صح.

وأنا انهرت من جديد وبقيت بسال نفسى هو ليه عايز بيعدني عن حسن دا حسن كل حاجه

ليا في الدنيا ولو كان زعلان منى هاعتذرله واصالحه بس ما بيعدش عنى بالشكل ده .

وبعدها ماما دخلت عليا وقالت: قومي لمي هدومك عشان هنسيب البيت حالا؛

ويلا بسرعه من غير ولا كلمه عشان باباكي ما يرجعلكيش ويمد ايده عليكى زى ما عمل في

حسن.

وأنا من بعد الكلمه دى مش عارفه ايه الحصل والدنيا أسودت في عنيا.

وبعدها صحيت لقيت بابا وماما وعمو وخالتو وواحد معاهم معاه سماعه وبيكشف عليا؛

فعرفت انه دكتور وما لقتش حسن معاهم وحسيت ان روحى ضاعت منى ومش قادره أتكلم

ولا أتحرك ولا حتى سامعه ايه البيقولوه وكنت مخنوقه قوى بس حتى العياط مش قادره

أعيط وأطلع الجوايا وفضلت فتره مش عارفه قد ايه ايام كتير مش عارفه الليل من النهار

كنت بشوفهم لما يدخلوا عندى ويتكلموا معايا ويكوا ويخرجوا ؛ ومش عارفه هو ايه

البيحصل ولا بيقولوا ايه.

وانا ما عنديش اى رد فعل خالص بس طول ما انا صاحيه ببقى بتمنى أن اليدخل عليا يكون

حسن بس دايمًا بيبقا اى حد غير حسن.

لغايه لما مره وانا سرحانه فى حسن وكالعاده بدعى ربنا ما يجرمنيش من حسن طول

عمرى ؛ لقيته بيفتح الباب ودخل جرى عليا وشدنى ليه وحضنى قوى

ودخل من وراه بابا وماما وخالتو وعمو وأنا أتفاجئت بيه بس خفت لما لقيت بابا قدامى ؛

وهو شاف نظره الرعب الكانت فى عنيا بس لقيت فى عنيه بالمقابل نظره حب وحنان

بس مكنتش مصدقه غير لما لقيت حسن بيمسح دموعى وبيبص ليهم وفرحان ودى كانت

أول مره أعيط من وقت ما تعبت وبكده أكون فعلا ابتديت استجيب للمؤثرات الخارجيه.

ولقيت بابا ابتسم وماما شدت على دراع بابا وكلهم باسوا على دماغى وخرجوا

وما فضلش معايا غير حسن.

وفضل يكلمنى شويه وأنا فرحانه حتى لو مش سمعاه بس كفايه انى شايفاه وهو جنبى فى

اللحظه دى وبعد شويه لقيته بيمسك اديا ويحاول يعمل حركات غريبه.

الفصل الخامس :

فبصتله باستغراب فقال وهو يحرك شفائفه براحه عشان أفهمه : أن ده علاج طبيعي عشان

اقدر ارجع احركهم وفعلا كل يوم كان بيعملى جلسه علاج طبيعي

و كنت بشوفه بيحب كتب يقراها جنبى ويطبقها عليا للعلاج الطبيعي مع تعليمات الدكتور

لغايه بعد مده قليله ابتديت اتحسن ويشيلوا الجلوكوز الكان متركبلى على طول لاني مش بأكل؛

وابتدى حسن يشربنى عصير وشوربه وسوائل وبعدها ابتديت بالاكل بسيط وشويه شويه

بقيت أحسن .

وأتفاجئت بابا مره جه يظن عليا وشاف حسن بياكلنى فطبطب على كتفه وباس دماغه .

ولقيت حسن قام باس دماغ بابا وايده وحننوا بعض

أنا ما كنتش فاهمه هو ايه الحصل ولا البيحصل بس كل الهمنى أن حسن معايا وأنهم

اتصالحوا وبس .

وبعد فتره ابتديت اتكلم واتحرك بمساعدت حسن لغايه لما بقيت كويسه ؛ والحمد لله رجعت

زى الاول فى مده قياسيه زى ما قال الدكتور والفضل طبعاً لربنا ثم حسن

وبعد ما مشى الدكتور بابا قال : خلاص أنتى دلوقت مسئوليتك رجعت تانى لحسن

وارجعى تانى ذاكرى معاه واخرجى معاه وأعملى كل العايزاه.

أنا أستغربت من كلامه بس اليهمنى ان رجعت تانى لحسن ومش مهم ازاي ؛

ومن فرحتى قمت حضنته وبست دماغه.

وحسن خرجنى وفسحنى بمناسبه انى بقيت كويسه وليا كان فتره ما خرجتش من البيت

وقال: عايزك تفرحى واضحكى واستمتعى وأنسى كل حاجه حصلت فى الفتره الفاتت ؛

وأأكدى انى معاكى وهافضل معاكى طول ما فىا قلب بيدق ومحدش هيقدر يمنعنا عن

بعض تانى أبدا بس عايزك تسامحى اهلنا على الحصل هما ما غلطوش لافهم كانوا

خايفين علينا

وبعدھا غلبنى الفضول و سألت حسن : هما ليه غيروا رايهم ورجعونا لبعض؟

فقال : هو لما حسوا بان بعدنا هيتعبك بالشكل ده وخاصه لما الدكتور اكدله انه مرضك نفسى

قبل ما يكون جسدى ؛ ولازم يزول السبب عشان تقدرى تستجيبى للعلاج فصالحنى ؛

وسمحللى ادخلك.

فسالته : هو الحصل ده مكن يتكرر تانى؟

فضحك وقال بنبره فرح وحسيت بيها بانتصار : لا انسى خلاص محدش يقدر يبعدنا عن

بعض تانی ولا حد یقدر یفکر فیہا.

فقلت : ازای یعنی؟ عملت ایہ؟

فضحك وقال : أتصرفت وخلص ؛ أنتی لیکی اننا نبقی مع بعض وبس.

فقلت : طیب أنت كنت بتدخل أوضتی ووتقعد معايا عادی وأنا بشعری ازای ؛ وأنت لو كنت

بتشوف خصله واحده نازله ومش واخده بالی منها كنت بحس ان هتقوم تدبجنی.

فابتسم وبصلى شویه وبعدها قال:عادی یا هدی ما انتی کنتی تعبانہ.

فقلت:یا سلام ما انا كنت فی اعدادی وتعبت وانت ما کنتش بترضی تدخل عندی غیر لما

ماما أو خالتو یدخلوا یتاکدوا انی علیا حجابی ولا بسہ واسع؟

یبقی وانا فی ثانوی تدخل عادی من غیر ما حد یدخل قبلك عادی.

فضحك وقال :أنتی عارفه انی بحب أعمل حاجه تغضب ربنا؟

فقلت : لا

فقال:هو ده العایزك تتاکدی منه وبس.

فقلت : طیب ازای انت لما دخلت أول مره عندی وأنا تعبانہ یعنی و.....

وسکت وبصیت للارض

فقرّب منی وقال : قصدك لما حضنتك أول ما شفتك؟

فهزيت راسى باه وأنا ببص فى الارض

فقال : عادى يا هدى كنتى واحشانى.

فضحك

فبسته بدهشه وقلت : نعم .. اللى هو ازاي يعنى ده؟.

فضحك تانى وقال : وأعملى حسابك انك كل ما هتوحشيني هاحضنك عادى يعنى.

وأنا وقفت بزهور وقلت : لا انت مش طبيعى ابدأ

فقرب منى وقال : ليه يا هدى كده؟

فأول مره احس انه مختلف وحتى نظرتة عليا مافهاش غض بصر زى الاول بالعكس حسيت

بجرائتها عليا.

فرجعت لورا وقلت : لا فعلا أنت ما يتسكتش عليك ولازم أقول لبابا؟

ودى أول مره احسن انى خايفه من حسن؛ مش هو ده حسن المربى والبيصونى حتى نفسه

فضحك وقال : لا ما خلاص حتى باباكى ما يقدرش يعمل حاجه لو قلتيله.

فقلت : ليه يعنى؟ ايه الحصل عشان ما يقدرش يعملك حاجه؟

فابتسم ورجع لمكتبه وهو مبسوط وسعيد.

وبعد ما قال : خلاص بجزر معاكى اعتبرى انك ما سمعتيش حاجه ويلا أقعدى كملى مذاكره

وخليني اشوف مذاكرتي وأعوض الفاتني بسببك بدل ما اذاكر عشان ابقى دكتور اد الدنيا
أشتغلتنك ممرضه لسيادتك.

وأنا فضلت واقفه مكاني ومش مصدقه الطريقه الجديده البيكلمني بيها والنظره الجريئه الاول
مره اشوفها في عنيه.

وهو لما شافني لسه مكاني

اتكلم بجديه وقال: اقعدى ذاكرى انا وانتى محتاجين نعوض الفات

وعشان اهلنا ما يندموش انهم خلونا نرجع لبعض

وانسى كل القلته وأنا اسف الظاهر انى زودتها ؛ سامحيني.

ومسك كتابه وفضل يذاكر وما بصش ناحيتى تانى.

وانا ارتاحت لده وقعدت اذاكر وحاولت انسى الموضوع وكانه كان بيهزر معايا وخلاص.

واتفقنا اننا هنعمل معسكر مذاكره عشان نعوض الفات..

وحسن عملى جدول وعمل جدول ليه نذاكر عليهم وفعلا كنا تقريبا طول اليوم بنذاكر

لدرجه احيانا كنت بنام على مكتب واصحى الاقى نفسى على سريرى.

فسالت حسن : أنا كنت على المكتب ايه الجانبى للسريير؟

قال : أنا شلتك ونيمتك عليه ولا أسيبك تقعى من على المكتب؟

فاتكسفت وسكت بس حسن الاعرفه فى الموقف ده تصرفه هيكون أنه ينادى عليا لغايه لما

أصحى وأروح أنام فى أوضتى مش يشيلنى ايه الغيره كده؟

واحيانا الاقى نفسى نايمه على سريره وهو نايم على سريرى فى اوضتى

ولما سالتة قال : كسلت اشيلك واوديكى هناك فبدلنا أماكن.

وفضلنا لغايه لما خلصت السنه وخلصنا أنا وهو.

واخيرا اخدنا الاجازه.. وكالعاده بأقعد أنا وحسن نعمل برنامج كامل

للاجازه للفسح وضرورى فيه انه يبقى فيه رحله للملاهى أكثر من

مره لاني بعشقها وكمان الرحلات المائيه سواء بالمركب او اللنشات.

ولو ظروف اهلنا مناسبه بنسافر اى مكان سواء داخل مصر أو خارج

مصر. لان ماما وخالتو بيرفضوا يسافروا لو عمو وبابا مش فاضيين.

وأول فسحه خرجنا للملاهى وكنت بلعب أغلب الالعاب.

ولاول مره من سنين حسن يركب جمبى فى لعبه ..

أنا بصيئله وتنحت وهو كان مش يبص ناحيتى وفى دقيقه كانت اللعبه بدأت وما لحقتش

أساله أو أفهم حاجه ولما خفت غمضت عنيا باديا وأنا باصرخ

وحسن لف ذراعاه على كتفى وضمنى لحضنه

وقال : ماتخافيش أنا معاكى..

أنا اتفاجئت لان حسن من أول ما دخلت اعدادى مخدنيش فى حضنه .. ازاي بيعمل كده؟.

وبالرغم من مفاجئتي الا ان حضنه وحشنى قوى وبقا دافى أكثر من زمان كمان وحين وأول

ما شدنى لحضنه نسيت خوفى والدنيا وما كنتش حاسه الا بالدفا والامان

اللى كنت فيه بالرغم من اننا فى الصيف ؛ الا انه كان احساس لذيد مش عارفه أوصفه

؛ وحشتنى بجد حنيت حسن قوى عليا وأحاسسى أنى فى حضنه كان حلم أنتهى بالنسبالي من

سنين ورجع صحى فى اللحظة دى..

بالرغم من اهتمامه الدائم بيا الا ان حضنه وحنانه حاجه تانيه.

حاجات كتير حصلتلى مش عارفه أوصفها حسيت انى طايره من السعاده.

وعدى علينا دقايق وأنا فى حضنه ودماغى على صدره ومغمضه عنيا وهو لافف ايده على

كتفى ويمسح على دراعى.

ووقفت اللعبه والناس بتتزل وانا مش حاسه بالدنيا.

لغايه لما حسيت بيه ضمنى اكثر لحضنه وقرب من ودنى

وقال بصوت واطى : هدهودتى أنتى نمتى؟

أنا أول مره أسمع صوت حسن هامس كده وحين بالشكل ده وكمان هدهودتى الكان نفسى

أسمعها منه من سنين لان محدش كان بيقولها لي غيره ؛ وحسيت بجسمي كله كأنه بينملم

وقلبي دقاته ذاتت واديا تلجت وبعدت عن حضنه بالراحه وأنا وشي في الارض.

ونزل هو الاول ومد ايده ليا عشان أتسند عليها وأنزل وعنيا جات في عينه.

وما قدرتش أبعد عيني عنه حسيت لأول مره أن مش ده حسن اخويا وصاحب العشت معاه

طول عمرى حسيت بحاجه غريبه اول مره بحسها ؛ ولقيت قلبي دقاته زادت مش عارفه

ليه؟

وفضلت واقفه وعيني في عينه ومش حاسه بالوقت.

واتفاجئت بيه قرب وخط ايده حواليا وشالني ونزلني قدامه وهو مبتسم.

وميل عليا وقال: مالك يا هدى فوقى الناس بتبص علينا؟

بعدها بقيت مش قادره ارفع عيني في عينه تاني أول مره أحس اني مكسوفه كده من حسن.

ولقيته مد ايده علي كتفي لما لقاني واقفه وباصه للارض ومش برد

وقال: يلا عشان نحجز اللعبة دي .

وهو بيشاور علي اللعبة.

فرفعت عيني علي اللعبة لقيتها بيت الرعب

فبصتله وقلت: لا يا حسن أنت عارف أن دايم مش بركبها وبخاف منها.

فمسك ايدي وقال: يلا قدامي ما عنديش بنات تخاف..

وفعلا حجز ودخلنا وركبت أنا من جوه ولقيته ركب برضوا جمبي.

وسرحت وأبتديت أسأل نفسي: هو فيه ايه هو ايه؟

ايه البيحصل ده؟ وايه الحصل من شويه ده ؟

وايه الانا حاسه بيه ده؟ وليه قلبي بيدق قوى كده؟

أنا عارفه ان حسن بيعاملني معامله خاصه من صغرى ومميزه عن كل الناس بس مش

عارفه حاسه لأول مره أن حسن مش حسن ؛ بس البيحصل ده لازم يقف فورا لانه حرام ما

ينفعش حتى لو كان فرحنى بس ما ينفعش.

ولفيت عشان أكلمه وكان بيص على الناس البتركب زينا وكان مبتسم والفرحه

باينه جوه عنيه..

وسألت نفسي ليه هو فرحان كده؟ عشان الحصل مفروض هو يزعقلني كالعاده لو قربت منه؛

دا كنت لو قربت منه حتى وانا مش واخده بالي

بحس بالغضب جوه عنيه. وكل مره بنيجي الملاهي بيركبنى

جنب بنت او لوحدي ويخلى الكرسي التتاني فاضى ويركب هو العربيه

الورايا. ودى اول مره من سنين يركب جنبى.

وقطع سرحانی قبل ما أكلمه لما اشتغلت اللعبه وفعلا هو بیت رعب زی ما سموه.

ومفیش ثوانی وصرخت وانا مغمضه عنیا وقلت نزلنی یا حسن نزلنی.

ولقیته حط ایده علی کتفی وضمنی لیه قوی بس المرادی کانه

حاضنی مش انا نایمه علی صدره زی المره الفاتت.

ودماغی علی کتفه وهو دماغه علی کتفی وهمس برضوا لیا

وقال : ماتخافیش أنا معاکي.

أنا جسمی کله کان بیتفض وهو حاضنی وبیمشی ایده علی ضهری.

ویطبطب علیا

وأنا اعصابی کلها انهارت وحاولت ابعده عنه بس هو ضمنی قوی لیه.

واول ما قال : اهدی یا حبیبتی ماتخافیش.

الفصل السادس :

أنا بقا عنيا دمعت مش عارفه خوف ولا ايه وقلبي زادت دقاته وطول اللعبه

وأنا مغمضه عنيا وبتعرش وأنا فى حضنه وهو بيحاول يهدينى.

هو كان فاكرا أن خايفه من اللعبه بس أنا كنت خايفه منه هو وعائزه أصرخ واقول أنت مش

حسن ابعده عنى بس مش قادره انطق ولا كلمه..

لغايه لما خلصت اللعبه ونزل وهو كان فرحان ومبتسم قوى والسعاده ظاهره عليه جدا ومد

ايديه ليا عشان أمسكها وأنزل.

بس أنا كانت أعصابى بايظه خالص وحاسه أن ضغطى وطى ووقفت

بالعافيه وسندت على اللعبه وما مسكتش ايديه

ونزلت ولان الدنيا كانت زحمه كان هيرجع ايديه على كتفى.

بس أنا رجعت خطوه لورا بعيد عنه وقلت: اوعى تحط ايدك عليا تانى..

وصوتى كان على شويه.

فأخفت أبتسامته وبص حواليه باحراج وقرب الخطوه البعتها وقال: وطى صوتك ومش

هقرب تانی عایزه نلعب ایه تانی؟

قلت :روحنی؟

فبصلی شویه وهو مختار یقول ایه وقال : هدی لسه بدری تعالی

نلعب وصدقینی مش هاقربلك تانی..

فبعدت عنه وادیته ضهری وقلت : اللعب انت أنا هاروح..

فجه ورايا ومشینا وركبنا عربیته ولاول مره مركبش قدام جنب حسن

وركبت ورا وأنا طول الطریق مرجعه راسی لورا

وبعیط من غیر صوت ومش متخیله ان ده حسن ومتاکده أن فیه حاجه غلط بتحصل.

ومش مصدقه الحصل بینا فعلا ؛ أستحاله کان یجی فی تفکیری أن ده یحصل بینی و بین

حسن.

وقلت لنفسی طیب من هنا ورایح حیاتنا هتبقا ازای کده مع بعض بعد کده.

ولقیته وقف العربیه ونزل أنا فتحت عینی لقیته أنا لسه فی الطریق

وأننا واقفین جنب محلات کتیر جمب بعض فقلت اکید هیشتری حاجه .

ومسحت دموعی ورجعت راسی تانی لورا وغمضتهم

وحسیت بیه لما ركب تانی بس ما فتحتش عنیا

وبعد شويه حسيت بالعرييه وقفت وأنا جيت أنزل على طول قبل ما يتكلم ولا كلمه لقيت أننا

على البحر مش عند البيت وبصيت حواليا لقيت المكان هادي

ولفيت وشى عليه لقيته جه فتح الباب وقعد جنبى؛

فجيت أفتح الباب الجنبى وأنزل بس هو سبقنى وقفل كل الابواب أوتوماتك.

وأنا بصيتله برعب لأول مره أترعب فى وجود حسن لا وكمان أترعب من حسن نفسه ..

ولزقت فى الباب وقلت : ايه فيه ايه أنت جايينى هنا ليه؟

ودموعى ابتدت تنزل ولقيته بيمد أيده بعصير ليمون اشتراه لما نزل

وقال : اشربى ده وبعدين نتكلم.

وأنا أنفرت خالص وأعصابى باظت ماكنتش قادره أتحمّل خالص فكره أن حسن اللى بيعمل

كده وحطيت اديا على وشى وميلت على ركبى وفضل اعيط بصوت على خوف وحزن

وانهيار ورعب وكل الافكار الوحشه جاتلى فى اللحظه دى

وأول ما مد ايده على ضهرى عشان يطبطب عليا

رفعت وشى على طول وبصيتله برعب وقلت : أوعى تلمسنى ي حسن ؛ حرام الانت بتعمله

ده. اتقى الله فىا يا حسن دا أنا هدى المرييها على ايدك الله يخليك افتح الباب يا حسن.

فطلع المفاتيح من جيبيه ومسك ايدى وحطهم فيها.

وقفل عليهم وقال : ماتخافيش ياهدى منى أنا حسن ابن عمك وصاحبك وكل حاجه ليكى
ربنا يخليكى بلاش النظره الفى عينك بجد أنا مش قادر اتحمل ان تبقى خايفه منى بالشكل ده
انتى ياهدى غاليه عليا قوى ويعز عليا انك تخافى منى
فقلت وانا باصرخ فيه : طيب أنت بتعمل فيا كده ليه؟
لاول مره أخاف منك مش أنت حسن العاش معايا عمرى كله مش انت صاحبي وأستاذى
واخويا و.....

وقطعت كلامى لما شفت تحول نظرته من الحنيه والحزن لنظره خوفتى
وقال:هدى انتى بتعتبرينى فعلا أخوكى ؟ هو مش اتكلمنا فى الموضوع ده
قبل كده وقتلتك أنا ابن عمك مش أخوكى ؟ صح ولا لا؟ ردى عليا؟
فهزيت راسى باه و كنت خايفه من شكله وهو متترفز عليا ويزعقلنى.

فقال:هو انا فعلا بالنسبالك مجرد أخ ردى بصراحه يا هدى
وماتخافيش منى؟ أنا عايز القاعده دى بينا تبقا صريجه لابعده حد؟
فاحترت أقول ايه فقلت: أنت طول عمرك غالى عليا؛ يعنى لو سألنى
حد مين اخوكى هأقول حسن ؛ ولو سألنى مين صاحبك هأقول
حسن؛ اى سوال لاي حد يكون عزيز عليا هيكون حسن هو ده الجواي ناحيتك..

فتنهء وقال: طيب ايه الشىء الممكن يبعءك عنى؟

فبصتله وتنحت وقلت: وليه ابعء عنك؟

فقال: مثلاً لما تتجوزى؟

فبصيت للارض وقلت: بس أنا مش هاتجوز ابدا..

فعقد حواجبى وقال: ليه هو مش اى بنت بتبقا عايزه تتجوز ويبقى عندها بيت وأولاد؟.

فقلت: بس أنا مقررہ بينى وبين نفسى كده..

فابتسم وقال: عشانى؟

فبصيت للارض وقلت: هو أنا حاسه فعلاً انه مش هينفع نبعء عن بعض

كاننا توام بس بعء اللحصل النهارده ..

وسكت.

فقال: هدى أنا اسف على الحصل وصدقينى مش هيتكرر تانى؛ وعشان خاطرى سامحينى

وماتزعليش وما تخليش لحصل يبعءنا عن بعض.

فقلت: مش هينفع يا حسن. أنا بجد اتصدمت. انت طول عمرك

بتحافظ عليا من الهوا دا أنا لو نسيت نفسى أنت بتفتكرها ؛ فانت التعمل كده.

فقرب وشه منى وقال: طيب ما انتى عملتى معايا كده من قبلى..

فقلت: أمتي ده حصل؟

فابتسم وقال: لما كنتي خايفه في اللعبة الاولى وانا لفيت ايدى على كتفك وانتى اول

ما قربتى من حضنى نسيتى الدنيا والحواليكى؛ حتى بعد ما الناس

نزلت فضلتى في حضنى وما كنتيش راضيه تفتحي عنيكى.

أنا اتكسفت من كلامه وادايقت من نفسى وحسيت أن فعلا كلامه صح أنا الشجعتته لما قبلت

من الاول بالحصل.

وغمضت عينا ورجعت

دماغى وضهرى على الكرسي ودموعى نزلت منى من جديد بس المرادى زعلانه من نفسى

مش منه؛ هو مهما كان شاب ودرجت الارتباط البينا في البيت مع قربى منه

بالشكل ده يمكن الخلاه يفقد أعصابه ويعمل حاجه زى كده ويحضنى.

وزعلت قوى من نفسى.

فلقيته طلع منديل ومسح دموعى من غير ما يلمنى بصوابعه.

وقال: هدى الا دموعك ما تتصويريش بتكويينى ازاي...

هدى أنا اسف على الحصل واسف انى اتعديت حدودى.

ارجو كى سامحينى وما تزعليش منى.

هدى دى أول مره اغلط فى حقلك من واحنا صغيرين واول مره اقولك ساعينى
هتكسفينى يا هدى.

ففتحت عنيا وبصيتله فى عنيه وأنا ساكته

فقال: عشان خاطر ماتفقديش ثقتك فىا وصدقينى مش هاكررها تانى بس ما تزعليش منى
وأنسى النهارده بكل الفيه.

فبصيت لقدام وقلت : يعنى الحصل مش هيتكرر تانى وهترجع تحافظ
عليا وتعاملنى زى الاول ؟

فابتسم وقال : ان شاء الله يا هدهوتى..

فأبتسمت ومسحت دموعى لان دى تانى مره النهارده يقول هدهوتى
من واحنا صغيرين. لانه كان هو الوحيد البيدلعنى بالاسم ده.

فمد العصير تانى وقال: يلا اشربى العصير وروقى ورجعيلى
الضحكه الحلوه دى تانى.

فضحكت وشربته وروحنا.

وعدى علينا كام يوم مشغولين فى المذاكره بالجزء الحددهولى وهو

بالمراجع بتاعته وكتب الطب وبعد ما خلصت الجزء بتاعى أخذنى الكورنيش.

واتمشينا في الهوا الطلق واشترينا لب وسوداني وشربنا حازه

ساقعه وجابلي بطاا وترمس وخليته يركبني مركب.

و كنت فرحانه قوی .

فقلت : عارف يا حسن انا مش محتاجه انه في

يوم من الايام يبقى عندي حبيب ؛ لانك معوضني عن اى راجل تاني؛.

ايه رايك احنا نعمل اتفاق ان ما اتجوزش ولا انت كمان ونفضل كده

على طول مع بعض؟.

فقال : هيا دي آخرتها يعني أفسحك وادلحك وبدل ما تتميللي الخير

تقولي ما تتجوزش .. ليه كده يا هدى؟.

فقلت : يا حسن أنت لو اتجوزت مراتك مش هترضى تخليك تخرجني

ولا تتعامل معايا زي دلوقت؛ وأنا بصراحه مش هاقبل أن معاملتك ليا

ودلالك ليا من صغرى وأهتمامك بيا يقلوا عشان مراتك وغيرها

وكمان أنا لو اتجوزت أكيد جوزي مش هيرضا مثلا هو يبقى في

الشغل وأنت بتفسحني

وممكن يقول اقطع علاقتي بيبك خالص وده صعب عليا يا حسن

عشان خاطرې فكر كويس في كلامي وهتلاقيه صح

فبص للسمما وابتسم وغمض عين واحده وقال : هو انتي معاكي حق هو مفيش واحده تقبل أن

جوزها يدلع واحده غيرها ويفسحها ويتصرف معاها زي ما أنا بعمل كده .

بس انا راجل وعائز اتجوز وبيقي عندي مراتي وأولادي واخرج مع

مراتي واهتم بيها والعب مع أولادي وأحس بأن عندي اسره مسئوله

مني. ما أنا مش هافضل طول عمري ليكي وبس يا هدى . ومش ورايا غيرك

فبصيتله بجزن وقلت : كده يا حسن أهون عليك برضوا تسييني وتتجوز؟

فبصلي وهو ما زال بابتسامته وقال : خلاص ما تزعليش ؛ أنا ممكن

امشي كلامك كله زي ما انتي عايزه بس بشرط.

ففرحت جدا وقلت : وأنا تحت أمرك قول كل شروطك وأنا موافقه

عليها من غير ما تقول.

فضحك وقال : طيب أعرفيه مش يمكن ما يعجبكيش؟.

فقلت : صدقني موافقه علي كل شروطك

وعلي العموم قول.

فقال : دلوقت انتي مش عايزاني اتجوز عشان مراتي ما تغيرش منك

ومش عايزه غيرك يشاركك فيا منك ؛ وأنا عايز أتعوز ويبقى عندي بيتي وزوجتي

واولادي وواحدته تهم بيا؛ وبكل حاجه تخصني ويهمها سعادتني وكده.

يبقى نشوف حل يرضي جميع الاطراف.

فقلت: طيب وايه هو الحل؟

فبص في عنيا وقال: تبقى انتي مراتي..

فبصتله باندهاش وغمضت عنيا كذا مره وهذيت دماغني

وقلت : مش فاهمه ازاي يعني؟

فقال : ايه يا هدي بقولك تبقى انتي مراتي .. يعني تتجوزيني...

وده الحل الوحيد عشان نفضل مع بعض دايما..

فسكت وأنا بفكر في كلامه وما أتكلمتش لا أنا ولا هو ولا كلمه لغايه

لما روحنا.

الفصل السابع :

وباقى الأجازة مش عارفه ايه التغير جوايا أول ما اشوفه ابقى

مكسوفه مش عارفه ليه؛ ومش قادره ارفع عيني فى عينه وماتكلمتش تانى فى الموضوع

ده ولا هو كمان وكان أوقات بيداكركلى لاني خلاص هادخل تانيه ثانوى وجابلى

ملخصات ومذكرات وذاكرت جزء كبير من المنهج. ومرضيش يخلينى

أخذ دروس خصوصيه زى أصحابي ورفض حتى أنهم يجيبوا مدرسين البيت.

وقال لبابا وعمو: أنا طول عمري بذاكرها ودايما بتطلع من الاوائل .

فقالوا: بس دلوقت الموضوع يختلف لانها فى شهادة ..

فقال : أنا هاذاكرها وأنتوا تعالوا فجاه واسالوها ؛ أو هاتوا مدرسين

من المدرسه يعملوها امتحان ولو قل مستواها يبقى حاسبوني وما تسمعوني تانى.

فكانوا معترضين لانه هو طب وأنا تانيه ثانوى يعنى الاتنين مافهمش

هزار بس مع اصراره اتفقوا يدوه مهله فعلا ويشوفوا الدنيا هتمشى ازاي

وكان بيصعب عليا قوى لما أحس بتعبه وانه مش قادر يفتح عينه وهو بيداكرك وعائز ينام من التعب.

فقلتله: كفايه يا حسن مذاكرتك عليك وسيبنى أنت بجد بتصعب عليا.

فقال: لو عايزه تساعدني تذاكري كويس ومتخلنيش أخسر التحدى معاهم لان ده هيتعبنى

قوى من جوايا يا هدى ومش هتحمّل أنك تكونى مع مدرس لوحدك حتى لو عشان يشرحلك.

. وفعلا بقيت بذاكر كثير بالرغم من ان دايمًا

أنا من الاول مذاكرتى كثير؛ بس المرادى كان هدفي ان أخفف هملي من على

حسن عشان يفضى لنفسه ومش بخلية يذاكرلى كل الدروس يعنى

أنا بذاكر المادة من كتاب المدرسه والملخص واحل كل أسئلتها

والامتحانات واى اوراق حسن بيحبهاالى من اخوات اصحابه وبخلية

على قد ما اقدر يشرحلى المش فاهماه أو اسال مدرسين المدرسه.

بالرغم من اعتراضه؛ بس أنا كنت بذاكر اللسه هيدھونى عشان أفهه

بسرعه وهو يشرحلى.

وبطلت خالص أن اطلب منه انه يخرجنى وكنت تراجع باستمرار

عشان ما أنساش ويحتاج يشرحلى تانى.

وكنت بجل امتحانات كثير على كل جزء باقراه ومن كذا ملخص.

وأخذت كل الاجازة بتاعت تانيه وتالته ثانوى وما خرجتشر الا مرات

قليله وكانت تحت اصرار حسن

لاني ماكنتش عايزه أتقل عليه أكثر من كده.

فكنت بقوله نروح مثلا مطعم نتغدى فيه أو نتمشى شويه بالعربيه

ونرجع عشان عليا مذاكره ومش فاضيه.

أنا كنت بقول كده عشانه عشان عارفه انه فعلا هو مش فاضى

وعارفه انه عايز يفرحنى حتى لو على حساب نفسه ؛ وأنا مش عايزه

أكون السبب فى تاخير مذاكرته وكفايه التعب البشوفه بعينى وكنت

بحس انه كل ما سنه تعدى من كليته بيتعب فى المذاكره بتاعته

أكثر فيصعب عليا أكثر وده بيديني دفعه أكثر للمذاكره.

وفضلت حياتنا عاديه لغايه لما حصلت صدمتى الكبيره وبابا مات فجاه.

حسيت انى اتزلزلت وان الدنيا اتهدت عليا.

حسيت انى اتعريت قدام الناس بعد ما كنت متغطيه.

حسيت ان الدنيا مجرد هوا وسراب مالهش لزمه.

كانت أيام صعبه عليا وعلى ماما.

وماما تعبت جدا نفسيا وخالتوا كانت مش بتسيبها خالص.

وانا كنت مش باخرج من اوضتى كنت بحس انى لو خرجت منها
هاضيع واتوه وكنت أكثر الوقت بيعط فيها وحسن من ايام العزا ما سابنيش خالص؛
كان دايمًا معايا.

كنت ببقى بيعط ومش حاسه بنفسى ودموعى مغرقه وشى من غير ما أحس.

وبحس انى وحيدته بس لما بيعجى حسن بحس انه لسه ليا باب

يتقفل عليا وأن لسه مش ضايعة فى الدنيا.

واول مره اخدنى فى حضنه أهرت وفضلت اعيط لغايه لما تعبت

ونمت فى حضنه ولما فقت كان لسه جمبى

بمجرد ما شفته أهرت وهو ضمنى ليه لغايه ما هديت ونمت

وكانت حالتى بتسوء أكثر وهو دايمًا يكلمنى ويصبرنى.

انا ما كنتش معترضه بس أحساس الضياع واليتم احساس

وحش قوى ؛ وهو جاب سرير تانى فى اوضتى وبقا بيفضل معايا . لان

أخذت فتره تعبت نفسيا وكان بيجيلى كوايبس بالليل وكنت بقعد

أصرخ لغايه لما حد يصحبنى فكان يصحبنى ويأخذنى فى حضنه

ويهدينى ويقراً عليا قران لغايه لما أنام تانى.

وما انساها لما قال : أوعى تحسى انك لوحدك أنا طول ما فيا نفس

وقلبى بيدق ؛ أن شاء الله هافضل جنبك سندرک وحمایتک وضهرک

وعکازک. اوعى تخافى من الدنيا ولا تضعفى.

واى حاجه تحتاجيها أطلبها منى زى الاول وأنا مسؤل عنك بس شاورى

وامرى وأنا تحت امرک.

وخليكى دايمًا فاكراه انى أنا ومالى وصحتى وكل ما أملك عشانك يا هدى ؛ عشانك وملکک

وليكى لوحدك يا هدى وتحت امرک ورهن اشارك فهمانى عايز الكلام ده ماتخلنيش

افكرک بيه ابدا عايزك دايمًا فاهماه وعارفاه ومتأكدته منه. وحاسبيني

عليه لو قصرت عليكى وماتسامخنيش بسهولة لو قصرت فى حقك يا

هدى

وكانت خالتو ملازمه ماما الحالته فى النازل من بعد وفات بابا.

وعمو كانت حالته مش أقل سوء مننا هو فقد أخوه الوحيد وصاحبه

وشريكه وكل حاجه ليه فى لحظه وكان لازم يفوق من الصدمه قبلنا لان الشركه دلوقت

مسئوله منه هو وبس.

وعدت الايام وخلصت الثانوى بالجموع الانا عايزاه ودخلت الكليه

الكان نفسى فيها لانه دايمًا كان نفسى ابقى مترجمه فوريه.

من فتره فى اسئله جوايا محيراني ونفسى أسالها لحسن وكل ما

أكبر بحس أن الاسئله دى بتكبر معايا . بس ما عنديش الجرائه انى

أسئل حسن عليها . ولما أفكر فيه هو أنسان محترم وسيم متدين

معتدل فى تدينه وبيغير عليا جدا جدا ..

بس باسال نفسى الغيره دى بصفى ايه فى حياته؟.

احيانا كنت بستغرب انه ممكن يهزر معايا بايده او يحط ايده على

كتفى أو يبصلى وينسى نفسه ومش ببقا فاهمه سر النظره دى.

يعنى أنا بفهم حسن فى حاجات كتير من غير ما يتكلم ؛ بس من وقت ما تعبت لما بابا كان

عايز يبعدنى عن حسن وبعدها رجعنا زى الاول

من الوقت ده وأنا بحس انا فى جزء جوه حسن مبقاش زى الاول حسن مابقاش حسن بتاع

زمان مش عارفه ليه.

بس ولما سألته زمان ابتسم وقال : لما تكبرى هتعرفى.

بس الجديده انه كان بييسمخ انى اتمادى معاه بالكلام والهزار وأحيانًا بكون متعمده ده عشان

استغفزه واشوف ردت فعله

بس بلقيه عادى ومبسوط ومش بيدايق زى الاول.

وبالرغم من كده شفت التحفظ العنده فى التعامل مع باقى بنات العيله

طيب اشمعنا أنا بقا اللى بقيت الامور ايزى خالص معاه؟

ولما ضميرى انبنى قوى ومش قادره أفكر الا بالموضوع ده

رحت أساله من تانى وأتكلم معاه بصراحه مش زى المره الفاتت سؤال وخلاص.

أنا كل المخوفنى انه ممكن يكون بيععمل ده من واقع العشره البينا أو بيعتبرنى زى أخته

وان ده مش مقصود منه

وان كلامى يفتح عينه ويبعده عنى.

بس اتفاجئت لما قال: أنا استنيت السؤال ده من زمان بس أنتى ما سالتيش..

فقلت: طيب انت عندك رد عليا؟

أصل انا كنت بقول ان ده بيحصل لاننا مترين مع بعض وعشان كده واخذ عليا أكثر من

باقى بنات العيله ؟

يعنى أنا عارفه انك محترم قوى وملتزم دينيا بس لما تمسك ايدى أو تلف ايدك على كتفى

حتى لو هزار ده حرام.

ولما اعيط وتاخذنى فى حضنك ده حرام؛

وانت مش هترضى ليا ولا لىك بالحرام صح ولا لا؟

فابتسم وقال : عمرى ما رضيت ولا هارضى بحاجه حرام بينا يا هدى

فقلت : يعنى ده حلال؟

فقال : اه حلال ياهدى.

فقلت : طيب كويس .فهمنى أزاى بقا؟

فضحك وقال : لما تكبرى هتعرفى.

فقلت : يا حسن أنا زهقت من كتر التفكير فى الموضوع ده

وبعدين ما أنا كبيره يعنى هكبر لغايه اد ايه التقصدها؟

فقال : لسه كام شهر تانى لما تكملى ١٨ سنه.

فتنهدت وقلت : ليه يا حسن أنت هتعرفنى سر تحرير فلسطين يعنى؟

ولا هتفتحلى كتر؟

فابتسم وقال : يمكن.

فقلت :طيب يعنى لما تطبطب عليا وتمسك ايدى حلال ولما تحضنى حلال ؟

فقال : اه يا هدى حلال.

فقلت وانا صبرى بينفذ : هو أنت اكتشفت انك أخويا من الرضاعه؟

فضحك وقال : ازای یا هدی وأنا اكبر منك بخمس سنين؟

فأتعرفت وقلت: طيب يعنى أنت كل ده لو عملته معاك حلال ومع باقى شباب العيله عادى

برضوا حلال؟

فوقف من على الكرسي القاعده عليه وراى المكتب وقال: لا طبعاً.

أنا لو شفتك بتهزرى مع حد فيهم حتى بالكلام مش بالمس هكسر دماغك. سامعه؟

فوقفت انا كمان ولفيت ورحت وقفت قدامه وقلت: يا سلام اشعنى انت؟

فقال: قتللك لما تكبرى هتعرفى.

فقلت بعند : خلاص لما أكبر ابقا حاسبنى على تصرفاتى معاهم.

فسكت شويه وبعدها رفع حاجبه وبصلى بمكر وقال : طيب أبقا ورينى هتهزرى معاهم ازای.

فاتغظت منه لانه عارف أن دينى بيمنعنى أن اتعدى حدودى معاهم ومش هاعمل كده..

فاتغظت منه وكان نفسى أضربه وكورت ايدى فعلا عشان اديه بكس فى شه

بس هضرب مين وهو ماشاء الله كتفى فى غمضت عين كالعاده

وضحك عليا وقال : واضح أن اللياقه عندك محتاجه تعديل ؛ شكلك سايبه التمارين ليكى كتير

يا هدهدوتى؟

فقلت بغيظ : عارف من كل الالعاب العلمتهانى نفسى فى ايه؟

فمیل علیا وقال : نفسك في ايه؟

فقلت : نفسي أكتفك زى ما انت عامل فيا كده وأضربك لما أشبع وأشفى غليلي

وهو ساب ايدى الكان لاففها ورا ضهرى وقعد يضحك لدرجه انه أترمى على السرير الجنبه؛

لانه عارف اني فعلا متغاضه منه وضحكه بيغىظني اكثر

وأنا بسرعه مسكت ايده ولفيتها وري ضهره وضربته في كتفه

وقلتله بكل زهو وانتصار : ما تلعبش تانى مع الكبار يا شاطر

فقال: طيب لو في لحظه لفيتك وخليتك انتي مكاني وأنا مكانك أعمل فيكى ايه؟

فمسكت ذراعاه الكنت لفاه ورا ضهره باديا الاتنين

وقلت : لا كده خلاص مش هتقدر وكده أنا الفائزه

وفي لحظه كان فك ذراعاه مني وبدل ما يقوم شدني على السرير وكان ضهرى على السرير

ووشى ليه وطرحنى اتفكت.

الفصل الثامن :

وهو فضل مبتسم ويبصلي ويتأمل فيا بشكل كسفي ولان شكلنا كده مش كويس

ووضعنا غلط وكمان شعري من وقت تعبي ما شافوش وده عدى عليه سنين

وفجاه لقيته ميل عليا وباسني

وأنا اتنفضت وزقيته وقمت بسرعه وقلت : انت عملت ايه يا حسن؟ انت اتجننت؟

وقبل ما يرد سبت الاوضه وجريت على اوضتي

وقفلت على نفسي بالمفتاح ؛ وأنا في قمت صدمتي من الحصل بينا.

وفضلت أفكر أحنا مش اول مره نهمز مع بعض كده.

بس أول مره حسن يعمل كده.

وافكرت لما حضني من سنتين .ولت نفسي ان صدقته لما وعدني انه مش هيتعدى حدوده

تاني معايا.

وسمعته بيخبط وقال : افتحي ياهدى.

وأنا كنت خايفه منه ومرضتش افتح وقلت : بالله عليك سييني لو حدى وماتدخلش.

لاني عارفه انه معاه نسخه تانيه من مفتاح الباب ولو ما سمعتش كلامه وفتحت هيفتح هو

وممكن يدخل بيها ؛ وفضلت اعيط لغايه لما نمت

وعدى عليا وقت مش عارفه قد ايه أنا مش حاسه بالحواليا

بس لما صحيت وكنت مش قادره أفتح عنيا من الصداع وحسيت ان فى قماشه على

دماغى وسمعت صوت ماما بتكلم

حسن وبتقول : معلش يا ابني أحنا دائما تعبينك معانا. قوم يا حبيبي ناملك شويه وأرتاح

كفاياك سهر لحد كده

فقال : أنتى عارفه يا طنط أنا مش هاقدر أنام الا لما اطمن عليها

وهيا أن شاء الله لغايه بالليل أو بكره بالكثير هتبقا أتخسنت وهتفوق وتبقا كويسه والسخونه

الحمد لله ابنتت تترل

فقال: ربنا يطمنك يا حسن ؛ قوم يا حبيبي كفايه يا ابني وارتاح وأنا هافضل جنبها.

انت ذنبك ايه بس. دا انت ماخرجتش من أضتها من ساعت ما تعبت ولا روحك كليتك ولا

ذاكرت حاجه

دا انت تعبت معاها أكثر منى وأنا أمها

فقال : ايه يا طنط انتى ناسيه انما مراتى ولا ايه؟

انا كنت سامعه الحوار وفاهمه انهم بيتكلموا عليا بس لما قال مراته أنا خفت وقلبي اتقبض .

قلت: مراته . هيا مين المراه؟ ايه ده حسن التجوز؟

طيب امته وازای هو انا تعبانه ليا كتير ولا ايه

وفتحت عنيا بصعوبه وفضلت أدور على مراته عشان أشوفها بس ما لقتش غير حسن

وماما كانت شايله صنيه الاكل بتاعت حسن وخارجه

وبصتله وانا مخنوقه وقلت: حسن أنت التجوزت؟

طيب امتي وازای؟ طيب وأنا خلاص هتسانی؟

ودموعي ابتدت تنزل

يعني خلاص مش هينفع ادخل أوضتك زى الاول ولا أكلمك ولا اهزر معاك تاني.

يعني بقالك حد غيري يا حسن تكلمه وتهمز معاه وتشكيله همك.

ليه بس يا حسن كده. خلاص جيت المهتمنعنا عن بعض

طيب هو أنت كده خلاص هتمشي وتسيبي وتروح تسكن في بيت تاني؟

خلاص يا حسن أنا ما بقاش عندي حسن ؛ بقا لو احده تانيه.

هو كان بيصلي كانه بيستوعب البقوله وبعدها

قال : هدى انا.....

فقاطعته وقلت وأنا منهاره وبصرخ : خلاص اسكت كفايه السمعته أطلع بره مش عايزه اشوفك تاني

حرام عليك ليه عملت فيا كده.

هو طول ما أنا باتكلم بيحاول يقاطعني ويهديني ؛ بس أنا كنت بتكلم بهزبان و جنون كنت

مصدومه و حاسه بضياح كبير و حاسه اني في صحراء و ما فيش حد معايا ولا جنبي.

حتى حسن الطول عمره معايا و ماسك ايدي و بيشاورلي على الطريق عشان ما توهش ضاع

مني و ساب ايدي

و فضلت اعيط و خبيت و شي بالمخده و انا منهاره

و حسيت بيه لما مسك دراعي و اداني حقنه مهدى بس برضوا ما بصتتش ناحيته مهما عمل

أو حصل مش عايزه أشوفه ولا أكلمه و بعد شويه نمت على طول.

و صحيت لقيته نايم جنبي على السرير و ايداه على عنيه

و دي أول مره ينام على سرير أنا نايمه عليه

فبصتله و قلت : حسن .

فتزل ايداه بسرعه و نام على جنبه و بصلى و قال : يا عيون حسن ؛ أنتي صحيتي يا هدى

حاسه انك احسن دلوقت؟

فبصتله و عنيا أبتدت تدمع و انا مش قادره أتخيل انه دي آخر مره أتعب و حسن يكون فيها

جنبي و يرعاني و يهتم بيا و أطمئن بوجوده.

وقلت في نفسي : خلاص مبقاش ليا سند في الدنيا حت أنت يا حسن.

ولو مراته شافته كده جمبي أكيد هتزعل ومش بعيد تخليه يقطع علاقته بيا

وقطع تفكيري لما قال : هدى اهدى يا حبيبتى وأسمعي كويس للاخر وبعدها أتكلمى..

شوفي يا هدى من وقت ما طنط كانت حامل فيكى وعرفوا انك بنت؛

قالوا دى بتاعتك .. ولما تكبر وتولد أنت هتاخذ بالك منها وتلعب معاها

فكنت بستنى انك تتولدى بفارغ الصبر؛ وكنت سعيد جدا لما اتولدتى

وكنت شارط عليهم ان أكون اول واحد اشيلك

وطنط قالت: ان اخترلك اسم وانا قلت هدى على اسم بنت كنت سمعته في التلفزيون مع جدو

الله يرحمه.

وكنت سعيد جدا بيكى أن فيه طفل معايا يلعب معايا ويكبر معايا

وكنت لما بتعيطى بالليل بصحى وأجيلك وأقعد الالعابك واهز السرير بيكى عشان تبطل عياط

واحيانا كنت بوصلك قبل طنط؛ وأفضل قاعد معاها لغايه لما ترضعك وتنامى وبعدها علمتني

ازاي اديكى البرونه عشان لو صحيتى وهيا ما حستش بيكى

ولما كبرتى كنت بحس انك مسئوله منى وبتاعتى ؛ وكنت بخاف عليكى قوى حتى وأنتى

بتحبي كنت بقلدك وبجبي معاكى ولما كنت بتتعلمى المشى كنت بسندك.

عارفه لما دخلت المدرسه كنت زعلان جدا انى هابعد عنك وأنا متعود أصحى وأنام معاكى
ومش عايز أروح.

بس ماما قالت انى لازم أتعلم عشان لما تكبرى اذاكرلك عشان المدرسين ما يضربكيش لما
تكبرى بعدها بقيت كنت بحب اذاكر سواء فى الدراسه او الاجازه

وبحب أفهم كل حاجه عشان أعلمهالك وده السبب الكان بيخلينى اذاكرلك فى الاجازه
عشان لما ترجعى المدرسه تبقى فاهمه كل حاجه ومحدث بيقا أشطر منك والمدرسين

يجوكى ومحدث يزعلك ابدا

عارفه دايمًا حاسس انك حته منى بتاعتى أنا وبس ؛ كنت بخاف عليكى من كل حاجه حتى
من نفسى فاكره لما علمتك السباحه معايا؟؟

لما لقيتها عجبتك وانتى بتشوفيها فى التلفزيون ؛خفت قوى انك تتزلى البسين من ورايا
واحنا فى النادى وتغرقى عشان كده فى نفس اليوم طلبت منهم فى البيت عشان يعملوا

بسين هنا فى البيت وطبعًا كان لازم يودونى أتعلم فى النادى

ورفضت أنهم يعلموكى فى النادى وعلمتك أنا فى البيت هنا

كنت خايف عليكى قوى خايف أن المدرب ما ياخذش باله منك وتغرقى

حتى اى لعبه أو حركه كانت بتعجبك كنت بحب أنا أتعلمها واجى أعلمهالك بالراحه عشان

محدث يزعلك ولا يضربك

ولما أبتديتي تكبري وكنتي هتخلصي ابتدائي وحسيت انك هتبداي تبقى أنسه

زعلت انك كده المفروض تتغطي عنى وتتحجبي وروحت أتكلمت مع ماما

وقلتلها الجوايا

بس هيا قالت : أن ده الصح والدين بيقول كده وطول ما أنتى بتبقى بحجابك ومتغطيه كويس

لازم أحس أن بحفظك زى اللولو فى الصدف وبحافظ عليكى من كل الناس وحتى نفسى

وطلبت منى ان ابتدى أكلمك وأفهمك ده عشان أنا أكثر حد انتى بتسمعي كلامه ولو جات

منى مش هتعارضى

وفعلا كنت دايما بحافظ عليكى وعايز اداريكى من عيون الناس

فاكره كنت دايما بخرج معاكى عشان تشتري لبس الخروج ؛ عشان ابقا متأكد انك وانتي

بعيد عنى محدش هيشوفك بنظره كده او كده مش حلوه.

من صغرى بغير عليكى ومش بحب حد يلح اى حته منك.

فاكره وأنا فى ثانوى لما تعبتى وانتي كنتى فى ابتدائي وكان فى حقنه انتى بتاخديها كل يوم

لمده اسبوع؟

وأنا فكرت وقلت فى نفسى طيب انتى دلوقت صغيره ولو لا قدر الله تعبتى وأنتى كبيره يبقى

يجى واحد غريب يشوفك وهو بيديكى الحقنه

ووقتها اصريت ان الراجل ما يخرجش من هنا الا وهو معلمنى ازاي ادهالك ووقفت جنبه

وهو بيدهالك وبعدها لما خرجت قتلته يعلمنى تانى وعابز الطريقه الممكن تكون سهله

عشان ما تالمكيش وانا بادهالك

وفعلا علمنى ولما سالونى ليه عابز تتعلمها؟

فقلت لاني ناوى أدخل طب ان شاء الله وما ينفعش ابقا دكتور وما أعرفش ادى حقنه.

وتانى يوم قبل ميعاد الحقنه روح لعمه وأقنعتنه بالعافيه انه ما يتصلش بالراجل وأنا هدهالك.

لدرجت قتلته تعالى نسال هدى ولو وافقت أنا هدهالك ولو رفضت اتصل بالراجل

وجه معايا وسئلك وانتي بصتيلي شويه وبعدها ابتسمتى ووافقتى

عارفه يا هدى نظرتك ليا وقتها صابتنى فى قلبى على طول ؛ بالرغم من انك كنتى لسه

خامسه ابتدائى يعنى طفله ؛ بس صبتينى فى مقتل

وبجد يا هدى وفضلت باقى اليوم سرحان وما ذاكرتش ولا كلمه غير بفكر فيكى

وأعترفت لنفسى انك ما بقتيش ليا الطفله البحب أهتم بيها وبجاعتها.

شفتك اليوم ده بنظره تانيه نظرت واحد بيحب ؛ وعشان كده اول مره حبيتى تترلى معايا

حمام السباحه رفضت وفضلت وراكى لغايه لما اتحجبتى وما دخلتيش اعدادى الا بحجابك

وبعدھا لما خلصت ثانوی ودخلت الکلیه وشفتم لبس البنات

حسیت قد ایه أنا کاتم علیکی ومانعک من حریتک فی البس أبتدیت اشتربلک کل فتره لبس

بناتی ضیق أوقصیر اوبنطلون أو برموده أو أى حاجه من حاجات البنات الممكن تفرحک

وتحسسک بنفسک وسنک وأنک بنوته حلوه وأنتی فی أوضتک وکنت بادیه لماما بینی وبینها

من غیر ما حد یعرف وهیا بتدهولک علی فما جابها هیا عشان ما تتکسفیش منی أو ترفضی

اللبس لغایه الیوم الشفتک فیه بھدوم السباحه وأنتی فاکران لسه هتاخر فی محاضراتی الیوم

ده حسیت أن کنت عماله اداریکی واخیبکی طول عمری وابنی فی جبل والجبل ده اتهد فجاه

وقلبی کان بیدق بسرعه وما عرفتش أفهم ایه الجویا

فرحان لانی افتکرت فی لحظه انک رجعتی هدی بتاعت زمان طفلتی البتزل البسین معایا

وأفضل الابعها وأضحکها وافتکرت ایامنا الکانت بدون قیود وحدود وحسیت بجنین قوی لیها

وبعد لحظات فوقت وزعلت من نفسی لان کده حرام وأن وقفنا کده غلط ومیصحش.

وحسیت بحاجات غریبه حصلتلی أنا نفسی کنت بکدبها علی نفسی

وأنا بزعلک ومدایق منک کان نفسی أحضنک حسیت أنك وحشتینی وأنتی واقفه قصادی

وعایشه عمرک کله معایا وقدام عنیا .

حاجات کثیر حاسیتها؛ بس الحاجه الوحیده الکت متاکد منها انک بتاعتی ومش هینفع تبقی

لحد تانى مهما أن كان ومهما ملك ومهما وزنك بكنوز الدنيا أنتى ليا أنا أنتى بتاعى أنا
وبس وكنت على أستعداد أن أحارب الدنيا لو حد فكر فيكى أو شافك بنفس الشكل الشفتك بيه
وفكرت فعلا أن ممكن حد تانى يكون شافك كده
زعلت جدا وكان نفسى أكسر كل حاجه حواليا وما أتحملتش الفكره خالص.
ولما عمو دخل عندى وكلمنى على الكلام الانتى حكيتيه وانى شفتك بلبس الميوه وانى ممكن
كنت اكلمك بالراحه وانتى زى اختى.
لقيت نفسى بقوله من غير ما أحس :عمو أنا عايز أتجوز هدى؟

الفصل التاسع :

فاداني بالقلم على وشى وقال : أنت بتفكر فيها ازاي يا حيوان.

وانا كنت بئتمنك عليها وأقول انك محترم وبتعاملها زي أختك وأنكم متربيين مع بعض

وأنت طلعت صايح وأحنا فاكيرينك محترم وبنقول دا بتاع طب المتدين والشيخ بتاعنا أتاريك

بتفكر فيها بالشكل ده

وقال : وياترى عملت فيها ايه واحنا نايمين على ودانا؟

وقعد يزقق قال : أنا الغلطان انا سايبه ليك من زمان

بس بعد ماعرفت تفكيرك ال.... مش ممكن بنتي تنام في بيت أنت فيه بعد النهارده.

وقال لطنط تجهز بسرعه وتقولك عشان هتسيبوا البيت فوراً.

وأنا فضلت اترجاه عشان يسمعني بس هو رفض

وفجاه سمعنا طنط بتصرخ وجرينا عليها لقناكي مغمى عليكى على الارض

وجريت عليكى عشان أفوك وأقيس نبضك بس عمو رفض وزعقلنى وخرجنى بره

وأتصلوا بالدكتور وأنا كنت هاموت عليكى وعموا رافض رفض قاطع أن حتى اشوفك من

بعيد وكان هيضربنى تانى الا ان ماما وخالتوا بعدوه عنى.

وأنا كلمت بابا وماما وخالتو وقتلهم ان عايز اتجوزك

وهما رفضوا وقالوا ان متعلق بيكى زى اخوكى ومن العشره البينا الحسيت كده

ومع الحاحى وبعد كلام الدكتور وأكتشافهم أن العلاج مش بياثر فيكى فعلا وأن علاجك

الأساسى نفسى قبل الادويه

واكيد فاكراه أنتى كنتى عامله ازاي وقته

وكل ما أسأل عليكى ماما وتحكيلى عنك ابقى هتجنن أكثر ورحت لبابا وقتلته أنا مش عايز

غير انه يبقى حلال أن اكلمك براحتى وانه لو حصل موقف وشفتك بشعرك أو أى لبس يبقا

مش حرام ومش هاطلب اى حقوق بينا ولا أى حاجه غير أننا نبقى سوا فى الحلال

ورفض لانك لسه صغيره فأنا قلت هو كتب كتاب بس مش أكثر ورقه هتخلى حياتنا حلال

وسهله من غير قيود محرمه .

وبعد الحاح عليه وعلى ماما وخالتو وأتأكدوا أن قصدى دينى بحت

وتحت زنى عليهم وزنهم على عمو ومع حالتك المتدهوره وافق عمو بس اشترط انك ما

تعرفيش غير وأنتى عندك ١٨ سنه على الاقل ووقتها اديكى الحق انك تقبلى تكلمى معايا

ولا لا..

وأنا وافقت على شرطه.. وكتبناه فى عقد الجواز

ولانك لسه قاصر فكان هو ولى امرك ووكيلك وكتبنا الكتاب.

وأول ما رجعنا من عند الماذون ؛ سبتهم وجريت على أوضتك على طول عشان أشوفك

وأطمن عليكى وأول ما شفتك ما قدرتش أمتع نفسى من أن أحضنك

وأنتى عارفه الباقي من وقتها لغايه النهارده .

وبالرغم من انه فاضل كام شهر عشان تكملى ١٨ الا انه بعد الحصلك أمبارح أترجيت طنط

انك تعرفى بموضوع كتب الكتاب

عشان تتاكدى أن كل الحصل بينا حلال وقولتلها انك هتعرفى على ضمانتى.

ودلوقت ياهدى أنتى ليكى الحق انك تقبلى تكملى معايا ولا لا..

بس قبل ما تردى انا باكدلك انه مهما كان جوابك انه مش هيمنع انى هاكون امانك وحمایتك

وسندك وكل البتتمنيه منى وانتي صغيره

وده وعد منى طول ما فى نفس وقلب بيدق ان عمرى ماهاخذلك فى اى وقت احتجتينى

وعلى فكره اغلب قرايينا عارفين بموضوع كتب الكتاب عشان الاشهار وكده ؛ وبرضوا

عارفين انك ما تعرفيش بيه.

وعلى فكره هما مستنين لما تكملى ١٨ سنه وهيجوا يسالوكى موافقه تكملى معايا ولا لايعنى

خايفين لا نغصبك على حاجه وانتي مش عايزاها

ها يا هدى ايه رايك فى كلامى؟

وهنا ردبت رد ما كنش يتوقعه

وقلت : هو أنت مره قلت انك بتحب واحده ونفسك تبقى معاك النهارده قبل بكره ؛ ورفضت

تقولى اسمها..

ياترى عملت ايه معاها ووصلتوا لفين؟

فضحك حسن ورجع ميل على السرير جنبى ونام على جنبه وسند دماغه على ايده ؛ وقال:

مش عارف ليه يا هدى حاسس ان تعبي وتعليمى فيكى راح على الفاضى.

يعنى عماله احكيلك من وقت ما طنط كانت حامل فيكى وربيتك وكبرتك ولغايه دلوقت وأنتى

تقولى كده ؛ طيب كنت هاحب واحده غيرك امتى وأنا بنام واصحى عليكى .

هو أنا من ساعت ما شفتك خلتينى أتعدل ولا أبص يمين ولا شمال دا أنتى بشوفك فى اليوم

أكثر ما بشوف وشى فى المرايه.

فأبتسمت وقلت : عارف أكثر حاجه مدايقانى فى موضوع ابى مش عارفه من وقتها ايه؟

فقال : ايه يا هدهدوتى؟

فقلت : ان ما كنتش عارفه أضربك وأخذ حقى منك.

فضحك وقال : يعنى أنتى كنتى تقدرى تعملى حاجه وما عملتهاش؟

فقلت بعند : أه طبعا اقدر بس ما ينفع اقربلك عشان حرام ؛ وفي نفس الوقت مكسوفه من

الحركات الكنت بتعملها ساعات

فابتسم وقال : حركات ايه دي؟

فقلت : لما كنت بتحط ايدك على كتفي ؛ ولما بتحاوطني بدراعك بهزار كأنك هتخنقني

مش كنت تقول أو تلمح حتى عشان الطرحه البقي لبساها في عز الحر والصيف

فقال : أنا مش كذا مره قلتلك خليكى براحتك معايا وعيشى حياتك عادى وماتتكسفيش منى؛

بس انتى مافهمتيش وأنا ما كنش ينفع أفسر أكثر من كده.

فقلت : يا سلام يعنى وأنا أعرف قصدك من اين؟

مش في فرق بين الكسوف وبين الحرام يا ذكى.

فقال : طيب كنت أقولك ازاي وأنا مديهم وعد بكده ؛ مع ان والله كان نفسى قوى تعرفى ؛ دا

أنا أحيانا كنت ببقى هاتجنن وأحضنك أو أقرب منك وأنتى شفتى أول ما هزارنا زاد وكنتى

قريبه منى وخاصة بعد الموضوع التكلمننا عنه ايه الحصل وما قدرتش امنع نفسى

وخاصه بموضوع حلال وحرام وكده حسيت انك حركتى جوايا كل البحاول اداريه عنك ؛ والله

ياهدى من غير ما أحس بنفسى عملت العملته.

فاتكسفت منه قوى وهو بيتكلم عن الحصل بينا وغطيت وشى بالمفرش العليا وقلت : خلاص

يا حسن اسكت بقا

فضحك على ردت فعلى وقال : خلاص ما تتكسفيش مش هاتكلم تانى ؛ وقومى يلا خدى شور

عشان تفوقى وتصحصحى ؛ وأنا هاجبلك غيار عشان ما تتعيبش .

فرفعت المفرش بسرعه وأنا مخضوضه وقلت : غيار ايه المتجيبه يا حسن

اطلع بره وابتعت ماما ؛ ولا أقولك أنا هأقوم أجيب لنفسى ؛ أطلع يا حسن يلا ربنا يهديك

فضحك وقال : فيكى مين يكتم السر ؟

فبصتله وانا خايفه من الهيقوله

وقلت:ايه فيه ايه ؛ أنا مش مرتحالك على فكره؟

فضحك وقال بصوت واطى كأنه يقول سر ومش عايز حد حوالينا يسمعه : أغلب لبس البيت

والحاجات الخاصه بتاعتك وخاصه لما كبرتى أنا المشتريهالك .

ففتحت عنيا على آخرها من غير ما أنطق لاني كنت مش مصدقه وفي نفس الوقت عارفه أن

حسن مش بيكذب يعنى ممكن كلامه يطلع صح .

بس غصب عنى طلعت منى كلمت : كداب ؛ طيب احلف كده ؟ ازاي يعنى ؟

فقرب منى وقال : أنتى عارفه أن من وقت ما عموا اتوفى الله يرحمه ؛ مامتك مش بترضى

تخرج من البيت الا عشان تروح المقابر تزوره وترجع على طول .

ومامتى عارفها مش بتعرف تشتري لنفسها حتى الا لو قاست اللبس بتاعها قبل ما تشتريه

يبقى مين يا هدهد اللي هيلف ويجبلك البس الا حسن حبيبك؟

شوفى أنا اتفقت مع طنط أنها تشوف كل طلباتك أول باول وتكتبها فى ورقه وأنا أنزل

أجبها وادها لها وهيا تدهالك على أساس أنها هيا الجايها ؛ وكل ده عشان حضرتك

بتكسفى تشتري هدوم البيت معايا.

طيب ما انتى بتشتري هدوم الخروج معايا وبتلبسيها وبشوفها

عليكى من قبل ما نشترىها ؛ يعنى مش هتفرق كثير يا هدهد.

بس قوليلى يا هدهوتى أنا فى سؤال كان نفسى أساله من زمان ؟

طول ما هو بيتكلم وأنا مكسوفه وعنيا للحيطه عشان عنيا ما تجيش فى عينه وبحاول ابين

انى عادى مش مكسوفه لأنى حسيت انه فعلا عايز يكسفى من كلامه وطريقته ونظرته؛

بس عملت انى مش واخده بالى من قصده لغايه لما قال انه فى حاجه عايز يسألها من زمان

فبصت ناحيته وقلت : سؤال ايه ده؟

فابتسم وقرب منى أكثر وبنظره ذات معنى وقال : هو بالنسبه للمقاسات (وغمز) كانت بتبقى

مضبوطه ولا لا ؟

وكمل وهو بيبعد شويه ويتصنع الجديه وقال : أه أنا عارف أن فى حاجات أهم حاجه فيها

المقاسات وأنا كنت بحاول أركز عشان المقاسات تبقى مطبوطه.

ها طمني مطبوطه ياهدى؟

أنا كنت مركزه عشان أعرف السؤال النفسه يساله من زمان ؛ بس بعد ما ساله أتكسفت

قوى قوى وقلت بعد ما غطيت وشى تانى : أسكت خالص يا حسن وأطلع بره ؛ وأنا

هاتصرف مع ماما حسابها معايا ؛ آخرتها تعمل فيا كده ماشى يا ماما ماشى.

وهو ضحك عليا وعرف انه كسفت وشكله كان عايز يكمل غلاسه فقال : بس البيجامه

الانتي لابساها كنت متأكد أنها هتاكل منك حته يا هدهدى ؛ بس هو أنتى لابسه

الشورت عليها ولا البنطلون البرمودا ؛ ولا أقولك بلاش تتعبي نفسك ورينى كده أطمئن بنفسى.

فصرخت أول ما حسنت انه بيرفع المفروش وقلت : بس يا حسن ابعده عنى واطلع بره وكفايه

كلام بقا.

فقال : ايه ياهدى انتى مراتى عادى يعنى أطمئن عليكى.

أول مره أسمع كلمه مراتى منه فغمضت عنيا بسعاده لسماعها وحببت أغيظه

فقلت : مش لما أوافق ابقى تقول مراتك.

فسكت وما ردش ؛ فطلعت وشى من تحت المفروش وشفنت أنه مش مبتسم وملامحه أتغيرت

وبان عليها الجديه وقال:هدى انتى فعلا مش موافقه؟

فقلت : لما أكمل ١٨ سنة ابقى ارد عليك..

فقال : هدى الموضوع ده مش هينفع فيه الهزار انتى عرفتى بكتب كتابنا فلو سمحتى أنا

عايز أعرف ردك عشان على أساسه هيبقا التعامل بينا.

الفصل العاشر :

فأبتسمت بمكر وقلت : ليه هو يفرق معاك؟

فقال : طبعاً ياهدى انتى بتتكلمى ازاي.

فعدلت نفسى واديتته ضهرى وقلت : لو سمحت أناعيزه أناام نبقا نكمل كلامنا بعدين.

فسكت شويه وقام من على السرير عشان يخرج فاتعدلت وقلت : حسن.

فوقف مكانه من غير ما يبصلى؛

فقلت بالرغم من انى لسه حاسه انى تعبانه ودايخه ووقفت قدامه وأبتسمت

وقلت : مش عارفه ليه حاسه أن تربيتى فيك راحت على الفاضى ؛ أنت لسه بتسال يا حسن

إذا كنت موافقه أفضل باقى عمرى معاك ولا لا؟

فتهد وقال : شوفى ياهدى أنا عارف انك بتعزينى ؛ بس ده ما يدنيس الحق أن أجبرك عليا

وأنا نفسى مش هاسمح لحد يعمل كده.

عشان كده كنت ناوى لما تكمل ١٨ سنه أنا هسألك بنفسى حتى لو سألك أى حد تانى

فقلت وعنيا فى الارض : بالرغم من انه كنت عايزه أعذبك شويه زى ما طلعت عينى الفتره

الفاتت بس ما تهونش عليا.

ففهم انى موافقه من كلامى وكسوفى

وقال: خدی وقتک یا هدی وأنا هستناکی.

فبصتله وقلت : خلاص یا حسن الموضوع مش محتاج لا وقت ولا تفکیر.

فقال : یعنی مش موافقه؟ براحتک یا هدی صدقینی مش هسمح لحد یجبرک برضوا ابداء.

وكان هیخرج فقلت : أنا ما قلتش کده یا حسن.

فقال : طیب عایزه ایه دلوقت عشان عندی مذاکره ومش فاضی أضيع وقت أكثر من کده.

فبصتله بغیظ وقلت : مش عایزه حاجه أنفضل خلاص.

وفعلا خرج ولفیت عشان أرجع للسریر وقلت : ایه ده بیفهم ازای ده ؟

دا أنت طلعت بارد وغلس یاحسن وهتتعبنى معاك.

وسکت لما حسن شالنی ودار بیا فی الاوضه وقال : هو مین البارד وغلس یا هدهوتی؟

فمسکت فیه وقلت : نزلنی یاحسن بجد دا یخه.

فتزلنی ومسک ایدیا وقال : هو فی واحده تقول علی جوزها بارد وغلس کمان؟

فأتکسفت من نفسی ومن کلامه وقلت : أسفه بس اتغظت منك.

فقال : ما أنتی العایزه تعملی فیها بتتقلی علیا فحبیت أوریکی التقل علی أصوله.

فبصتله نص عین وقلت : لا والله.. طیب لما یسالونی هاقولهم مش موافقه وبحب واحد غیرک کمان.

فضحك وقال : وأنتی تقدری تعملی کده؛ دا انا کنت ادبحک.

وكمل وقال : هى هدى تنفع تبقى مع حد تانى غير حسن؟

فابتسمت وبصت للارض وقلت : لا

فقال : ما أنا عارف.

فاتغاظت منه وسابته ورجعت للسرير بس هو شالى وونزلى قدام الحمام

وقال : خدى شور بسرعه وأنا هاجبك الهدوم.

فمسكت ايده وقلت : هدوم ايه المتجيبها ان شاء الله ؛ أنا هجيب لنفسى أتفضل انت بس.

فقال:ايه ياهدى عايزانى أساعدك فى الشور الاول؟؟

حاضر يا حبيبتى

فبعدت عنه وقلت : حسن الله يخليك بلاش جنان وامشى.

فقال : ليه اوعى تكونى مكسوفه أحنا لسه أمبارح وأخدين شور مع بعض

فقلت : حسن مالك أنا السخونه مش أنت ولا السخونه عندى ماثره عليك.

فضحك وقال : هو أنا ما قولتكيش؟

ولف ايده على كتفى

وقال : أمبارح كانت حرارتك عاليه قوى وكان لازم تاخدى شور بارد وأنتى مش حاسه

بالحواليكى فشلتك ودخلتك تحت الميه بس أنتى صرختى وكنتى هتخرجى فدخلت معاكى فى

البانيو تحت الدش شويه وأنتى فى حضنى وبعدها جات ماما وخالتو عشان يغيرولك ؛
عارفه والله أنا كان ممكن أعتمد على نفسى فى كل حاجه وأغيرلك كمان ؛ بس خفت
لاترعلى منى لو عرفتى انى عملت كده فسبتهم ورحت غيرت أنا وجيت عشان اتابع الحاله
بتاعتى .

ها يا حبيبتي تحبى أساعدك أزاى؟

ولا تحبى اوريكى كنا عاملين ازاى واحنا تحت الميه وأنتى فى حضنى؟

فزقيته وبعدت عنه ودخلت الحمام بسرعه وقفلت الباب وهو بيضحك عليا وبعد لحظات خبط
عليا فقالت : نعم

فقال : الهدوم المتغيريها يا هدى طلعتالك من الدولاب تحبى ادخلها لك ولا تفتحنى انتى
وتاخذيها

فصرخت وقلت : لا يا حسن أوعى تجيب حاجه أنا هاخرج أجيب الأنا عايزاه .

فضحك وقال : أنا طلعتلك الهدوم خلاص افتحنى .

فقلت : مش هافتح حتى لو عملت ايه .

فقال:خلاص دا انا كنت عايز أساعدك وعارف انك لسه تعبانه

على العموم انا جيت كرسى وعليه هدومك ما أنا كنت عارف أنك مش هتفتحنى مع أنى

جوزك بس يلا تتعوض المهم أنا هاخرج وأقفل باب اوضتك ورايا

وانتى خلصى بسرعه

عشان هأنزل أجيب الأكل عشان نأكل سوا من أمبارح ما دوقتش الأكل عشانك.

وخرج وسمعت صوته وهو بيقتل الباب.

وأخذت الهدوم وأخذت شور وطلعت وقعدت على الكرسي قدام المرايا واديا على وشى

لاى حسيت بدوخه وهبوط فجاه

فدخل حسن بصنيه الأكل وشافنى على الوضع ده ؛ فركن الصنيه على طريزه صغيره وراح

شال ايديا من على وشى وقال : مالك يا هدى حاسه بايه؟

فقلت : دايجه شويه ومش قادره أسرح شعري ممكن تندهلى ماما تسرحولى

فقال : حرام عليكى مامتك بتسغدى معاهم دلوقت.

ومسك المشط وقال : هاتى انا اسرحلك.

فاتكسفت وقالت: لا خلاص شويه تانى ان شاء الله هابقا كويسه وابقى اعمله

فلف ورايا ومسك شعري وقعد يسرحه وقال : انتى ناسيه ؛ أنا ياما سرحتلك وأنتى صغيره

؛ بس ما شاء الله شعرك طول عن زمان

وكمل وقال : فاكره يا هدى لما كنتى صغيره وطنط تعملك شعرك ضفيره وأنتى كنتى مش

بتحبيها وكنا لما نركب العربيه سوا تخليني أفكهولك وأسرحلك تاني وأعملك ديل حصان
؛وكل يوم طنط تتخايق معاكي وكانت بتخبي المشط منك عشان ما تدخدهوش وانتي ماشيه
الصبح وأنا أشتريت مشط وبقيت بشيله دايم في شنطتي ؛ عشان أعملك ديل الحصان البتحيه
فضحكت وقلت : معقول أنت لسه فاكر دا أحنا ياما جننا ماما بالبنعمله.

وساب شعري مفروود وقومني وأنكجني

فابتسمت وقلت : ايه؟

فقال : مراتي وبدلها شويه كده عشان بعد الفرح مافيش دلع اعمل حسابك أن هابقا سي
السيد وأنتي امينه.

فضحكت وقلت : أنا واثقه ان عمرك ما هتبقى سي السيد معايا ابدًا.

فقال : ليه ما أنفعش؟

فقلت:مش كده بس أنا عمري ما هاهون عليك تعاملني كده.

وقعدني على السرير وجاب صنيه الاكل وأكلنا واداني الدوا ونيمني وغطاني وفضل يقرا

قران وهو ييمسح على شعري لغايه لما نمت فباس دماغى وقام طفى النور وراح يذاكر.

اما انا كنت فرحانه قوى وحمدت ربنا اني بقيت مرات حسن وبقيت افكر فيه وفي مواقف

حصلت بينا من صغرنا لغايه لما كبرنا لغايه لما نمت.

وعدت الايام وبدأت الدراسه بتاعتي وكنت ببقى مكسوفه منه كل ما أفكر اني مراته وكنت

مش عايزه أروح أوضته عشان اذاكر معاه ؛ فكان بيحي يأخذني بالعافيه أو يشيلني يوديني

أو يجيب كتبه ويقعد جنبي على السرير يذاكر لان مكتبي مع مكتبه في اوضته.

وعمل كل أوضه بسريرين عشان لو ذاكرنا في أوضه ينفع ننام فيها لو حد محتاج ينام وفي

نفس الوقت ما يبعدش عن الثاني .

وفي مره كنت بذاكر معاه وفجأه قال : هدى مش خايفه مني وأحنا مع بعض طول الليل

والنهار والشيطان شاطر.

وأنا ما كنتش مصدقه السمعته وبصتلته وتنحت .

وهو قام وجه عند مكتبي وكان ايد على الكرسي ورايا والثانيه على المكتب

وقال : ايه يا هدى متحبه كده ليه؟

فأتكسفت وجيت أقوم فمسك ايدى وقعدني وقال : اهو أى حجه بس عشان تسيبي الكتاب

وتقومي .

فبصتلته بغيظ وقلت : أنا البعمل كده؟

فضحك وقال : أه مش كنتي هتقومي تقدرى تقوليلي على سبب قوى عشان تسيبي مستقبلك

وتعليمك وتقومي ؟

فقلت بغيظ : مش أنت البتخوفنى وبتقول هدى مش خايفه مني واحنا مع بعض طول الليل والنهار

و.....

وسکت وبصیت للارض لانی آتاکدت من نظرتہ انه بیوقعی فی الکلام وعایز یکسفی.

فقال : ایه یا هدهوتی سکتی لیه؟

طیب اقله ایه ده؟

فسکت وما ردتش.

فرفع وشی بایدہ وقال : هو انتی مکسوفه لیه یا هدهد ووشک محمر کده؟

ولخت المکر فی عینہ.

فقلت وانا مرتبکہ ومش قادره عینی تیجی فی عینہ : وأنا ایه الیکسفی عادی یعنی.

فضحك وقال : مش عارف ایه البنات البتکسف من غیر ما حد یقربلها دی ؛ یلا کانوا خمسہ

فرفشه عشان الواحد یجدد طاقته عشان یکمل مذاکره.

وسابنی ورجع مکتبه وأنا فضلت ابصله شویہ ومش مصدقه یعنی قام وخوفنی وکسفی

ورجع یذاکر عادی؛ وکل ده عشان عنده خمس دقائق راحه من المذاکره.

واستعوضت ربنا فی حسن الکان عاقل واتجنن من بعد ما عرفت بکتب کتابنا ربنا یصبرنی

علیه.

الفصل الحادى عشر :

وكملت مذاكره لغايه لما تعبت ونمت مكانى .

وصحيت لقيته جنبى وبصحينى .

ويقول : ايه يا هدى فى واحده تنام فى اوضه خطيبها عادى كده؟

وبصيت حواليا ولقيت فعلا كنت نايمة على سريره .

فاتعدلت وقلت : ايه الجابنى على سريرك ؛ أنا مكنتش نايمة عليه ؟

فنام جنبى وقال : طبعا ما أنتى ما نمتيش على سريرى كنتى نايمة فى حضنى يا هدهد .

ففتحت عنيا على الاخر وقبل ما أتكلم هو ضحك وعرفت أنه كان بيضحك عليا وقال : شكلك

بيبقا تحفه وأنتى متنحه ما تخافيش أنا نيمتك على سريرى ورحت نمت على سريرك .

وجيت اشوفك قمتى صليتى الفجر ولا لا لقيتك لسه نايمة فقلت اتسلا شويه عليكى قبل ما

أنزل أصلى .

فقتت ومسكت المخده وضربته بس خطفها منى ومسك ايدى وقبل ما يعمل أى حركة تانى

سمعنا اقامت الصلاه وهو جرى على المسجد وأنا كمان جريرت على أوضتى أتوضيت

وصليت ونمت.

وقررت ان مش هاروح اذاكر تاني في أوضته ويعمل يعمله؟

ولما صحيت نزلت فطرت ولما قمت لقيته بيذاكر فقلت وأنا واقفه على الباب : الشده يا حسن.

فرفع عينه من على الكتاب وقال:على الله يا هدهد.. مش هتيجي تذاكري ولا ايه؟

فابتسمت بمكر وقلت : طبعاً طبعاً دقيقتين وهأبدا ان شاء الله .. عن اذنك دلوقت.

وخرجت وقعدت أذاكر في اوضتي.

فجه بعد شويه وبصلي باستغراب وقال : ايه ده انتى بتعملى ايه؟

فضحكت وقلت : بذاكر يعنى باعمل ايه؟

فقال : طيب ليه ما جيتيش تذاكري على مكتبك؟

فقلت : لا خلاص أنا نويت من النهارده مش هذاكر عليه تاني وهذاكر على سريري.

فدخل من عند الباب وقال : وده من ايه ان شاء الله ما تيجى تذاكري على السرير هناك؟

فميلت على المخده الورايا وبصيت على الكتاب المعايا وقلت : تقدر تقول مذاج ماشى ؛

تعتبر حاله نفسيه ممكن ؛ مش مهم المهم والأكيد مش هذاكر الا في أوضتي وأن ده قرار

مش هارجع فيه.

فَعَقِدْ دِرَاعَهُ قَدَامَ صَدْرِهِ وَقَالَ : طَيْبٌ مُمْكِنٌ أَعْرَفَ سَبَبَ الْقَرَارِ دَهْ أَيْهْ؟

وَأَنَا مَا قَدَرْتُشْ أَمْنَعُ نَفْسِي مِنَ الْإِبْتِسَامَةِ عَلَى شَكْلِهِ الْمَدَائِقِ مِنْى وَسَكْتِ وَمَارْدَتْشْ.

فَقَالَ: عَلَى فِكْرِهِ أَنَا مُسْتَنَى رَدِّ حَضْرَتِكَ.

فَشَاوَرْتَلَهُ بَائِدَى بِالْأَمْبَلَاهِ وَقَلْتُ : أَيْ سَبَبِ وَخِلَاصِ يَا حَسَنُ وَأَسَكْتُ بَقَا عَشَانِ إِذَا كَرُ.

فَبَصَلَى شَوِيهَ وَمَشَى.

وَعَرَفْتُ أَنَّهُ زَعْلٌ؟

فَابْتَسَمْتُ وَخَرَجْتُ وَرَاهُ عَشَانِ أَصَاحِيهِ. أَصْلُ كَلِمَتِهِ وَلَا زَعْلٌ حَسَنٌ عِنْدِي.

وَفَضَلْتُ أَتَكَلَّمُ مَعَهُ وَهُوَ مُطْمَئِنٌّ وَأَحَايِلُ فِيهِ وَلَا سَائِلُ فِيَا.

لِغَايَةِ مَا إِدَائِقْتُ فَعَلَا وَعَنِيَا ابْتَدَتْ تَدْمَعُ وَسَبْتَهُ وَكُنْتُ هَمَّشَى بَسْ شَدْنِي لِيهِ وَشَبَكُ إِيدِيهِ

حَوَالِيَا زَى الدَّائِرَةِ وَأَنَا فِي النَّصِّ وَبَصَلَى وَسَكْتُ.

وَأَنَا فَضَلْتُ بَصَالَهُ وَعَرَفْتُ أَنَّهُ عَائِزْنِي أَقُولُ سَبَبُ أَنْ مَا جَشَّ إِذَا كَرُ مَعَهُ.

فَبَصَيْتُ لِلْأَرْضِ وَقَلْتُ: يَا حَسَنُ مَا أَنْتَ بَتَقْعُدُ تَكْشِفُ فِيَا وَتُخَوِّفُنِي مِنْكَ وَتَقُولُ الشَّيْطَانُ مَشْ

عَارْفُهُ مَا لَهُ وَلَمَا نَمْتُ بَتَصْحِيْنِي وَتَقُولِي يَا هُدَى فِي وَاحِدَةٍ تَنَامُ فِي أَوْضِهِ خَطِيْبِيهَا.

طَيْبٌ أَعْمَلُ أَيْهَ أَنَا بَقَا؟

وَبَصْتَلَهُ

فبصلى وقال : وأنا مش بضحك معاكى؟

فقلت : بس أنا باتكسف من كلامك ده.

فبصلى بنص عين وهو ساكت.

فقلت : أهه شفت ابتديت تانى أهه.

فضحك وقال : خلاص يا هدهوتى روحى هاتى كتبك وتعالى ذاكرى هنا.

فقلت وأنا بشاور بصباعى قدام عينيه : بس تبطل تكسفى وتغلس وعليا ماشى.

فعض صباعى وقال : لا هتيجى تذاكرى وأنا وقت ما احب هاغلس براحتى عليكى.

فبصتله بغيظ.

فقال : تروحي بالطيب ولا تروحي بطريقه تانيه؟

وكان هيقوم فجرئت وقلت : لا الطيب أحسن.

وجبت الكتب وفضلنا نذاكر وكل شويه يغلس ولما طنشت وما ردتش عليه فقام من على

مكتبه وقربلى وقال: اصل هدى حبيبتى مش سمعاني لما اروح اقولها الكلام فى بقها ؛ قصدى

فى ودنهما عشان تسمعنى وترد عليا.

وأنا أتنفض وقمت من على مكتبى وقلت : سامعه والله سامعه ؛ واسفه وهارد عليك بعد

كده.

فبصلى بمكر وقال: المرادى هرجع مكتبي تانى بس بعد كده لو اضطرتيني اقوم؛هاضطر

اجيلك عشان اعرفك ازى تسمعيني وتبطلنى طيش.

ماشى يا هدهد؟

فهزيت راسى اكثر من مره وقلت : ماشى يا حسن.

فضحك ورجع مكتبه تانى.

وفضل يدايق فيا كل شويه ويكسفننى فقلت : يا حسن بجد مش عارفه اذاكر كل شويه تاخذ

أنت خمس دقائق راحه وتطلعهم عليا وأنا اخد قصادهم ساعتين عشان ارجع أركز وأول ما

ابتدى أركز من هنا أنت تبتدى فى الراحة من هنا وهكذا وهكذا.

فضحك وقال : وأنا أعملك ايه اذا كانت أعصابك خفيفه وبتصدقنى كل كلامى.

بس قطع كلامنا دخول طنط لما جات وقال : يلا العشا جاهز.

ونزلنا أتعشينا وقعدنا معاهم شويه وفضلنا نتكلم ونضحك وطلعنا كلنا عشان ننام.

وتانى يوم بعد ما فطرت رجعت على أوضتى وقعدت اذاكر وحسن جه وقف قدام الباب ولف

اديه قدام صدره ورفع حواجبه وكان

واقف ساند نفسه على الباب وبيهز رجله.

وأنا لما شفت شكله كده فضلت أضحك وخبيت وشى بالكتاب.

فجه خد کتابی منی وقال : والله كنت هطنشك ولا أسال فيكى بس ما عرفتش أذاكر فاضطريت
أجيلك.

ودخل ايدو ورا ضهري وايدو التانيه تحت رجلى وشالني عشان يوديني أوضته.

وأنا قلتله : يا حسن نزلني أنا مش عايزه اذاكر معاك هو بالعافيه؟

فقال : دلوقت أنا جوزك يعني الكلام القوله تقولي عليه حاضر سامعه ولا لا؟

ومشى بيا لبره ولقينا طنط وماما في وشنا.

وأنا قلتلهم : خلوه يترلني مش عايزه اذاكر معاه.

وطنط قالت : نزلها يا حسن وسيبها براحتها.

فقال : مراتي ومحدث ليه دعوه بينا لو سمحتم.

ودخلني أوضته وقعدني ونزلني ووقفني قدامه وشد ودني.

وقال : عارفه لو الموضوع ده اتكرر تاني بيقا شوفي هأعمل فيكى ايه؟

وأنا أعتذرت وقلت : توبه خلاص مش هأعملها تاني.

وفضلت كل يوم أروح اذاكر معاه بس حسيت أنه خف غلاسه عليا عشان اذاكر وما أضيعش

وقت أكثر من كده ؛ بس طبعاً من وقت للتاني كان مش بيقدر يمنع نفسه من كلمتين كده

على الماشي.

وفي مره كنت معديه من قدام أوضته فلقيته رجع وكان نايم على السرير بهدومه والبلطوا جنبه وكل أوراقه على السرير ؛ أنا كنت عارفه انه هيتاخر لان ده أكثر يوم عنده محاضرات وعملى لغايه بالليل.

فدخلت بهدوء ولقيته نايم وايده على دماغه ؛ فقلعته الشوز بالراحه وعلقت البلطوا ولميت الكتب والأوراق ورتبتهم على مكتبه ؛ وقعدت جنبه عشان أصحيه.

قلت : حسن حبيبي قوم غير بس وأرجع نام ؛ يلا يا عمرى حاول عشان خاطرى.

وهو لسه نايم ومش حاسس فلعبت بشعره بالراحه وقلت : حبيبي يلا قوم.

فأتعدل وشدنى لحضنه ونيمنى جنبه وهو مبتسم وقال : حلو الدلع ده.

أعملى حسابك كل ما تكلمينى مش عايز غير حبيبي وعمرى والرقه دى.

فأتكسفت وقلت : أنت كنت صاحى طيب بطل كسل وقوم غير عشان ترتاح

فقال : أنا تعبنا ومهدود يا هدهد ومش قادر؛ تعالى ساعدينى أغير.

فقلت:يا سلام.. بطل دلع.

فقال : يعنى أنتى لوجايه تعبانه وقولتي تعال ساعدينى أغير أنا هأرفض يعنى؟

ومد ايده على البجامه بتاعتي وقال تجي أثبتلك حتى وأنتى مش تعبانه ممكن أساعدك

أزاي.

فمسكت ايده وقلت : مصدقك .. مصدقك والله من غير ما تتهور.

فضحك وقال : ها تقومي تساعديني ولا أقولك خلينا ننام كده أحسن.

فقلت : لا تنام ازاي كده وأنا موجوده ؛ لا هأقوم أساعدك طبعاً.

فبعدني عنه وبص في عنيا وقال : أنتي بتتكلمي جد هتساعديني عشان أغير؟

فأبتسمت وقلت : طبعاً .. لو مش أنا اللي أساعدك هيكون مين يعني ؛ وعشان أثبتلك أوعى

هاروح أجيبلك البيجامه الاول وأنت خليك نايم ومستريح وأنا هاعمل كل حاجه بنفسى.

وقمت ومسكت البيجامه ومشيت ناحيه الباب بسرعه ورميتها عليه؛

وقلت: ادى أخرت دلعي فيك كمان أغيرلك هدومك.

وخرجت وقفلت الباب ورايا وجريت على أوضتى.

وهو فضل يضحك لانه كان متأكد أن هرفض ولما وافقت كان متأكد ان يضحك عليه

وهو قام غير ونام على طول.

وبعدھا أخذ فتره مشغول في الكليه وكان كل يوم يرجع متاخر

ولما جات أيام الامتحانات بتاعتى كنت متوتره قوى لانهما دى أول مره أمتحن في الكليه

وكنت خايفه لأن نظام الكليه مختلف عن نظام الدراسه القبليها.

لانه في ابتدائي واعدادى وثانوى كانت بتذاكر الكتاب أو الملخص وأحل امتحانات وخلص

وحسن دائما يشرحلى

أما الكليه بأخذ كتب مختلفه نظامها وكل ماده على حسب نظام الدكتور بتاعها والأبحاث والتحديد البيحدده لينا فكنت خايفه من الوضع الجديد وحاسه أنى فاشله وخاصة أن حسن مش بيذاكرلى فى الكليه .

هو كان بيودينى الصبح ولو مش عنده امتحانات أو كليه أحيانا كان ييفضل معايا ويهدينى ويخلينى أراجع فى العربيه لغايه معاد الامتحان وبعدها أدخل وهو يروح يذاكر أو يرجع كليته لغايه لما خلصنا أحنا الأثنين فاخذنى وسافرنا عشان تغير جو تبع رحله عندهم فى الكليه وكانت الاقصر واسوان

وكالعادة كان عامل برنامج لينا بس دخل فيه أصحابهم كمان وكانا طول اليوم بتزور الأماكن السياحيه والباذرات

واشترى حسن سلسله بقلبين عشان نخط فيهم صورنا وجاب خاتم بناتى منحوت عليه اسمه ؛ وليه خاتم رجالى منحوت جواه اسمها

وأشترى لبس فرعونى عجبه ليا بس ما عرفش بيه عشان مش هينفع ألبسه الا بعد فرحنا ومحيش يقول عشان ما أفضحوش قدام أصحابنا وأنا بأصرخ عليه وأتخايق معاها وهو كان لما بيخرج معايا يشترى ليا لبس خروج أحيانا كان بتعجبه حاجات ليا

فبيستادن منى ويروح يشتره ويجبيه فى عربته.

وكان بيخبيهم فى كرتونه فوق الدولاب عشان ألبسهم بعد جوازنا.

بس فى البيت كانا فاكرين ان الكرتونه دى فيها عظام أو هيكل بيذاكر عليه ؛ فكانا بنخاف

حتى ننصف فوق الدولاب ده عشان الكرتونه دى وهو كان مطمئن عشان كده.

المهم اتفسحونا واتبسطنا وطبعاً ما سلمناش من تعليقات أصحابنا علينا وأنا مش

بنفارق بعض وأنا مفروض نبقا زهقنا من بعض بما اننا طول عمرنا عايشين فى نفس

البيت سوا والبنات كانت بتحسدنى على حسن وجه الظاهر عليه وأهتمامه بيا وكانى طفله

خايف تضيع منه ؛ والشباب الكانوا كل شويه عايزين يأخدوه منى بس أحنا طنشنا الكل

وكان مش بيفرقنا الا النوم.

الفصل الثاني عشر :

وبعد ما رجعنا بيومين

كملنا فسح في القاهره لغايه لما خلصت الأجازة ورجعنا للدراسه.

وكانت حياتنا عاديه حسن بيوصلني للجامعه ويروح كليته وانشغلنا في المذاكره وفي يوم

جمعه بعد الفطار طلع حسن أخذ شور عشان بعد شويه صلاه الجمعه

وأنا طلعت أخذت شور ولبست بدله رياضيه ضيقه عليا أول مره البسها وعملت شعري ديل

حصان زى ما بحبه دايمًا وخرجت عشان أطلع فوق في الصاله الرياضيه وشافني حسن

وأنا معديه قدام أوضته.

فقال : هدى

فرجعت ووقفت عن الباب ومسكت الباب بايديا وهو كان بيذاكر لغايه ميعاد الصلاه

وقلت : نعمين يا سي حسن.

فرفع حاجبه لان أول مره أقول سي حسن.

فقال : تعالى هنا.

فدخلت ووقفت قدام المكتب وأنا مدخله اديا في جيوب البنطلون

وقلت بكل دلع : نعمين يا سي حسن أمرك.

فابتسم وهو بيتامل لبسي لان أول مره يشوفني لابسه ضيق كده وقال : رايحه فين كده؟

وهو بيشاور علي لبسي

فخرجت ايديا من جيوبي وميلت علي المكتب

ومسكت ورقه ورسمت عليها أسم حسن وبقيت بخطط فيه كاني برسم.

وقلت : ممم هطلع فوق.

فقال : ليه مش وراكي مذاكره؟

فرفعت وشي وبصت في عينه وقلت بنبره طفوليه وأنا

ماده بوز زي الأطفال : والله وحشتني الأوضه الرياضيه قوی

هقععد شويه وهتزل اذاكر ومش هتاخر.

ووقفت بسرعه قبل ما يعترض وقلت : يلا باي يا سنسن.

وخرجت

وهو لسه بيبيص عليا ومبتسم وقال في نفسه : هو أحنا فينا من كده؟

ايه يا حسن من وقت ما عرفت هدى بموضوع كتب الكتاب

وانت اعصابك بقيت خفيفه قوی ليه.

واللبس الهيا لبساه ده كمان هو أنا هشوفه كده كتير؟.

فرد على نفسه وقال : مش انت المشتريه أشرب يا حلو وأستحمل الجاى.

فرد وهو ييمسح على شعره لورا : أشرب ما اشربش ليه.

وقفل الكتاب وقام نزل للدور الأول وخبط على باب أوضه المكتب عند باباه ودخل

فابتسم باباه وقال : الدكتور بنفسه شرف مكتبي يا أهلا وسهلا

فضحك حسن وقال : بس ما تتعودش على كده يا بابا

فقال ابو حسن : يبقى اكيد عايز حاجه مش زياره لله فى الله صح ولا أنا غلطان؟

فضحك حسن وقال : دايمًا كاشفنى يا أبو حسن.

فقام أبو حسن من ورا المكتب وقعد على الكرسى القدام حسن

وقال : طالما قلت أبو حسن يبقى الموضوع كبير خير يا حسن فيه ايه

فابتسم حسن وحس انه ابتدى يتوتر وقال : دلوقتى المثل بيقول أن كبر ابنك خويه؟.

وأنا عايز أتكلم معاك كصاحب قبل ما تكون بابا.

فهز باباه راسه بالموافقه

فحسن أخذ نفس وقال : دلوقت أنا عايز أتجوز؟

وهنا هب اباه من مكانه وقال : أنت أتجننت يا حسن؟

عائز تتجوز على بنت عمك الامانه عندنا ولا هتسيبها خالص وتتجوز غيرها؟

فوقف حسن وقال : ايه الانت بتقوله يا بابا انا ما اقصدش الحضرتك فهمته.

أنا عائز أتجوز هدى

فجلس اباه وتنهى بارتياح وقال : طيب ما أنت متجوزها فعلا؛ هتتجوزها تاني ازاي؟

فقال حسن : يا بابا أنا عائز جواز جواز مش كتب كتاب وبس.

فقال ابو حسن : بس يا حسن أنت لسه بدرى عليك ؛ لما تخلص الترم ده وبعده قدامك سنه

امتياز وهدى لسه سنه اولى جامعهه يعنى قدامه ٣ سنين غير الترم ده يعنى لسه بدرى

عليكم انتم الاتنين

فقال حسن : أنا مش بقول أتجوز دلوقت أحنا نخلص الترم ده والفرح يبقى فى الاجازه أن شاء الله

ويبقا فاضل الامتياز بس عليا ؛ وهيا فى بنات أصغر منها أتجوزوا وكملاوا وانا ان شاء الله

هقف معاها مش هسيبها

بس بصراحه يا بابا مش هينفع أنما تبقا معايا وقدام عيني وعارف أنما مراتى ومش مراتى

بجد مش هينفع .

ولو كلامى مش هيعجبك بيقا تسمعلى هاأخذ شقه بره وأسكن فيها لغايه لما تشوف الوقت

المناسب لجوازنا لكن وجودى معاها بالشكل ده مش هينفع.

فسكت اباه للحظات وقال : هيا هدى عندها علم بالكلام ده؟

فبص حسن للأرض وقال : لا أنا قلت أشوف رأي حضرتك الاول.

فقام ابو حسن ولف وجلس مكانه الاول وقال : شوف رأى هدى ولو وافقت أنا ما عنديش

مانع وهكلم العمال يجوا يظبطوا ليكم جناح خاص ونشوف الفرش ونتفق على الباقي ان

شاء الله بس شوف هدى الاول وتكون الموافقه برضاها يا حسن ما تجبرهاش..

فأبتسم حسن وكان طائر من الفرحه وقال : ومن أمتى أنا بجرها على حاجه يا بابا ؛ وأنا

هشوف رأيها وارد على حضرتك.

فرد ابو حسن وهو سعيد : ربنا يتمملك بخير يا حبيبي.

وخرج حسن من مكتب والده وطلع لهدى فى الصاله الرياضيه.

ودخل بهدوء الى الصاله الرياضيه ووجدها نائمه على كرسى كبير ومحتضنه صورت حسن

وبتغنى وهيا مغمضه عنيا

فابتسم واقترب منى وقال بصوت عالى : هدى؟.

فألتخصيت وقلت : حرام عليك وقعت قلبى حد يعمل كده.

فابتسم وقعد جنبى وقال : أعمل ايه مش أنتى الحاضنه صورتى وسرحانه فيا مش أنا اولى

بالحضن ده من الصوره.

فبصت لايدي الحاضنه الصوره ووقفت بارتباك ورمتها جنبه وقلت : ليه وأنا هأحضنها ليه

يعنى حتى لا شكل ولا منظر

فقال: هو مين ده اللا شكل ولا منظر؟

فبعدت عنه خطوات وقلت : أنت يعنى مين؟

وجريت بسرعه وطلعت من الصاله ونزلت أوضتى ؛ وهونزل ورايا بس كنت

دخلت أوضتى وقفلت الباب بالمفتاح

أما هو حاول يفتح الباب ولقاه مقفول

فقال : أفتحى يا هدى أحسن لك؟

فأبتسمت بتشفى وقلت : دا بعدك مش كفايه انى راضيه بيك ؛ زعلان لما بقولك لا شكل ولا

منظر؛ دى الحقيقه الكنت مخيبهاها عنك من زمان ؛ روح شوف نفسك بالمرايا بس وبعدها

أتكلم؟

فقال : ماشى يا هدى جيبتيه لنفسك

ودخل أوضته وفتح درج مكتبه وطلع مفتاح وفى طريق خروجه من الأوضه شاف نفسه فى

المرايه وابتسم وقال : بقا ده لا شكل ولا منظر.. ماشى يا هدى.

وخرج وراح فتح باب أوضتى بالنسخه المعاه ودخل وقفل الباب بالمفتاح.

واستند على الباب وابتسم بمكر.

اما هيا كانت على السرير وماسكه كتاب تذاكر فيه.

وأول ما دخل رميت الكتاب ووقفت على السرير وقلت : حسن أسفه والله بهنزر معاك ؛ أنت

عارف انك أحسن ولد في الدنيا دى ؛ دا أنت أجمل ولد أنا شففته في حياتي ؛ دا أنت زى

العسل هو أنا حبيتك الا عشان انك ولد أمور ووسيم وشياكه

وفضلت أقول كلام حلو وخايفه منه وهو مبتسم على خوفى وارتباكى منه

وأول ما قرب ناحيتى نزلت الناحيه التانيه وجريت على الشباك

وقلت :يا ماما الحقينى

وهو مسكنى بسرعه قبل ما أفتح الشباك ورفع ايديا الاتنين وسندها على الحيطه الوراها

فقلت : أسفه يا حسن حقك عليا مش هاقولها تانى خلاص والله.

سيبنى حرام عليك أعصابى باظت من البتعمله فيا.

وهو كان ماسك ايديا الاتنين الرافعهم بايد واحد وبيمرر صوابعه على دراعى ووشى

وكانه لسه ما أشبعش غروره أعتذارى.

وأول ما قلت : أعصابى باظت منك.

رفع عينه لعنيا لحظات وميل عليا وضمنى ليه .

وأنا أستسلمت لعقابه ولفت ايديا حولين رقبتة بعد ما ساهم.

وخرجنا من عالم الاحلام على صوت طرقات على الباب

فأبتعد عني وبص للباب وحمد ربنا انه مقفول

وهمس في ودي وقال : ردى شوفي مين؟

أما أنا كانت لسه في العالم التاني مش سامعه منه الا دقات قلبي المرتفعه .

فخبط باطراف صوابعه على خدى وهو مبتسم وقال : ردى ما تفضحيناش

فقلت بصوت هائم : نعم ياللى على الباب.

فكانت خالتو (أم حسن) وكانت بتدور عليه عشان يتزل يصلى مع عمو (ابو حسن)

في المسجد.

فهمس وقال : قوليلها تدور عليا فوق

وأنا أبتسمت وبعدها ضحكت وكان صوتى هيعلا ولكن حسن وقف صوت ضحكتى لما حط

ايدى علي بقى عشان ما يخرجش صوت

وقال : بس هتفضحيناش يا مجنونه

فحاولت ان أتمالك نفسى وقلت : شوفيه فوق يا طنط

فقال : وأنتى قافله ليه بالمفتاح الباب؟

فبصت لحسن بزهور ورحت لسريري وقلت : معلى يا طنط أصلى هنام شويه عشان اصحى اذاكر

فقال أم حسن : طيب قومى صلى الأول وبعدها نامى

فتهدت وقلت : حاضر يا طنط

وبالفعل نمت على السرير وأتغطت.

وبعد بلحظات قال حسن : أنا هروح اتوضا وأنزل أصلى؛

ونكمل بالليل وغمزلى وخرج.

أما أنا فضلت عايشه فى اللحظة الفاتت من شويه وأنا سعيدة وبلمس شفائفى وأبتسم بس

قررت أن هقفل باب أوضتى بالمفتاح وأنام الليله جنب ماما وأقولها أن خايفه أنام لوحدى

وهسيب الأوضه لحسن يستمتع بها لما يفتحها ويكتشف أنها فاضيه

وتانى يوم حسن كلمنى على موضوع زواجنا وكان ده أثناء مذاكرتنا

وقال : هدى ايه رايك نتجوز فى الاجازه الجايه؟

الفصل الثالث عشر :

فرفعت عينيا وقلت : نعم ؟؟ بتقول ايه؟

فقام من على مكتبه وقعد فوق مكنتي ومسك أيديا وقال : شوفي يا هدى أنا بصراحة مش

قادر أتحمل موضوع أن تبقى قريبه مني ومراتي ومع بعض طول اليوم وفي آخر اليوم

تسيبيني وتنامي في أوضه تانيه أنا عايز ما تفارقينيش ولا لحظه.

وانتي شفتي مبعقتش بتحمل ازاي أول ما نهنر مع بعض أو اى حاجه.

وليكي عليا ان شاء الله

هاقف معاكي لغايه لما تخلصي الكليه بس بجد مش هينفع نستمر كده.

فقلت : طيب هنا الجماعه هيوافقوا.

فقال : أنا كلمت بابا امبارح وموافق مبدئيا ؛ بس مستنى موافقتك

فسكتت شويه.

فقال : شوفي لو محتاجه وقت تفكرى براحتك ؛ بس مش عايزك تشيلي هم حاجه.

أحنا هتراكر عادى ولما نخلص الامتحانات هنبتدى نجهز حاجتنا وكل ما اكون فاضى هترل

الف على المحلات وهاجبلك الكتالوجات وأنتى أختارى الأنتى عايزاه ماشى.

بس لو مش موافقه ده ححك وبراحتك وأنا مش هاغصبك بس .. وسكت وبص للأرض

فبصتله وقلت : بس ايه؟

فقال : أنا مش بضغط عليكى ؛ بس فعلا مش هينفع أستمركده ؛ ففكرت أخذ شقه مفروشه

فتره لغايه لما تحسى انك مستعده للخطوه دى بعدها أرجع.

فوقفت قدامه وقلت : عايز تبعد عنى يا حسن وتأخذ شقه وتعيش فيها بعيد عنى.

معقول ههون عليك تسيبنى وحدى من غيرك كده.

فقال : غصب عنى يا هدى بجد انا محتاجلك وخايف عليكى منى؛ وخايف فى لحظه ما

اتحكمش فى نفسى ؛ وأنتى شفتى بنفسك أمارح حالتنا أحنا الأثنين كانت ازاي.

أنا باحمد ربنا أن ماما جات وخبططت علينا عشان تفوقنا ؛ وأنتى كمان وأنتى فى حضنى

مش بحس منك باى مقاومه ليا وانا ببقا اضعف منك.

عشان كده أما نتلم ونتجوز أو أبعد عشان ما أغلطش فى ححك يا هدى.

فأبتسمت وبصت للارض وقلت : طيب شوف هتجيب الكتالوجات امتى؟

ففرح وعرف انى موافقه وحضنى ولف بيا فى الأوضه

وقال : بحك يا اجمل هدى فى الدنيا كلها.

ونزل وقال لعمو على موافقتى

وأتفقوا على انه هيبقى لنا جناح وهيحيب حسن التصاميم ونختارها أنا وهو.

وعمو هينفذه وبلغنا ماما وخالتو

وكان كل ما يكون حسن فاضى يلف على المحلات ويحيب الكتالوجات ليا عشان أختار

وأنا دائما أقول : مش عاجبني أو مش اللي في دماغى وكل شويه أغيرى رايي في الكنت

عايزاه ؛ فيحيب حسن كتالوجات تانيه وبرضوا أقول مش عاجبني .

لغايه لما مره جه حسن وقال : يا هدى أنا مش عايز أضايقك أو أزعلك بس أنتي مش

عاجبك حاجه خالص واحنا داخلين على الأمتحانات وبعدها الفرح وكده مش هنلحق أننا

نجهز حاجه وأنا مش فاهم أنتي عايزه ايه؟

وكل الكتالوجات مش عاجباكى ؛ قولي ليا أنتي عايزه ايه وانا اعمله من غير ما أناقشك بس

أختارى أى حاجه ترضيكي وأنا موافق .

فابتسمت وقلت : بس عشان صعبت عليا .

وقمت وفتحت درج الكوميديينوا الجنب سريري وطلعت كتالوج وفتحته وطلعت منه صور

لأشكال عجباي ومعلمه عليها بقلم وقلت له : أتفضل أنا دول عجبوني .

فمسك الكتالوج لحظات وشاف الصور وقال بهدؤ: هو مش انا جيت الكتالوج ده من فتره

وأنتي رفضتي وقلتي مش عاجبك حاجه منه .

فقلت بأبتسامه نصر : أه قلت كده بس عشان اخلص البتعمله فيا وأنا مش

عارفه أخلص تارى منك فقلت أعمل فيك المقلب ده.

أما حسن ركن الكتالوج جنبه على السرير وقلع الساعه من ايده ووقف وخرج الخفظه

والتلفون وركنهم برضوا على الكوميدينا جنبه.

وقال وهو بيرفع أكمام قميصه : عايزه تخلصى البعمله ؛ لا والله وكبرتى يا هدهوتى.

وأنا أول ما أناكد أحساسى انه ناوى عليا فأستغلت فرصه أن بيكلمنى ويبص على الكم

وهو بيرفعه ؛ فجريت على بره الأوضه ونزلت على تحت ؛ وهو جرى ورايا عشان يمस्कنى

ونزلت تحت لقيتهم بيرتبوا الأكل على السفره وعمو موجود ومامتى وخالتو فجريت ناحيه

عمو وقلت : الحقنى يا عمو حسن عايز يضربنى أنا فى حمايتك دلوقت.

فاتعدل عمو ناحيه حسن وقال : ايه ده يا حسن هيا حصلت انك تضربها وأنا عايش؟

فوقف حسن وهو بيصلى بصات غل وقهر وقال : أضربها ايه يا بابا دا أحنا بنضحك مع

بعض بس هيا أخذتها جد.

فقال عمو: خلاص أقعدوا عشان تتعشوا يلا.

فتقدم حسن ناحيتى بنظرت مكر وقال : تعالى جنبى يا هدهوتى عشان تتعشى.

وقبل ما يمस्क ايدى جريت على بره ؛ وحسن جرى ورايا.

وأنا جريرت ناحيه البسين وكان مش قدامى الا أن أرمى نفسى فى البسين أو يمسكرنى حسن.

فبصت لحسن برجاء وقلت : حسن خلاص عشان خاطرى مش هاعملها تانى.

سامحنى المرادى.

أما هو كان بيصلها بمكر وبيفرك اديه وقال : عايزه تخلص البعمله ياهدى؟

وكمان بتشتكيني لبابا طيب خليه ينفعلك دلوقت؟

وأنا بكلمه وبرجع لورا وهو ماشى ناحيتى ببطى شديد وأنا عماله أنرجاه وهو

قال : دلوقتي تجي تتعاقبى على ايه الأول تعبى وأنا بلف فى المحلات عشان أجيلك

الكتلوجات ؛ ولا خروجك من الاوضه وتفرجيهم علينا ؛

ولا انك اشتكيني لبابا وتتحامى فيه منى.

وأنا ببصله برجاء وقولت : أسفه على كل والله يا حسن بس خلاص با.

وهو مستمتع بمنظرى ولما قرب منى مسك ايدى وجرى بيا ناحيه البسين ونطينا سوا.

وكان فى منتهى السعاده وفضلنا نلعبا ونرش ميه على بعض وهو كل شويه يغرقنى لتحت

ويقول عشان تانى مره تتحامى فى حد غيرى.

وجات مامت حسن وقالت من بعيد شويه : يا حسن تعالى أتعشى أنت وهدى.

فقال حسن : لا ياماما هنعوم شويه الاول ولما نخلص هنيجي نتعشى لوحدنا.

فأبتسمت وقالت : ربنا يسعدكم يا حبيبي.

ومشيت.

وأحنا فضلنا نعوّموا ونفتكر أيام ما كانا صغيرين وتعليم حسن ليا العوم والمواقف الحلوه
بيننا وفضلنا لغايه لما اتاكدنا أن خالتو وعمو ومامتي طلّعوا يناموا عشان كنت مكسوفه أنهم

يشوفونا بمنظرنا كده وطلّعنا غيرنا وأنعشنا ونمنا.

وأتفقنا ان بعد الامتحانات هننزل نشترى الحاجات العايزينها للجهاز.

وهنجهز الفيلا للفرح وأستقبال الناس

وعدت الايام لغايه لما خلصت الاول أمتحاناتي

وابتدت كل يوم أنزل مع ماما وخالتو نشترى جهازى.

وهما غيروا أغلب الاثاث فى الفيلا

واشترى فرش جديد سجاد وستاير ومفارش كانوا بيحاولوا يغيروها بأكبر قدر ممكن عشان

نحس بالاختلاف فى حياتنا وما نطلبش نسكن بره لوحدنا.

وكنت أتفقت مع حسن على تصميم الجناح بتاعنا ؛

وفعلا أتفق ابو حسن ان العمال هيجوا بعد امتحان حسن مباشره.

وخلص حسن الامتحانات وكان واقف دايمًا مع العمال من أول اليوم لآخره

وكنا متفقين أن الجهاز هنجيبه من دمياط

هو أتفق معايا على الشكل وسافر دمياط واتفق مع ورشه للتصنيع

وسافر مرتين عشان الاتفاق وعشان يتابع الشغل

وقبل الفرح بعشر أيام أتصلت وصال صاحبتى وبرضوا قريبتنا من بعيد وفي نفس الوقت فى نفس سن

هدى

وعزمتنى على حفله عملاها ليها ولاصحابها البنات بس وأصرت عليا أحضر

وأنا فضلت أكلم حسن وأقنعه وهو رافض وبعد الحاح شديد وافق

هو كان معترض لانه مش بيحب اخو وصال لانه فاشل فى الدراسه غير السهر والبنات وما

خفى كان أعظم .

فمش عايزها أروح وأحتك بيه بس أكدت ليه أن

وصال قالت : أن الحفله للبنات بس واخوها بيرجع قرب الفجر وباباها ومامتها مسافرين

واتفقنا انه هيو دينى وهيجيبنى ومش هتأخر وفرحت ونزلت أشتريت فستان للحفله .

وأخذنى حسن ونزلنا وصلنى لبيت وصال

وطلب منها تدخلت وتناكد الاول ان اخوها مش موجود وتتصل بيه تطمنه

وفعلا كلمته وقلت : انه خرج من بدرى وهيسهر مع أصحابه

واتفق معايا انه هيرجع للعمال فى البيت ولما يخلص هيجى يأخذنى

وفعلا كانت حفله جميله والبنات اتبسطوا فيها ورقصوا وفرحوا.

وهدى عزمتهم على فرحها

ورجع حسن عشان ياخذنى ؛ بس اتفاجى انى خرجت ليه ووصال.

واترجته وصال أن أبات معاها لأنها لوحدها وباباها ومامتها مش هيرجعوا الا الصبح عشان

يسيبوها هيا وأصحابهم يسهروا براحتهم.

هو طبعا رفض بس مع اصرار وصال وشاف أنى موافقه مرضيش يزعلنى بس كان مدايق

جدا من جواه وروح

وحاول من تعب اليوم كله ينام بس مش قادر وأنا مش فى البيت

وقرر انه يقوم يلبس ويروح يستنى عند بيت وصال تحت

لغايه الصبح وبعدها يتصل بيا أنزل ونرجع سوا.

وفعلا وصل عند بيت وصال الساعه اتنين ونص

وشغل اذاعه القران الكريم بصوت واطى فى العربيه وسند دماغه لورا على الكرسي ونام

من غير ما يحس من التعب.

وصحى على صوت عربيه عدت من جنبه ودخلت الفيلا.

وعرف انه باسم أخو وصال

وبقا مضدايق جدا ؛ ومش عارف يعمل ايه؟

يعنى يروح يخبط على الناس الساعه ٤ الفجر ويقول عايز هدى ولا يستنى شويه وكان

هيتجنن بس صبر نفسه وقال اكيد هيا نايمه مع وصال وهو أكيد راجع وهينام على طول

وبعد شويه شاف على اعضاء الجنيهه ظل حد بيجرى

بس قال ممكن بيتهيلى وبعدها قرر أنه يتزل يتأكد ودخل من البوابه ما لقيش البواب

فمشى ناحيه الجنيهه الشاف فيها الفيلا شافى بضرب فى باسم وهو بيحاول يكتفنى

وقال : أنتى هتعملى عليا محترمه ما انتى طول عمرك....لحسن وجايين دلوقت تتجوزوا

يعنى أنتى عايزانى أفوت الحته الحلوه دى لحسن هو كل حاجه حلوه لحسن.

ولقى حد بيشده ويبعده عنى ؛ واداله بكس فى وشه.

وقال : ايوه بالظبط الحاجه الحلوه لحسن بس..

فرجع باسم خطوات لورا ولما شاف حسن قال : انت شرفت يا برنس ايه ما قدرتش على بعدها ولا

ايه؟

وبص ليا وقال : بس معاك حق الحته تستاهل

فمسكه حسن وضربه

وطبعا مآدش فى ائده غلوه لان آسن طئعئ بئمارس رئااضه وبئلعب آوءوا ومستم رلئها

من صغره عشان يقدر آمئ هءئ فى أى موقف

أما باسم كان بئلعب بالبئات وبس واتعءل آسن عئلا وكان عائز بضربئ لانه ما سمعتش

كلامه من الاول ؛ بس لقائئ واقفه وائءئا عئلئ بقئ وءموعها مغرقة وشهئ

ومسنوءه عئلئ الآطه ومش مصءقه البئآصل.

وكانت لابسه بآامعه بنص كم وبشعراء.

فقلع قمئصه ولبسوا لئا وقفل اول ذرائن وقلع التئشرت بتاعه ولفه عئلئ ءماغئ زئ طقئه

ومسك ائءئا وأآءئئ وركبئ عربئته وروآنا بءون ما ئنطق بولا كلمه.

الفصل الرابع عشر :

ودخلنا البيت في هدوء عشان محدش يحس بينا

وأول ما طلعتنا فوق هو دخل أوضته وقفل الباب.

وأنا كملت ودخلت أوضتي ومسكت صورته حسن العلى الكوميدينا وحضنتها وفضلت أبكى

وانهارت على الارض وحمدت ربنا انه بعث حسن في الوقت المناسب.

اما حسن كان عماله يخبط في كل حته في الأوضه وعلى الحيطان ومدايق عشان أول مره

يقبل ان أبات بره البيت ؛ ومدايق منى أن أصريت أبات مع انى عارفه انه هيبقا مدايق بس برضوا
أصريت.

وكان نفسه يمسكنى يضربنى كل ما يفكر كان ممكن يحصل ايه لو هو ما مش هناك

وحس انه فيه نار بتغلى في جسمه وهينفجر.

فخرج وجه أوضتي وفتح الباب من غير ما يخبط فلقانى على الأرض حاضنه صورته وبعيط.

فصعبت عليه فقعد جمبى على الارض وضهره على السرير من غير ما يتكلم بس ببص

عليا.

فاتعدلت ليه وقلت : هو ينفع يا حسن تاخدنى في حضنك.

عائزه اطمئن ؛ عائزه أحس بالامان.

فشدني لحضنه ؛ وأنا انهرت من جديد.

واتمسكت بيه اكثر وهو ضمنى ليه وحسيت أنه عائز يدخلني جوه ضلوعه مش فى حضنه

بس ؛ وأنا لفيت اديا حواليه.

فقلت بصوت متقطع : حسن...انا...انا...انا بجزك قوى يا حسن..... والله غضب عنى الحصل

أحنا كنا سهرانين فوق أنا ووصال ؛ ونزلت أشرب ميه ومهنش عليا أصحى حد من

الشغالين؛ وقلت أكيد تعبوا من التوضيب والتنفيض والحفله وتجهيزها ومصدقوا أستريحوا

فترلت اشرب تحت وأنا بشرب لقيت باسم بيحط ايده علي كتفى؛

ويقول : ايه ده احنا جابولنا مزه فى بيتنا

فاتعدلت وأول ما شافنى قال : هدى أنتى عندنا امال فىن حسن؟

أنا سبتة وكنت هاطلع عشان مش لابسه حجاب وكنت بالبجامه ؛ ورديت وأنا خارجه

وقلت:حسن فى البيت.

واول ما خرجت من المطبخ لقيته مسك ايدي.

وقال : يعنى حسن اداكى افراج .. انا مش مصدق أحنا لازم نحتفل.

وجه يقرب منى فضربته بالقلم على وشه.

وهو كان واقف قدام السلم فمكنش ينفع ارجع عند وصال ولقيت باب الفيلا مفتوح فخرجت

جری بس هو كان بيجرى ورايا وانت شفت الحصل.

وبعدت عن حضن حسن وقلت : والله ما كنت فاكره انه هيرجع فى الوقت ده

الله يخليك يا حسن ما تزعلش منى وبلاش نظرت اللوم والعتاب الفى عنيك دى.

أنا عارفه انى غلطانه ان رضيت أبات وانى اصريت عليك وانك وافقت عشان ما ازعلش

صدقنى مش هاكررها تانى.

فقال: ومين ان شاء الله هيسمحللك تباتى بره البيت تانى أعملى حسابك مفيش حفلات

ولا مناسبات الا رجلى على رجلك ؛ يعنى ما أسمعش دى بتاعت بنات بس ولا غيره.

نروح ونرجع مع بعض ولا مفيش حفلات خالص.

فقلت : لو عايز ما اروحش أى مكان أو عند أى حد تانى أنا موافقه بس أهم حاجه عندى

رضاك.

وكملت : عارف يا حسن انا بجد مش عارفه أشكرك على ايه ولا ايه.

أنت فعلا طول عمرك سدى وأمانى وحمائى ربنا يخليك ليا يارب.

فقال : اه اضحكى عليا بالكلمتين دول ؛ دا كنت جايلك باغلى ونفسى كنت اكسر دماغك

المش بتسمع الكلام.

فقربت منه وباسته على خده وقلت : والله بجزبك قوى يا حسن

فأبتسم وقال : اه يعنى بتضحكى عليا ببوسه كمان مش كلمتين حلوين ويس

فبسته على خده التانى وقلت : كده كويس ممكن تعفوا عنى.

فقال : لا برضوا.

فقلت : حرام عليك يا حسن ؛ والله ما أقدرش أنام وانت زعلان منى ؛ دا أنت دىنى الحلوه يا حسن

فقام وقف وقال : والله يا هدى لما بافتكر الممكن يحصلك لو مكنتش موجود باجنب وبمس

عقلى هينفجر من التفكير والغىظ

وفى وسط انفعاله وهو بيتكلم ومدايق وقفت وقربت منه وبوسته فى شفایفه..

فنسى الحفله والناس وكل الحصل وخط ايده على كتفى وبعدين عنه بهدوء

وبصلى لحظات ورجع ضمى لحضنه.

وقال : حرام عليكى دا أحنا لسه فاضل عشر أيام على فرحنا.

بتعملى فىا كده ليه؟

دا أنا مش مستحمل أعمل فىكى ايه دلوقت؟

فقلت : تضمنى لىك وتقول سامحتك يا هدى يا حبيبى.

وتيجى تغطىنى وتنيمنى وتقرأ قران لغايه لما أنام.

فقال : بجزبك يا هدى وأنا خلاص مش زعلان منك ؛ أنا كنت زعلان من نفسى عشان أحافظ

عليكى وأنتى صغيره وبعد ما تكبرى وتبقى مراتى واحد زى باسم يتجرا عليكى.

بجد يا هدى كنت زعلان من نفسى أكثر بكثير من زعلى منك ولو لقدر الله لو حصلك حاجه

لا يمكن كنت هاقدر أسامح نفسى طول عمرى.

ونيمنى فى حضنه وغطانى وهو بيمسح على شعرى وقرأ عليها الاذكار لغايه لما نمت.

وهو قام بالراحه وخرج وقفل الباب وراه ودخل أوضه ونام بعد ما اطمئن أن صغيرته

وحبيته فى بيته وتحت عينه وفى أمان.

وعدت الايام وخلصنا توضيب الجناح بتاعنا وفاضل الفرش .ورابع يوم أخذ الحسن اليوم

كله بيلف على قرابيه وأصحابه يعزمهم على الفرح ويوزع عليهم الدعوات

وبعد رجوعه عدى عليا فى أوضتى وأول ما دخل قال : عارفه انك وحشتينى النهارده قوى..

فضحكت وقلت : أه عشان كده اليوم كله بره وما سالتش عليا خالص.

فقال : معلىش والله أنتى لو تعرفى أنا روحت لكام واحد النهارده ومشيت كام كيلو بالعربيه

هتعزيزينى

فقلت : طيب خلصت ولا لسه فى ناس ما عزمتهاش؟

فقال : ناس قليله وأن شاء الله بعد بكره اعزمهم ؛ عشان عايز بكره أسافر أجيب الفرش

عشان نفرش الجناح ونخلص.

فقلت : مبلاش تسافر اديهم العنوان وهما يجيبوه.

فقال : لا عشان عايز أطمئن عليها وهيا هناك عشان لو في تعديل أو تظييط يبقا يتعمل هناك

بالمرة مش عايز اى حاجه تاخر جوازنا

فابتسمت وقلت : ربنا يعينك ان شاء الله

وكملت : ايه رايبك أجي معاك؟

فأبتسم وقال : ياريت ياهدهد ؛ بس هبقى طول اليوم واقف في وسط عمال مش هستحمل أى

حد يبصلك كده او كده وأنتي عارفه

وسكت لحظه كانه أفكر وبعدها قال : عارفه شفت مين النهارده؟

فقلت : مين ؟

فقال : باسم ابن انكل رشدى أخو وصال.

فوقفت وقلت : أوعى تكون اتخانقت تانى معاه؟

فقال : تصدقى لا.

مش عارف الواد اتقلب في يوم وليله. أنا رحت عشان أعزم باباه بس لقيت باسم مش باباه

الموجود . وأول ما شافنى جرى عليا وأخذنى بالحضن وقال : حسن يا صاحبي سامحنى أنا

زعلان من نفسى على الحصل ؛ بس صدقنى ما كنتش فى وعيى .

وفضل يعتذرلى وحلف عليا ما أخرج من عندهم الا لو قلت انى مش زعلان منه خلاص

وكان عايز يجى البيت يجهز معانا ويقف مع العمال .

بس عرفته أنهم خلصوا أمبارح وهسافر بكره أن شاء الله أجيب الاوض من دمياط .

وكان عايز يسافر معايا بس أنا رفضت وقال هيتابع معايا بالتلفون ولو احتجت أى حاجه فى

اى وقت هيجيلى .

فقعدت جنبه وقلت : سبحان الله معقول فى يوم وليله اتغير؟

عارف أنا كنت بحس من صغرى انه غيران منك ويحب يدايقك بيا .

وعشان كده مكنتش بحب أروح عندهم ؛ وحتى لما كبرنا كذا مره يحاول يشككنى فىك

ويقربنى منه . بس معقول اتغير دا أنا قلت أكيد بيدبرلك مقلب من بتوعه عشان يرد العلقه

الديتهاله وأحنا عندهم .

وبعداه سكتت شويه وقلت : حسن أصبر عليه شويه ما تدهوش الأمان على طول أنا مش

مصدقه انه سامحك على الضرب الأخده منك ؛ وخايفه يكون بيدبرك حاجه بجد مش

مطمئنه ومش باسم الرد فعله بيقا كده .

فابتسم وقال : خايفه عليا يا هدهوتى؟

فابتسمت وقلت : طبعاً يا حسن أنت عندك شك.

فنام على السرير جنبي وأنا قاعده وقال : ايه رايك نكنسل الفرحة والناس ونشد السرير

الثاني جنب ده ونبدأ شهر العسل على طول.

فضحكت وقلت : بعينك دا أنا مستنيه الفرحة بفارغ الصبر.

فاستغرب وقال : ليه بقا؟

فابتسمت وبصيت لقدام وقلت:عشان البس الفستان وأفرح بنفسى كده وأبص قدام المرايا

وأقول ايه ده أنا العروسه الحلوه دى.

فضحك وقام باس دماغى وقال : ربنا يفرحك يا هدى يا حبيبتي وأن شاء الله هتبقى أحلى

عروسه فى الدنيا.

يلا بقا هسيبك وادخل استريح لاني خلاص مش قادر ؛ تصبى على خير يا هدهوتى.

فأبتسمت وقلت : وانت من اهل الخير يا حسن.

ودخل نام وأنا كمان نمت .

بس أنا ليا كام ليله بحلم بكوايبس مزعجه واليلادى كمان كنت حاسه أنتى بتخنى

منها. وصحيت الصبح مفزوعه منها وجريت على أوضه حسن بس مالقتهوش.

نزلت تحت أدور عليه مالقتهوش.

روح لڤالتو وقلت : صباح الخير يا خالتو شفقتي حسن؟

فقلت : صباح الخير يا عروستنا حسن سافر بعد صلاة الفجر عشان يوصل بدرى ويرجع

بدرى أن شاء الله.

فطلعت فوق أتصلت بيه وأول ما رد قلت : كده يا حسن تسافر من غير ما تصحيفنى أسلم عليك؟

الفصل الخامس عشر :

فضحك وقال : ايه يا هدى ما فيش السلام عليكم ولا حتى صباح الخير؟

فقلت : كنت هتجنن عليك يا حسن وعائزه أظمن أنت عامل ايه انت كويس؟

فضحك وقال : ماتخافيش أنا الحمد لله تمام ووصلت بس فى شويه حاجات بسيطه هيظبطوها

ونرجع ان شاء الله.

فقلت : طيب هترجع أمتى يا حسن؟

فقال : مش قبل بالليل عشان هنظبط الحاجات ونحمل على العربيه والسفر ما أعتقدش هنقدر

نوصل قبل بالليل.

فلقيت عنيا بتدمع وقلت : خلى بالك من نفسك يا حسن عشان خاطرى ما تسوقش بسرعه

وحياتى عندك.

فضحك وقال : ان شاء الله بس كفايه رعى عشان أشوف العمال وربنا يسهل وما نتاخرش.

فقلت : فى حفظ الله يا حسن ؛ مع السلامه.

وهو قال : فى حفظ الله يا حبيبتى ؛ مع السلامه.

وقفل.

وأنا فضلت أعيط مش عارفه مالى الكابوس مش راضى يفارقنى وهتجنن من الخوف على
حسن بالرغم من انى كلمته وأطمنت عليه الا أنى مخنوقه قوى وفضلت أستغفر وادعى
ربنا. وقضيت اليوم كله فى أوضتى وما خرجتتش الا للاكل ومش طايقه أعمل حاجه وحتى
مانزلت مع ماما وخالتو النهارده وهما بيشتروا جهازى.

وبعد المغرب وأنا مستنيه حسن نمت من غير ما أحس.

وحلمت بالكابوس تانى وأن حسن وقع فى حفرة ومش عارف يطلع ويمدلى ايده وأنا مش
قادره أطوله عشان امسكها وعماله أبكى عليه.

وصحيت مفزوعه وجريت على التلفون أتصل بيه مغلق.

ففتحت الدولاب ولبست ونزلت جرى لتحت وعمو شافنى.

ونده عليا قبل ما أخرج من باب الفيلا.

وأنا كنت منهاره من العياط وقال : فيه ايه ياهدى بتعيطى كده ليه ولا بسه وخارجه فىن دا

الدنيا ليل يا بنتى؟

فقلت : هاروح لحسن مش هستنى تانى.

فتهد وقال : هتروحي فىن دلوقت دا زمانه قرب يوصل بجهازك يا عروسه أمسحى دموعك

كده وأهدى يا بنتى.

فقلت : عمو حسن تعبان ومحتاجلى ؛ أنا شفته فى الحلم وبيمدلى ايده ومش قادره أخرجه

.الله يخليك سيبنى أروح ادور عليه.

فقال : يا بنتى هتروحي فىن استنى بس هاتصل بيه؟

واتصل اداه مغلق وقلت : وأنا كمان أتصلت من شويه مغلق.

فقال : يا هدى ممكن يكون خلص شحن وأنا كلمنى من ساعتين

وقال : انهم خلاص حملوا العفش على العربيه وجايين .

فقلت : ياعمو والله حسن تعبان صدقنى حسن كان بيندهنى فى الحلم.

الله يخليك سيبنى أروحله.

وهو ماسك ايدى رن جرس التلفون بتاع حسن.

فابتسم عمو وقال : أهو حسن اتصل اهدى بقا...

ورد عليه.

وقال : ايوه يا حسن ازيك بينى تعالى شوف هدى هتتجنن عليك أنت وصلت لفين يا ابنى؟

فسكت شويه وبعدها اترمى على الكرسي وقال : مستشفى ايه؟

وسكت شويه وقال : خلاص حاضر مسافت السكه واكون عندك.

وقفل ؛ وعنيه اتملت دموع وبصلى

وقال: حسن فى المستشفى ياهدى.

فقلت : ايه احصل ياعمى بالله عليك قولى؟

بس عمى خرج جرى على عربيته وأنا جريرت وراه وركبت معاه؟

وسالته تانى : ايه الحصل ياعمى احكىلى حسن جراه ايه؟

فقال : مش عارف جراه ايه ؛ واحد بيكلمنى وبيقول طلوعوا ناس عليه وضربوه وسابوه

مرمى فى عربيته.

واللى كلمنى السواق بتاع عربيه الجهاز قال أن حسن كان سايق قدامهم ولان سرعه عربيته

أكبر من سرعه العربيه النقل بتبقا اقل كان هو سابقهم وكانوا متفقين هيتقابلوا على أول

القاهره

.وهما ماشيين لقيوه راكن بالعربيه ونايم على الدرکسيون والراجل شك فى الركنه وشك أنه

تعبان وقف عربيته ونزل يشوفه لقيه مضروب وبيترف والضربوه حطوه فى العربيه

ومشيوا وهو أتصل بالاسعاف وأخدوه وأتصل من تليفونه على رقمى عشان يبلغنى.

ولما وصلنا المستشفى وسالنا عليه وعرفنا انه فى أوضه العمليات.

وفضلت أنا وعمو قدام الاوضه بدون كلام مده طويله ما فيش غير دموعنا بتترل

وبندعى ربنا ليه.

كنت خايفه قوى وبفتكر كل الحسن عمله معايا من صغرى هو سندی وحمایتى هو أخويا

وصاحبى وحبیبى ودينى البستقوا بيها قدام أى مشكله أو حد يزعلنى.

هو جنونى وحبى وأمانى ودفا حضنه البيحتويينى وكل حاجه حلوه ليها طعم هيا حسن.

وبعد وقت ما عرفش قد ايه خرج الدكتور وقال : انه الحمد لله بقا كويس ووقفوا التريف.

وان الحادثه مقصوده لان الضربه كان مصر انه يكسر ايده ورجله.

وأحنا عملنا العلينا وادعوله.

ونزلوا حسن اوضه خاصه وفضل كام يوم تحت تاثير المهدئات والمنوم عشان الكسور.

وأنا ما سبتش المستشفى خالص.

وكان ماما وخالتو بيقضوا اليوم كله معايا ويروحوا بالليل ويجوا تانى يوم.

وعمو كان صعبان عليا جدا حالته من التعب والزعل على حسن وأنه مضطر يروح الشركه

وكل شويه يتصل بيا يسال عليه ويجى يقعد معاه الصبح قبل الشركه وبعد الشركه يكمل

اليوم معانا لغايه لما يروح بالليل مع ماما وخالتو.

والنهارده أول يوم يفوق فيه ولما فاق كنت لوحدى.

وأول ما فتح عينيه وشافنى عنيا دمعت وقلت : حمد لله على سلامتك يا حسن.

وحشتنى قوى حاسس بايه؟

فابتسم بصعوبه وقال : كويس هو ايه الحصل؟

وبص حواليه وقال : أنا فين؟

فقلت : فى المستشفى مش فاكرك الحصلك؟

فسكت شويه وبعدها قال : هو فين الدكتور المسئول عن حالتى؟

فقلتلته : ثوانى هاروح ابلغه أنك صحيت؟

وجه الدكتور وأول ما دخلت الأوضه معاه حسن قال : أطلعنى أنتى بره؟

فسمعت كلامه وطلعت وبعد شويه خرج الدكتور وأنا جريت عليه وقلت : دكتور أنا حاسه انه

فى حاجه لو سمحت قولى هو فيه ايه؟ حسن فى حاجه ما نعرفهاش؟

فقال : أطمنى هو أن شاء الله هيبقا كويس بس محتاج فتره علاج طويله شويه

وهيكون فيها عمليات وعلاج طبيعى ؛ بس المشكله الواضحه حاليا أنه نفسيا مش متقبل ده .

حاولوا أنكم تحسسوه أنكم معاه وجنبه ولازم هو نفسه تكون عنده الرغبه والاراده للمشوار

الطويل المنتظره عشان يقدر يرجع زى الاول أو يتحسن على الاقل .

وربنا معاكم ؛ عن اذنك .

فهزيت راي ليه ؛ ومشى وفضلت أفكر في كلامه شويه وبعدها دخلت لحسن.

وقربت منه وحاولت ابتسم وقلت : حسن أنا سالت الدكتور عنك وهو طمنى وأن شاء الله

كله هيبقا كويس وأحنا معاك أن شاء الله.

فأبتسم بسخريه وماردش وبعدها بثواني بصلى فجه وقال : وأنتى ايه البيخلىكى تقفى معاه

وتتكلمى وقالك ايه وقتيله ايه؟

فاستغربت النبره البيكلمنى بيها وقلت : فى ايه يا حسن أنا بس سالتك عن حالتك

وهو شرحالى وأستاذن ومشى مفيش أكثر من كده.

فبصلى شويه وقال : هو بابا فين؟

فقلت أكيد على وصول أن شاء الله هما بيحوا الصبح قبل ما عمو ما يروح الشغل.

وفعلا بعد دقائق جه عمو وطنط وماما وفرحوا انه خلاص خففوا المنومات والموهدانات ليه

وفاق وقضينا اليوم معاه بس كان دايمًا سرحان ومش بيركز معانا.

وبالليل قال لعمى : بابا خد هدى معاك وكان غلط من الاول انك تسمحلها تبات هنا.

فقال عمى : يا حسن هيا الكانت مصره تفضل معاك وقالت أنا مش ممكن أروح من غير

حسن.

فقال حسن : وهيا كل التقوله لازم يتنفذ يعنى؟

وبصلى وقال : ولا انتى عجبك موضوع بياتك بره البيت وأتعودتى عليه خلاص؟
ففهمت انه ييفكرنى باليوم الكنت فيه عند وصال وانه انتهى بالكان عايز يعمله باسم فيا لولا
وجود حسن فى نفس اللحظه.

فقربت منه وقلت : يا حسن أنا مش هاسيبك ولا هروح الا لما تقوم بالسلامه
ونروح سوا أنت ممكن تحتاجنى فى أى وقت.

بس هو زعقلى وقال : أنتى فاكره أن خلاص بقيت عاجز وماليش كلمه عليكى ؛
عارفه لو ما مشتيش انا هامسح بيكى بلاط المستشفى هنا ومش عايز أشوف وشك تانى
لغايه لما اخرج ولو جدعه يا هدى أعملى غير اللى بقوله وربنا وحده عارف أنا ممكن أعمل
فيكى ايه ؛ والله يا هدى لو.....

وقطع كلامه لما قال عمو : خلاص يا حسن أهدى عشان الزعل وحش عشانك
وهدى هتروح وأنا هافضل معاك.

فقال حسن بنفس نبره الصوت : أنا مش صغير عشان حد يفضل معايا ولو أحتجت حاجه
هرن الجرس والممرضين يجوا فى أى وقت ولو سمحت خدهم وروحو.
وكلهم سلموا عليه وخرجوا ؛ وأنا كنت ماسكه دموعى بالعافيه وقربت
وقلت : مش عايز منى حاجه يا حسن؟

فبص الناحیه التانیه وقال : مع السلامه ویاریت القلته یتنفذ؟

وأنا ما قدرتش ارد لانی حسیت أنى مخنوقه قوی ودموعى نزلت وخرجت وراهم وطول

الطریق ابكى وصعبان علیا الاسلوب الجدید البیعاملنى بیه حسن؟

الفصل السادس عشر :

وفضلت طول الليل مش قادره أنام ولا قادره أوقف دموعى زعل منه وعليه.
ولما جه الصبح لبست ونزلت عشان أروح معاهم بس عمى لف ايده على كتفى
وقال : هدى يا حبيبتي أنا عارف أنتى متعلقه بحسن ازاي وبتحبيه ؛
بس هو الفتره دى بيمر بازمه نفسيه مش جسديه بس بسبب الحاث والحاله الهو فيها؛
وطالما قال بلاش تروحي المستشفى يبقى بلاش.
وأنا هتصل أطمئنك عليه وهحاول أكلمه ولو أفتنع تروحي معانا من بكره.
فبصتله برجاء ودموعى نزلت ومش لاقيه كلام يوصف أحساسى وأنا حاسه أن أكثر واحد
بجبه فى الدنيا رافض ان ابقا جنبه فى محنته وانى منبوزه منه ؛
وأن مسموح لكل يطمئن عليه الا أنا والكل يقدر يشوفه الا أنا.
وعمو طبطب على كتفى وقال : ادعيه يا هدى بالشفا وان ربنا يعدى المرحلة دى على خير.
وبعد ما مشيوا فضلت أعيط شويه وأنا مخنوقه جدا وبعدها مسكت التليفون وأتصلت على
رقمه فى المستشفى وردعليا.

وقال : السلام عليكم ورحمه الله وبركاته. مين معايا؟

فقلت : وعليكم السلام ورحمه الله وبركاته.

أنا هدى يا حسن أخبارك ايه النهارده عامل ايه؟

فسكت شويه وبعدها قال : أنا كويس ؛ عايزه حاجه؟

فقلت : عايزه أطمئن عليك ؛ أصل عمو ما رضيش يخليني أجيلك معاهم

عشان كلامك بتاع أمبارح.

فقال بعصبيه : وهو يرضا أو ما يرضاش ليه؟

أنا قلتك كلمه تسمعها ولا برضوا عايزه تنفذى الفى دماغك وتعملى اليعجبك ؛

أنا فى الاول قدرت أهميكي بس دلوقت عاجز أفهمى خلاص بقيت عاجز لو حد دايقك أو

عملك حاجه مش هقدر أهميكي ولا هقدر

عارفه يا هدى دى آخر مره أقول حاجه وما تتنفذش من غير مناقشه

والله لو كررتها لهورىكى أيام ما يعلم بيها الا ربنا وما تفكرىش ان عاجز خلاص تعملى

الانتي عايزاه ؛ وحسك عينك اعرف انك خرجتى بره البيت هاطين عيشتك سامعه ولا لا؟

فقلت : سامعه يا حسن بس أهدى الله يخليك؛

أنا كل العايزاه أن اطمئن عليك ومش هاخرج صدقنى الا لو استاذنت منك قبلها.

فقال : لما اشوف يلا سلام.

فقلت : مع السلامه وقفلنا.

وفضلت أعيط لفته طويله لغايه لما نمت.

وفضلنا كام يوم كده لغايه ما أصر حسن انه يروح البيت

ورفض يكمل علاج هناك ورفض موضوع العمليات وحتى العلاج الطبيعي ؛

وأحنا اتفاجئنا بده وحاول عمو يقنعه هو وطنط وماما بس رفض.

واصر على المرواح والدكتور طلب منه انه يفضل لبكره.

ولما رجعوا بالليل وقالولى ففرحت جدا انه خلاص هشوفه

وصحيت الصبح بدرى ولاول مره ادخل المطبخ أطبخ؛

وقلت للشغاله على أسماء الاكلات الهو بيحبها وهيا كانت بتشرف عليا ؛

يعنى أقطع ازاي واحط ازاي واضيف ايه قبل ايه وكده لغايه لما خلصت.

وعمو أخذ ماما وطنط كالعاده وراحوا المستشفى عشان يجيبوا حسن.

وأنا طلعت أوضته رتبتها وعطرتها وطلعت غيار ليه على السرير وروحت أخذت شور

ولبست بيجامه شيك وفردت شعري وعملت ميكب بسيط

والشغاله جات قالت ليا أنهم وصلوا وأنا كنت بأخذ الشور.

ولما خرجت بابا أوضته كان مقفول فقلت اكيد خرجوا من عنده عشان يصلوا.
ونزلت غرفة الأكل على ورضيته على صنيه بشكل جميل وطلعت وخبطت عليه.
ودخلت بابتسامه عريضه وقلت : حمد لله على السلامه يا حسن نورت بيتك.
هو كان واضح عليه انه يفكر في حاجه مدايقه ولما شافنى رفع حواجبه
وقال : الله يسلمك ؛ ايه ده هو أنتى اخيرا أفكرتى انه ليكى جوز تسالى عليه؟
فقلت : يا حسن مش أنت الكنت مانعنى من ان أروحلك المستشفى أو أبات معاك ؛
وأنا دلوقت بس عرفت انك وصلت ما فيش غير غرفة الأكل وجيت على طول.
فقال : ومن أمتى حضرتك بتدخلى المطبخ عشان تغرفيلى الاكل؟
فأبتسمت بخجل وقلت : والأكل كله عمايل أديا ؛
بس ما أنكرش أن الشغاله كانت بتقول أعمل ايه وازاى وعملته ؛ ويارب يعجبك؟
فقال : بس أنا مش عايز أكل اتفضلى خدى الأكل وأخرجى وأقفلى الباب وراكى.
فرفعت عنيا ليه وقلت : ليه يا حسن أتغيرت عليا كده أنا ايه العملته زعلك منى
من وقت ما فوقت فى المستشفى ولغايه دلوقت؟
بقيت بتعاملنى باسلوب ما أتعودتوش لا اسمعه ولا أشوف منك يا حسن؟
فقال : ليه هو أسلوبى خلاص مش عاجب دلوقت؟

فقلت : يا حسن والله دا أنا كنت هاموت عليك ونفسي أشوفك وأطمئن عليك وأبقا جنبك وأنت

زعلان منى مش عارفه ليه حتى لما بكلمك فى التليفون بتكلمنى باسلوب وحش جدا

وبجس انك مستنى بفارغ الصبر تقفل معايا؟

ليه يا حسن بتعمل كده فيا؟

فابتسم بسخريه وقال : وواضح عليكى الزعلك.

وهو بيشاور على الميكب وشعرى ولبسى.

فقلت : يا حسن الفتره الفاتت عدت عليا صعبه جدا فى غيابك ؛

كنت واحشنى قوى ونفسي أطمئن عليك.

وما صدقت عرفت انك النهارده هتخرج ومن الصبح وأنا فى امطبخ وأول ما خلصت؛

طلعت أو ضبلك أو ضبتك وبعدها أخذت شور ولبست وعملت الحاجات دى.

كان نفسي أكون حلوه فى عنيك وخاصه أننا لينا فتره مش بنشوف بعض

ووشى كان واضح عليه الزعل وقلت النوم

ومش حابه انك بعد كل الايام الفاتت ترجع تشوفنى دبلانه

كان نفسي تشوفنى هدى حبيبتك وعروستك بصوره حلوه.

فبصلى شويه وقال : أنتى عارفه ان مش ناوى أعمل فرح لينا؟

فقلت : ليه يا حسن كده؟

فقال بعصبيه : يعنى أنتى مش شايفه أنا حالتى ازاي دلوقت؟

يعنى عايزانى أكون فى الكوشه وحد بيزقنى ؛ ولا تبقى أنتى العروسه البتزق عريسها

العاجز بدل ما هو اليشيلها وياخد باله منها هيا التاخذ بالها منه؟

فقلت : بس يا حسن أنت لو عملت العمليات الدكتور قال عليها

هتبقا أحسن ونقدر نعمل فرحنا من غير ما يحصل كل الانت بتقوله.

فبص فى عنيا وقال : ولو قلتك أن مش هاعمل العمليات وهأفضل كده على

طول هتعملى ايه؟

الفصل السابع عشر :

فقلت : ليه يا حسن أنت لو عملتها ان شاء الله هتبقا...

وقطع كلامي واتكلم بعصبيه زياده وصوته ابتدا يعلى

وقال : أنا باسال هتعملى ايه؟

فخفت وقلت : هاعمل ايه يا حسن مش عارفه؟

فقال : يعنى عندك استعداد تكملى مع واحد عاجز زي؟

فردت بسرعه وقلت : ماتقولش عاجز دى تانى يا حسن؟

فشدنى من دراعى وقال : أنا اقول الأنا عايزه وأنا عاجز وهفضل كده هتكملى معايا كده

ولا عايزه ارمى عليكى اليمين واديكى حريرتك؟

فقلت : لا يا حسن أوعى تعمل حاجه زى دى

أنا مراتك وهفضل مراتك حتى لو اصريرت انك ما تعملش العمليه.

فبصلى لحظات وشدنى لحضنه وأنا غمضت عنيا وكان نفسى قوى أعيط

وأنا جواه وأحكيه واشكيه من البيعمله فيا.

بس قطع تفكيرى لما حسيت انه قطع بلوزتى من قدام.

وأنا تلقائي لفيت اديا حوالينا نفسى وبعدت عنه وقلت : انت بتعمل ايه يا حسن؟

فقال : ايه مش من حقى انتى مش لسه قايله انك مراتى

وهتفضلى طول عمرك مراتى يبقا ايه الغلط فى العملته؟

فقلت وعنيا مليونه دموع : بس احنا لسه مكتوب كتابنا ولسه الفرح.

فرد وقال : لولا الحصلى ده كان زمانا عملنا الفرح وخلصنا شهر العسل ورجعنا كمان.

وبما انى قلت أن مش هاعمل فرح يبقا ايه المانع

ولا فكرتى وندمتى انك هتكلمى باقى عمرك مع واحد عاجز

محتاج تخدميه فى كل وقت ومش هتقدرى تتمنظرى بيه قدام صحباتك؟

وعدل وشه ناحيت الشباك وقال : أنا على العموم حبيت اقصر عليكى المسافه

عشان ما اضيعلكيش وقتك وعمرك وأقولك من الاخر أن أول مره هأنزل فيها من البيت مش

هارجع الا وورقتك معايا.

وأنا كنت ببصله وخايفه ومزهوله : معقول هو فاكر انه حتى لو ما عملش عمليات

هفرط فيه وأسيبه ؛ معقول حسن فكر فىا كده ؟

ومعقول كمان هيطلقنى؟

لا لا لا الكلمه دى كبيره قوى أكبر من ان أتحملها يعنى مش هابقا مراته خلاص ؛

دا الدنيا كلها تتفعل في وشى لو ما فهاش حسن.

ازای أعیش في دنيا ما فهاش حسن؟

دا أنا بحس اني حته منه ازای عايز يبعدين عنه كده؟

ومن غير شعور لقيت رجليا أخذتني ليه ونمت جنبه على السرير

وأنا لسه لافه اديا حوليا كاني حاضنه نفسي وغمضت عنيا وأنا خايفه وترعش

بس ما فيش قدامي غير كده

وقلت : يا حسن أعمل فيا أي حاجه تثبتلك أن مش ممكن أسيبك

أو أكون لغيرك وأي حاجه ممكن ترضيك وعايز تعملها فيا أ'ملها ما يهمكش أنا موافقه.

وبعد لحظات حسيته بيقرّب مني وميل عليا ووباس دماغى وحسيت بالحنيه في صوته

وقال : هدى اطلعى بره ومش عايز أشوفك تاني في أوضتي

أو حتى أسمع صوتك وأول ما هانزل مش هارجع الا بورقتك معايا.

ففتحت عنيا وبصتله وقلت : أرجوك الا دي يا حسن ؛ اوعى تحرمني منك.

فغمض عنيه وتنهد وقال : لو ما طلعتيش دلوقت أنا هارمي عليكى اليمين دلوقت.

فقلت بسرعه من على السرير وقلت : طيب خلاص هأخرج والله بس أسمحلني اني اشوفك

واطمن عليك يا حسن.

فقال: هدى أنتى طا.....

وأنا صرخت وجريت عليه وحصنته وقلت : لا .. لا يا حسن الله يخليك لا اوعى تقولها الله يخليك. أنا ماليش غيرك والله اموت أهون من أن أسمعها.
أنا أسفه .

ووقفت بسرعه وقلت : هأخرج ومش هاجى تانى بس أوعى يا حسن تقولها
ما تموتنيش بالحياه يا حسن أوعى تنزل وتفذ القلته يا حسن بالله عليك ما تحرمنى منك.
وهنا دخلت خالتو وبصت عليا وبصت على حسن ورجعت بصتلى
وقالت : أنتى ايه المبهلك كده يا هدى وايه القطعلك هدومك كده؟
انتي بتعيطى ليه؟

وبصت لحسن وقالت : حسن انت عملت ايه فى هدى؟
أحنا سكتنا عليك الفتره الفاتت وقلنا مش عايزين نزعلك بس ما توصلش لكده مش هدى
التبهدل بالمنظر ده؟

فقال : هدى مراتى وأنا حر أبهدلها وأعمل فيها اليعجبنى
ومحدث يدخل بينا يا ماما لو سمحتى.

فقال خالتو : أنت الظاهر أتجننت ولو عشان هيا مراتك تبهدلها كده ؛

لا فوق بقا هيا في لحظه ممكن تكون مش مراتك لو أستمررت تعاملها كده؟

وقبل ما يرد قلت : لا يا خالتو هو صح .. أنا مراته وهو فعلا صح.

وبصتله بانكسارى وقلت : يبهدلنى ويعمل الهوا عايزه فيا بس أفضل مراته.

وسبتهم وخرجت ودخلت أوضتى وفضلت أعيط وطلعت كل النار والحرقه الفى قلبى وكل

الاحداث الحصلت من وقت ماعمل الحادثه وكل تصرفاته معايا أفتكرتها

وفضلت أعيط لغايه لما تعبت وقمت أتوضيت واصلت واخذت برشامه مسكن ونمت.

وعدت علا الايام البعدها وأنا حالتى النفسيه سيئه جدا؛

كثير كنت أروح واقعد جنب باب أوضته لما يوحشنى قوى وبكون هاموت وأفتح الباب

وأدخل عليه عشان أشوفه وأطمئن عليه بس بخاف ينفذ تهديده

ولو دخلت الاوضه تانى يطلقنى.

ودايما كنت بأسال خالتو عنه وعن احواله وصحته

ومره قلت لخالتو : حسن وحشنى قوى يا خالتو تعالى ادخليله ؛

أنتى وأتكلمى معاه وأنا هاوقف بره من غير ما يحس بيا؛

بس أسمع صوته ربنا يخليكى يا خالتو ما تقولى لا .

وطبطبت عليا وقالت : ربنا يصلحلك الأحوال يا هدى يارب ويشفيك ويهديك يا حسن يا ابنى.

ودخلت فعلا وفضلت تتكلم معاه وهو كانت اجاباته مختصره جدا ؛

وشكله مش عايز يتكلم وأنا كان واحشني جدا وكنت حاسه اني بتعذب بقربه وبعده

وكنت هاتجنن عليه وانهرت وقعدت على الارض وفضلت ابكى بس هو حس بيا

وقال خالتو : هي هدى بره؟

وهنا خالتو ارتبكت وقالت : وهيا ايه الهيجيبها بره بس؟

بس حسن كشفنا وقال بمنتهى العصبية : هيا وصلت انكم تستغفلوني عشان عاجز بتضحكوا

عليا ؛ وهيا عشان قلت ما تدخليش الأوضه تقف تتجسس عليا من بره يعنى أتصل أجيب

الماذون دلوقت واخلص الموضوع ده عشان تحترم نفسها وتخلي عندها كرامه وتبعد عنى .

انا ما قدرتش اكمل سماع أهناات ووقفت وطلعت فوق أوضه الالعب الرياضيه

ولاول مره أشوف عليها التراب بالشكل ده لان من قبل الحادته

كنا مشغولين فى جهازنا وتوضيب الجناح وأنا وهو ما طلعنناش هنا لينا كذا شهر؛

والتراب ملا المكان .

ومسكت قماشه ومسحت حاجات بسيطه وما قدرتش

وقعدت على الارض وأنا بىكى بحرقه ونار جوايا من البيحصلنا أنا وهو والحاله الوصلنا

ليها .

إغضب ، إغضب كما تشاءُ واجرح أحاسيسي كما تشاءُ

فكلُ ما تفعلهُ سواءُ ، وكلُ ما تقولهُ سواءُ

فأنتَ كالأطفالِ يا حبيبي ، نحبهم مهما لنا أساؤوالنا. " نزار قباني "

كثير ماما وخالتو وعمو اتكلموا معايا وقالوا فتره وهتعدى وحاولوا يصبروني؛

بس لو أى أهانه من اى حد بتكون صعبه؛

من حسن بتكون أصعب وأصعب وكفايه موضوع الطلاق

الكان روجى هيا البتخرج منى مش أن هابعد عن حد بجبه وبس.

ورجعت أوضتى وفضلت أفكر كثير لغايه لما اتوصلت لقرار وهنفذه من بكره أن شاء الله

وزى ما تيجى بقا أحنا مش هنفضل طول عمرنا كده استخبي منه وأخاف يلمحنى؛

فيرمى عليا اليمين.

الفصل الثامن عشر :

وفعلا نمت وصحيت تانى يوم اتوضيت و صليت ونزلت المطبخ وكانوا بيجهزوا الفطار

وجهزت فطار حسن وأخذت الصنيه و كنت طالعه بيها.

بس ماما وطنط قالوا : مش هينفع يا هدى وبلاش تعاندى معاه وهو لسه حالته النفسيه

سيئه ولسه تعبان سيبه دلوقت.

بس انا قلت : أنا مش هستخى تانى والي يحصل يحصل عايز يطلقنى بيقا قدر الله وما شاء

فعل ؛ ومفيش نصيب لينا مع بعض لكن هطلعله وقعد معاه حتى لو غضب عنه.

وأخذت الصنيه وطلعت قبل ما يقولوا حاجه تانيه.

وخبطت عليه ولما اذن بالدخول دخلت.

وهو أول ما شافنى ما كنش مصدق انى هاتجى واجيله تانى.

وقلت : صباح الخير يا حسن عامل ايه دلوقت؟

وبعد لحظات صمت ابتدا يتترفز وقال : أنتى بتعمل ايه هنا هو أنا كلامى مش بيتسمع ليه؟

وقطعت كلامه قبل ما يقول حاجه تانيه تجرحنى وقلت : شوف يا حسن أنا مش هابعد عنك؛

يعنى هتغلط فيا بالكلام أو هتقطع هدومي أو هتعلى صوتك عليا ولا هيفرق معايا؛
حتى لو رميت عليا اليمين دلوقت ولو عايز أتصلك بنفسى بالماذون أنا موافقه.
وقدامك لابسه عبايه واسعه وطويله والطرحه على كتفى لو قلت الكلمه البتهددنى بيها كل
المعمله هاشيل الطرحه من على كتفى وأعطى بيها شعري ويخلص الموضوع.
وأنا بجيبلك من الاخر خروج من هنا مش هاخرج؛
وهأفضل جيبك طول ما أنت تعبان.
باى صفه باى شكل مش هيفرق معايا؛
وسواء فتره علاجك كانت يوم ؛ شهر ؛ سنه ؛ طول عمرنا هاكون جنبك وتحت رجلك
ومش هسيبك سواء ده برضاك أو عدم رضاك.
حتى لو مديت ايدك عليا مش هاسيبك وأعمل فيا كل اللى يخطر على بالك براحتك خالص
وبرضوا مش هبعده عنك ؛
بس هاقولك حاجه واحده تخليك فاكرها كويس وما تنسهاش ؛
أقسم بالله العلى العظيم لو رميت عليا اليمين وطلقتنى ما هقبل أن ارجعلك تانى فى يوم من
الايام حتى لو بست على اديا ورجليا؛ وهحرم على نفسى كل رجاله الدنيا
يعنى لو ما كنتش ليك مش هاكون لغيرك طول ما أنا عايشه ؛

وهو ده كلامى والقرار ليك .

بس سواء كنت مراتك او لا مش هاسيبك لغايه لما ترجع زى الاول تانى ؛
والقرار فى الصفه اللي هكون بيها معاك ده أنت بس عندك حريه الكلام فيه .

إغضب فأنت رائع حقاً متى تنورُ

إغضب ، فلولا الموجُ ما تكونت بحورُ

إغضب ، كُن عاصفاً كُن ممطراً ، فَإِنَّ قلبي دائماً غفورُ " نزار قباني "

طول ما أنا باتكلم وأنا دموعى بتزل منى أنا حاولت أمنعها وطول الليل أنصحها وأفهمها
أنها لازم تساندنى وتقف جمبى فى الموقف ده ؛ بس لما وقفت قدامه خذلتنى ونقضت العهد
الكان بينا وظهرت ليه وأثبتته قد ايه أنا ضعيفه قدامه ومن غيره .

وبعد لحظات لقيته فرد ذراعاه السليم ليا وأنا جريت عليه وأترميت فى حضنه وتمسكت بيه
بكل قوتى وفضلت أعيط بحرقه من العامله فىا ومن الزل والاهانه الشفتهم معاه فى الفتره
الفات ؛ وكان صعبان عليا نفسى قوى منه؛

بس مش قادره اسمع كلامه وابعده عنه ؛

حسن ده روحى الساكنه جوايا ازای ابعده عن روحى .

وهو فضل يطبطب عليا وقال : خلاص يا هدى أنا أسف حقتك عليا .. سامحيني

.. أنا عارف انى جيت عليكى قوى الفتره الفاتت .. وأهنتك وزعلتك وبكيتك بس غصب

عنى ؛ مش عايز أهدلك معايا يا هدى وأنا مش عارف فتره علاجى هستمر قد ايه؟

والعمليات دى هستجح ولا لا؟

وخاصه انه فيها عمليه دقيقه قوى ومحتاجه دكتور شاطر قوى ليها.

وحتى لو نجحت أعصاب ايدى مش هسترجع زى الاول يعنى مش هينفع أعمل عمليات لحد

حتى لو خفيت يعنى لو حالتى ما رجعتش كويسه بيقا كمان مستقبلى ضاع.

لا هكون الدكتور حسن ؛ ولا الراجل الممكن تفتخرى بيه قدام الناس.

مش عايز أظلمك يا هدى أنت غاليه قوى عليا ومش بتحمل عليكى الهوا ازای أتحمّل نظرت

الشفقه عليكى من الناس لو كملتى مع واحد عاجز زى كده.

وأنا هنا بعدت عن حضنه وقلت : أوعى تقول عاجز تانى يا حسن أنت مش عاجز.

فبص للارض باستسلام وضعف وقال : بس هيا دى الحقيقه يا هدى اللازم اقبلها.

فقلت : حسن أنت ممكن تتخيل أن هدى ينفع تكون لحد غير حسن؟

فبص للناحيه التانيه وتنهد تنهيده قويه وسكت.

فعدلت وشه ليا واخذت دماغه فى حضنى وقلت : حسن أنت مش عايز تعمل العمليه ليه؟

وهنا لقيته لأول مره بيبكى وخط اديه على وشه وقال:

خايف خايف يا هدى ما تنجحش وأفضل طول عمرى عاجز ؛

خايف مستقبلى اللي قبل ما أبنيه يضيع بسبب العمليه ؛

خايف أكون عاجز وأنتى تبقى لغيرى ؛ خايف من الدنيا والأيام الجايه.

بصبر نفسى دلوقت وأقول يمكن يكون فى أمل بس لو ما نجحتش خلاص هيصيح الامل

منى. أنا مش متخيل أن اى أنسان بياخد قرار انه يعمل عمليه خطيره أو دقيقه بيبكون قراره

صعب قوى كده.

خايف قوى ياهدى ومحتاجك قوى معايا بس خايف أضيعك وانا بدور على نفسى لو كملتى

مشوارك معايا.

أنتى فاكروه انه سهل عليا كل الكلام البقولهولك والله ابدأ ؛

دا أنتى أغلى حاجه فى حياتى يا هدى بس كنت عايز ابعذك عنى عشان ما يضعش شبابك مع

واحد عاجز ومش هتحمل أشوف عجزى فى عنيكى.

وطول ما هو بيتكلم وهو فى حضنى وبيعيط وأنا كمان بيعيط.

ولما سكت قلت : طيب أحنا دلوقت هنبداً من جديد وهنشوف ايه الصح ونعمله ؛

وهناخد بالاسباب ونحط في دماغنا أن ده أمتحان من ربنا ونخلي ايدينا في ايد بعض

ونفوض امرنا لله ونرضا بقضاء الله واى نتيجة نرضا بيها لانها هيا المكتوب لينا.

أحنا دلوقت هنجل موضوع التكليف بتاعك والقرار فيه لغايه لما شوف العمليات هترسى على

ايه وهنقدم الشهادات الطبيه اثبات للكلية.

وبعد الفطار هنكلم الدكتور ونقوله أنك خلاص وافقت على العمليات ونشوف العمليات

المحتاج نعملها هنا نعملها والمحتاجه السفر نساfer ونحمد ربنا انه يسرلنا احوالنا وانه

معانا الفلوس ونقدر نساfer ونعمل العمليات وأن حالنا احسن من غيرنا

فقال : يا هدى بس.....

وقاطعته وقلت : أنت هتعمل كده عشاني لو لينا نصيب وكان فيه تحسن هنعلم ربنا على

نعمه الصحه والعافيه ؛ ولو لا قدر الله ما فيش تحسن هنرضا بقضاء الله.

وأفتكر يا حسن دايماً قوله تعالى (وعسى ان تكرهوا شيئاً وهو خير لكم وعسى ان تحبوا

شيئاً وهو شر لكم) صدق الله العظيم.

وأن شاء الله هاكون معاك خطوه خطوه ومش هسيبك سواء هنا أو بره مصر.

فقال : ازاي يا هدى وكليتك خلاص الدراسه قربت؟

فقلت : لا طبعاً أنا هاجل السنه دى أنا مش ممكن أسبيك ابدا.

فقال بصوت حزين: شفتى يا هدى اهه ابتديقى التنازل من اولها بمستقبلك ويا عالم بكره

هتتنازلى عن ايه كمان.

فقلت : حسن عشان خاطرى بلاش نبره الحزن والياس دى؛ أنا عايزاك دايماً حسن المرح

المتفائل العنده حل لاي مشكله.

ولو على الكليه أنا هاجلها سنه مش هتتنازل عنها خالص تفرق يا حسن وهاعتبرها سنه

راحه بس.

فقال : سنه بين الادويه والمستشفيات هيا دى الراحه ياهدى.

فابتسمت وقلت : تُو تُو.. سنه مع حبيبي وجوزى يا حسن.

فرفع وشه ليا وهو لسه فى حضنى ودخل علينا عمو وماما وخالتو.

وحسن بعد عنى ومسح دموعه بسرعه

وأنا أتكسفت انهم شافونا قريين من بعض كده.

وقال عمو : الظاهر يا جماعه جينا فى وقت غلط أحنا هنرجع ونيجى وقت تانى ؛

بس افتكروا تقفلوا الباب المره الجايه.

وغمز لنا.

فأبتسمت بخجل وضحك حسن وقال : لا يا بابا أتفضل حضرتك ما فيش حاجه .

وقعد ماما وعمو وخالتو على السرير الثاني وأنا وحسن كنا على نفس السرير .

فقال عمو : ها ايه الاخبار بتاعتنا النهارده أنا شايف انكم اتصالحتمو خلاص؟

فضحكت وقلت : يا عمو أحنا ما كناش متخاصمين دا حسن كان بيتقل عليا شويه عشان

يعرف غلاوته عندي .

فبص لحسن وقال : وعرفت غلاوتك يا عم حسن؟

فضحك حسن وقال : عرفت يا بابا عرفت .

فقال عمو : الحمد لله ربنا يصلح احوالكم وييسرلكم الحال ان شاء الله .

فرددنا كلنا : يارب .

الفصل التاسع عشر :

وبعدها قال عمو : حسن يا حبيبي عايزك تعرف اني مش هاسيب حقك والхамى لسه

مكلمنى بالليل وبتابع معاه اجرائات القضية وباسم هياخذ عقابه؟

فقلت لعمو : طيب عمو رشدى عمل ايه لما عرف ان ابنه هو الاجر البلطجيه يضربوا حسن.

فتنهده عمو وقال : أنا كلمته وقال أنا تعبت من مشاكل الولد ده وخلي السجن

يربيه يمكن يقدر يعمل الانا عجزت اعمله.

فبصيت لحسن وحسيت انه سرح فى الكلام ده فقلت كتغير للموضوع

:بعد اذنك يا عمو أحنا بعد الفطار عايزين نتصل بالدكتور عشان نشوف موضوع العمليات

ونشوف هنعمل ايه؟

فبصلى بفرحه وبعدها بص لحسن

وقال : صحيح يا حسن خلاص وافقت على موضوع العمليات يعنى أتصل بالدكتور واحدد

معاه الميعاد .

فبصلى حسن وقال : خلاص يا بابا موافق عشان خاطر هدى.

وطنط قامت وباستنى وقالت : ربنا يخليكوا لبعض يارب ويفرحك يا هدى

زما ما كنتي سبب فرحتي دلوقت.

وماما قالت : ربنا يتممك شفاك على خير يا حسن يا ابني ويقومك لنا بالسلامه.

وقال عمو : طيب خلاص أحنا نترل نفطر وبعدها هاتصل بالدكتور على طول وهنشوف بقا

نعمل ايه؟

فقلت: ايه رايك يا عمو نجيب الفطار ونفطر هنا كلنا؟

فقال: والله فكرى يا هدى يا بنتى ونتجمع مع بعض زى الاول.

وقال حسن : ايه يا هدى انتى هتقلبلى الاوضه مطعم ولا ايه ؟

بس موافق عشان خاطرک بس.

فقال طنط : لا أنا كده هغير وهأشتغل شغل الحموات كمان ؛ كل حاجه عشان هدى

ولا ايه يا ابني هو أنا ماليش فيك خالص كده.

فضحكت وقم بوست دماغها وقلت : أنا وحسن ملكك يا خالتو ده هو بيقول كده عشان

يكسفننى قدامكم بس

وفعلا خيلنا الشغالين طلوعوا الكل وفطرنا كلنا وفضلنا نضحك ونهزر

وأنا كنت بأكل حسن لانه اصبر ما يأكلش الا من ايدى وكل شويه يقول كلمه يكسفننى وأنا

ابصله جامد عشان يسكت

وفي الاخر قلت لو ما بطلتتش كلام مش هاكلك .

بس هو قال : لو يرضيكي أفضل جعان سييبي.

وعمو قال لطنط : انا بصراحه غيرت من حسن أكليني زيه.

بس هيا رفضت وفضلنا نضحك عليهم لانه ابتدا يكسفها ويغازلها زى ما حسن بيعمل معايا.

وكنا فرحانين أن حسن نفسيته ابتدت تتغير ويرجع يضحك زى الاول.

وبعد الفطار نزل عمو وأتصل بالدكتور واتفق معاها.

وكان فعلا الموضوع طويل وهياخذ شهرين بين العمليه والتانيه وأوقات العلاج الطبيعى.

وعمل أول عمليه وبعدها بفترة ابتدا العلاج الطبيعى وأبتدا يظهر التحسن على رجله وبعدها

سافرنا عشان عمليه دراعه وكنت انا وعمو والدكتور المعالج معانا وبعد العمليه اصبر عمو

اننا نكمل العلاج الطبيعى مع نفس المستشفى عشان نفضل متابعين الحاله معاها للاخر.

وخلال الفتره دى كنت مع حسن لحظه بلحظه وكنت ببات معاها فى المستشفى وكنت بشجعه

لما يزهدق أو يدايق وكنت بساعده فى كل حاجه ليه وهو بيتعمد يغلس عليا ويناكفنى وخاصه

لما رجله بقيت أحسن بعد العمليه العملها فى مصر وبقي ييمشى على رجله كويس الحمد

لله ؛ بس كان المشكله الكبيره فى دراعه لان الكسور كانت جامده وتحتكات كثير فيها.

بس الحمد لله بعد العمليات والعلاج الطبيعى أبتدت تتحسن واحده واحده وأصر حسن انه

يشتريلي فستان فرح جديد من هناك ؛ وعمو فاجئنا بطقم شبكه الماظ هديه ليا.

ورجعنا مصر وبعد ما ايد حسن بقيت كويسه؛

وغير التخصص بتاعه فى الكليه لتخصص أطفال بحيث ما يحتاجش يعمل عمليات فيه.

حسيت قد ايه كان مدايق وحزين بس قعدت أتكلمت معاه

وقلتله : ما ترعلش يا حسن أنت كده الحمد لله بقيت أحسن والحمد لله ان ربنا عوضك

ورجعلك صحتك وبقيت بتمشى ودراعك رجع زى الاول.

فاكر يا حسن لما قلت انك دخلت طب عشاني عشان لو تعبت تقدر تعالجنى ؛

شوف من نعم ربنا علينا بعد ما خلصت تخصص النسا

ربنا كرمك وهتخصص أطفال فبكده هتساعدنى وتساعد ولادنا كمان.

فعلا أمر المؤمن كله خير.

والحمد لله أننا اخيرا خلصنا مشوار تعبك ورجعت زى الاول.

نرجع بقا نشوف مذاكرتنا ولا ايه؟

فقرب منى وقال : ايه؟

فبصتله باستغراب وقلت : ايه ايه؟

فقال : لسه قبل المذاكره فاضل حاجه مفروض نعملها الاول.

فقلت : ايه فاضل ايه؟

فابتسم ومرر صوابه بين خصلات شعرى وقال : فاضل فرحنا يا هدى فاضل أننا نبقا روح

واحدہ سوا عرفتی فاضل ايه؟

وأنا أتكسفت وبصيت للارض لانه كان يبصلى بهيام وهزيت راسى باه.

وقررنا أن الفرحة هيكون بعد اسبوعين.

وأخذنا الكام يوم الباقيين مش بنشوف بعض خالص الا قبل النوم لاني كنت بتزل مع ماما

وخالتو نكمل التجهيزات والفرش والحاجات الاصررو يغيروها تاني ؛

وكنت بروح البيوتى سنتر أعمل ماسكات ؛

وفضلنا كده لغايه يوم الفرحة.

وعملوه فى الجنيهه وحسن معنى أنزل الجنيهه أشوف التجهيزات وحلفنى أن اليوم ده ما

أقربش للشباك عشان ما أشوفش الكوشه والتنسيق بتاع الفرحة عايز يعملهولى مفاجاه.

وجات الكوافير البيت وعملت الميكب ليا ولصحابي.

وبالليل حسن لبس وأتشيك وجه عندى لما عرف انى متوتره ومش عايزه أنزل.

وبعد ما خبط على الباب وأصحابي فتحوا الباب وخرجوا ودخل هو وقفل الباب.

وابتسم وقال : ما شاء الله عليكى يا هدى زى القمر.

وقرب منى وخط ايده على دماغى وقرأ الاذكار وباس دماغى

وقال : مبروك يا عروستى اخيرا يا هدى بقيتى ليا.

ومسك ايدى باسها أنا كنت خايفه ومكسوفه ومكشره ومرتبكه وأحاسيس كتير جوايا:

وقلت: حسن هو أحنا ما أتسرعنash فى ميعاد الفرح ما ينفعش يتاجل شويه؟

فاتخض واختفت ابتسامته وقال : أتسرعنا فى ايه يا هدى؟

هو انتى حاسه انك ندمتى على موافقتك على جوازنا ولا ايه؟

عایزه حسن صاحبك وحبیبك وأخوكی وزوجك وسندك وضهرك وكل حاجه فى دنيتك.

صح یاهدى؟

فهزیت راسى باه.

فابتسم وقال : بیقا خلاص أى حاجه تانیه مش مهم سواء كل حاجه كامله أو فى حاجه

ناقصه مش مهم المهم أن أحنا الاتین مع بعض وبخیر وبس مش عایزین حاجه تانیه تنكد

علینا فرحتنا باننا خلاص بقینا شى واحد ؛ وای حاجه تانى مش مهم. ماشى یاهدى؟

فأبتسمت وقلت : ماشى یاحسن.

فقال : عایزك ماتخافیش كل حاجه تمام؛ وأن شاء الله هتبقا ليله من أحلى الیالی.

وبعد الفرح عاملك مفاجاه هتجننك.

فابتسمت بفرح وقلت : ایه هیا یا حسن؟

فضحك وقال بمشاكسه : لما تكبرى هتعرفى.

فقلت : تانى یا حسن هترجع تقولى لما تكبرى هتعرفى؟

فلعب بجواجهه عشان یستفزنى وقال : أه لما تكبرى.

فمشیت وقعدت على السریر وقلت : طیب عند بعد أنا مش نازله تحت وشوف هتقول للناس

ایه؟

فضحك وقلع الجاكت بتاعه وقرب منى وقال : خلاص وأنا كمان مش عايز الفرح والناس

عرفوا أننا أتجوزنا ونقولهم أننا أبتدينا شهر العسل على طول.

فبصتله بخضه لانه كان شكله بيتكلم جد وخاصه لما قلع الجاكت فعلا ووقفت بسرعه

وقالت: لالا لا خلاص يلا بينا نزل للناس ومش مهم اعرف؛

على رايك لما أكبر هاعرف.

وفتحت الباب عشان اخرج قبله.

وهو ضحك عليا وقال : أستنى يا مجنونه البس الجاكت أنتى هتترلى لوحدك.

مع كان نفسى نكمل شهر العسل على طول بس يلا هنروح من بعض فين.

وخدنى وخرجنا وابتدينا نزول السلام على انغام الموسيقى لغايه لما وصلنا للكوشه.

وكنت ببص للفرح والزينه بانهار وازاى شكل الجنيهه اختلف تماما.

وقلت : شايف يا حسن الفرح شكله جميل قوى ازاي ماشاء الله.

فابتسم وقال : هو أنتى كنتى فاكراه انى ممكن اتنازل فى مستوى الفرح

بتاعى على هدى حبيبتى وروحي ودينيتى كلها.

هل عندك شكُّ أنك جزءٌ من ذاتي

وبأني من عينيك سرقت النار .

وقمت بأخطر ثوراتي

أيتها الوردة .. والياقوتة .. والريحانة..

والسلطانة.. والشعبية..

والشرعية بين جميع الملكات .

يا سمكاً يسبح في ماء حياتي

يا قمراً يطلع كل مساءٍ من نافذة الكلمات .

يا أعظم فتحٍ بين جميع فتوحاتي

يا آخر وطنٍ أولد فيه .

وأدفن فيه..

وأنشر فيه كتاباتي .

وبعدھا ابتدت الرقصه السلو وقمنا رقصنا و كنت فرحانه قوى و كان أول مره أرقص مع

حسن أحساس جميل ومختلف نشوه وفرحه وسعاده وبصيت لحسن الواضح الفرحة في

عنيه ولقيته بيقول : بجزك يا هدى بجزك لدرجه العشق لدرجه الجنون بجزك ملكنى من

صغرك ومن غير ما حس كثير كان نفسى وأحنا صغيرين أقولك بجزك وأقولك أنك مش

ممکن تبعدى عنى أو تكونى لغيرى .

بجزك بكل دقه فى قلبى وكل نفس أنفسته و هتنفسه.

بجزك بدنيتى الفاتت والجايه ؛ بجزك وبعشقتك وأوعدك انه زى ما كان قلبى طول عمره ما

حبش ولا سکنه حد غيرك هيفضل طول عمره مش هيسکنه حد غيرك.

أنا كنت فرحانه قوى باعترافه ده وكلامه ؛ ودى أول مره يتكلم كل الكلام الحلو بالشكل ده.

فلفيت ايديا حوالين رقبتة وقلت : بجزك يا دنيتى الحلوه بجزك يا عمرى الفاتت والجاي ؛ بجزك

يا أغلى الناس وكل الناس بجزك قوى يا حسن وعمرى ما حبيت حد قبلك ولا بعدك.

هو أصلا هدى ما ينفعش تحب ولا تكون لحد غيرك يا حسن.

فمیل علیا وقال : عارفه يا هدى لو ما أتلمناش دلوقت وروحنا نقعد بكرامتنا لغايه ما يخلص

الفرح المش ناوى يخلص ده ؛ هيبقا فى فضايح هتحصل قدام الناس هتتكلم عنها مصر كلها

لسنه قدام وأنا مش مسئول عن اللى هيحصل.

بس هو قلع الجاكت وبصلى بنص عين وقال : أستعنا على الشقا بالله.

وتانى يوم أخذنى وسافرنا دى وقضينا شهر العسل هناك لانه كان نفسى جدا أروح دى وهو

حب يعمل حاجه نفسى فيها فى شهر العسل فخدنى ودانى هناك.

ورجعنا قبل الدراسه باسبوع.

وأتفقنا أننا هناجل موضوع الأطفال لغايه لما أخلص دراسه وهو يكون خالص كليته

وفتح عيادته.

وبرغم مذاكرتنا سوا الا أنها كانت أجمل مذاكره وأجمل أيام كانت حياتنا كلها سعادته وأكد

كان فيه شويه خناقات وأغلبها بسبب غيرته عليا بس عامه أى خناقه مش بنسيبها تكبر

لأننا بمجرد ما بنبص لبعض فى عيننا بننسا الزعل ومش بنفتكر غير حبنا لبعض.

وبعد ما خالص حسن دراسته عمو عمله مفاجاه وفتحله مستشفى صغيره

وقال : أنت تكبرها مع الايام..وحسن سماها مستشفى الهدى للأطفال.

وأنا حملت بعد ما خلصت الكليه على طول وخلفت : حاتم اللى زاد فرحتنا وضحكنا بيه.

" وتوته توته خلصت الحدوته "

*****تمت بحمد الله*****